

古青邱崇宗山著

中國醫學  
最新著作  
新醫學案

中國醫學改進學社出版







像 竹 山 宗 邱



## 序

自古英雄豪傑。可以運六合於股掌。繫萬命於嘯咻。叱咤則風雲變色。舉足而江海騰掀。乃至有時反屈服於渺小疾病。死生操持於市儈賤工。設至不幸。爲槍奴所誤。刀圭甫施。嗥然長逝。可哀亦可歎也。故醫爲人人所宜知者也。且良醫良相爲世并重。士而知醫。進可以救蒼生。安天下。退而亦可持身家。究性命。顧醫理深奧。醫籍龐雜。既無系統與門徑之可循。更多誇誕蕪泛之學說。欲學者無從入手。已學者深造尤難。更加自太史公倡置醫於九流。目爲不祥。范曄棄而不齒。儒類偏見成習。士夫鄙之。致成爲市儈侷利之工具。走卒求食之利器。墮落司命之天職。辱沒學術之尊嚴。毀統亂紀。敗理壞真。嘗

有名震一時之醫。所祖爲枕中秘笈者。僅一部醫方集解。或本草備要。或驗方新編。或藥性賦。筆花醫鏡。壽世保元等偏淺之書。即徜徉應酬。趾高氣揚。噫。醫識如此。用以運用保守且弗能。又安望其負發明整理之責耶。展轉授受。醫之術愈荒。醫之途愈塞而難窺矣。學荒而不治士之大恥。亦國之患也。家大人乃急思有以救正改進。著有邱園十種。蘭台指止。新佛醫正。本草註正。四診訣正。雜醫彙正。金匱經櫬并改訂選註明清徐靈胎。喻嘉言。葉天士。唐宗海。臧枚吉。俞震等家。以爲邱氏醫學叢書。惟家大人所著各書。刊印非一時所能。爲急救時之誤醫者。家大人又命小子著此書。小子本擬就家大人已成之規模。盡取古今中西醫籍。彙收整理。去舍改新。組織爲有系統。

有條例之學術。凡生理、物理、胚胎、化學、物理、解剖、病理、藥物、脈學、診理。採收勿遺。俾學者如日光明照。如指南有針。循序攻習。次第研究。

既無浩秩繁雜之患。

中國醫書不下千數百種，小子常讀者二三百餘種，一人之精力有限，從千百餘種醫書中，選

取精華，實非易事，更加西醫書、科學書，可謂浩浩大海，茫茫無涯，恐學業未能有成，又須至輪迴一走矣。又無猶疑偏墜

之虞。途徑直捷。造詣易深。以至昌盛。則吾堂堂華胄。彬彬文風。亦或可保持其光榮。而湔滌其恥辱矣。第以此舉重大繁難。非一時所勝任。故仍遵家嚴命。縮小範圍。擇其要者論之。摘發竅奧。必求明析。盡泄家法。全部公開。命之曰新醫學案。夫案者成例也。方式也。證治之憑據也。學理之規範也。新醫學案者。革新醫學之理說。締造醫學之新生命。自今而後。薰蕕章章。朽污遁藏。脫舍已過之陳迹。入於純潔。

精美之途徑。順應潮流。恰合時代。永適保生。抗衛西學。如日月經天。陰狸消而光被全地。如大雨滂沱。河山洗而德澤衆生。懿歟偉哉。或曰。醫爲保障生活而設。屬於科學之事業。日新月異。有進無退。縱令果如子言。改造中醫爲極新穎。極精善。以視泰西科學之昌盛。醫學之發達。中醫已相形見拙。如塵棄唾餘。第以爲進化之陳迹。歷史之資料已耳。何況所謂改善者。依然未能舍其濫污之陳腐。空泛之理想耶。曰。嘻。中外人文不同。東西種性尤異。適於此者。不必盡同於彼。行於彼者。亦未必卽適於此。吾人第求學理之適用。生活之安全。復何必拘於形式之優劣哉。抑更有進者。吾國自海禁開放。外侮日逼。武力壓迫之不已。經濟與文化侵略之益烈。醫藥一項。實舉經濟與

文化兼而有之。憂時之士。日籌反抗暴力。防敵侵略。乃今社會方趨  
驚於西醫。爭餌西藥。以誇耀。區區疾病之費。每年溢數百萬萬金錢  
於外人。設中國醫藥將來不能永久保存。西醫藥應時所需。必愈盛  
於今日。以科學幼稚之吾國。醫學所需。盡須仰給於外人。是則吾之  
生命財產。將何如耶。民國十七年初夏。山宗邱崇識於京寓



---

新  
醫  
學  
案  
序

緒言

此篇諸說  
讀者注意

一吾國醫學之見於記載者。神農著本草。藥物學發明寒熱溫平之氣。酸甜苦辣鹹之味。以治風寒暑濕燥火。情慾傷損。所成表裏虛實寒熱之病類。黃帝歧伯闡明氣化。生理。法治。經絡。鍼灸。伊尹造湯液。俞跗長於剝皮解肢。湔洗腸胃。漱滌六臟。長桑君華元化亦精破腹裂背。抽割積聚之手術。張仲景更集醫經之大成。著傷寒金匱。彰明證治規律。醫用大備。誠所謂探造化之源。洩天地至巧。窮萬物之變。創壽世奇工。簡明適用。有史之大觀。調濟偏勝。數千年民生所利賴。唐宋以後。厄於五行之說。進化遲滯。降及今日。歐美國學發達。潮流所至。民智日新。古人發明之精深理論。卓然獨立。

固莫能侮。後人之臆說泛議。燕雜不恰者。實無存在可能。故廿世紀之今日。即吾國醫學舊生命已終了。新生命甫產生之時。欲求新生命在此競爭澎湃潮流中。康強健盛。蔚然樹立。則必建築堅固完好之基礎。培養繁榮肥碩之子芽。此書爲新生命中之產物。雖不克稱爲巨製大作。竊欲將古聖先賢。精義奧理。個人家傳。口訣心法。以及醫學發明之根本源泉。證治之原理變化。參以科學西說。証以經驗心得。全部公開。盡量發揮。表彰真理。辨正訛誤。但使學者途徑不誤。不期然而然。基礎奠固。漸進發育。康強可必。

一古今醫書。多詳於辨症規律之當然。而略於進化原理。構成因子之所。以然。故非有非常敏異之資。殊難頓悟妙諦。此書對於辨症

規律之當然。原理因子之所以然。兼詳并顧。雖篇幅有限。大可引中類推。舉一反三。

一此書各篇。非作成於同一時間。重複之處。在所不免。割裂剪裁。有失璞真。故一依其舊。讀者諒之。

一本書理論中。絕不攙雜五行之說。而學理愈覺明白透徹。此非余姑唱高調。特守家法耳。然醫書中混入五行。已歷有年所。古今著作。未見有公然非議。社會明達。皆木生火。土尅水。奉爲金科。今衆同獨異。冒不韙而闢之。寧不驚世駭俗。物議沸騰。而責爲淺薄無識乎。然而各行各素。他非所計。

一吾國醫理。需用彰明或糾正之處甚夥。敝人刻下因欲進行完成

有系統組織的全醫學。兼創設中國醫學改進社。培植經過合法訓練的人才。冀羣策羣力。合作改善醫學的大事業。故此書暫止於此。所有未完工作。俟後續作。或酌移歸統系的編纂工作內。

一吾國醫學自古至後漢。為精神理論完成時期。漢以後以至現在。為學說紊亂時期。中間雖有發明。不過增添枝葉。潤色皮毛。平均比較。增益部分。不敵埋沒損失。自今以後。得生理學、物理學、解剖學、化學、胚胎學等科學之資助。在短時間內。或可進入精純優良的改革時期。可預期也。

一本書以理論規例為主體。治療方法為附帶。各篇理論。如有餘議未盡。則附列醫案以盡之。治療方法。則皆家傳經驗方。而且適合

時代性質習慣。無論醫者非醫者。按方選用。效如桴鼓。決無流弊。

一本書體例。浪漫不拘。舉古今中外醫學之精華真髓。合而冶於一爐。簡明扼要。字字著實。諺云。聞君一夕話。勝讀十年書。移之此書亦無愧焉。

一是書不第可以拓展醫者非醫者之學識。關於個人或家庭衛生。及病時求醫常識。亦有充分之供給。決無因屬專門學術。而扞格不入。必使讀者興趣。尖然如食甘蔗。風雨之夕。花月之下。潛心誦讀。怡情快意。活舒腦筋。較之枉耗腦汁。毫無收獲。其利害何啻天淵。知識界。或以其爲屬陳舊之學。而不屑一覽。則誤矣。

一醫爲輔助生活之愉適。保障身命之安全。但業醫者有優劣。智愚賢不肖。世人皆有相當醫識。小恙可無需於人。大病亦不至茫無適從。慌劇無措。輕擲寶貴之生命。任人擺佈。故爲父爲子。家居旅行。從軍遊宦。皆宜手此一書。既可得有價值之知識。又可爲精神之消遣。費區區代價。獲利萬倍於所失。

一說者謂西醫屬於科學。中醫偏於理想。不知中醫實合科學哲學兼而有之。科學可以發現宇宙一切秘密。造成世界繁華。哲學則可尋出宇宙根本之原理。倡導世界文明。蓋科學之成功。實從人類理想中創造而來。謂中醫偏於理想者。必根本不明瞭中醫實在學理。不澈底哲學真意義。

一本書對於確實適用之理論。竭力表彰。腐敗空泛之學說。辨正不遺餘力。不第爲救正醫者。亦欲有充分之供獻於研究古今文化者。

一欲求世界真文明與和平。須物質方面。精神方面。協和調濟。相提并行。歐西偏重物質。演出空前大流血。始悟有需於精神文明。故杜威羅素曾來華考察。美京各大學院皆添中國講座。美社會爭延中醫。服中藥。說中醫名詞。以爲時髦。日本亦有漢醫復活運動。第吾華醫學。旁鶩百出。歧誤叢疊。倘無相當刷新改進。何以應時代之需。有愧友邦。亦失振興機會。不才因彙集數年爲及門糾正謬誤。及倡導改新。零星之作若干篇。（曾登黃報文藝欄）添增新



作若干篇。整理付梓。以迎合潮流。而光大吾術。

一吾國醫學簡核。病之性別不過表裏虛實寒熱。治療標準。則只汗吐下清溫補。因勢制宜。變化無窮。認清性質。不必詳於立名。西醫則重視病名。略於性質。社會多數人以爲西醫詳立病名。較爲良好。故中醫對於西醫法治。雖不可強同。將來對於病名。多少應有取法之必要。以成統一之局。

一醫者決非特外表以療人疾者。如江湖下流之朦世騙食。要須有確切學理。務避庸淺庸俗。苟學而不成。宇宙之大。事皆可爲。縱一身凍餒。無傷道德。甘於殺人求榮。利己病世。是殘賊也。雖倖逃法網。報應有時。鬼先師謂。無道行私。必得天殃者此也。

一古今醫書。汗牛充棟。人各一詞。抵觸紛紜。學無所適。貽害何窮。刷除蕪雜。編定秩序而統一組織。爲不可少綏。此卽本書所作之主旨也。

一吾國醫者。自利觀念深重。對於學理訣竅及效方。極端秘密。不肯公開。後進者。欲從無量數故紙陳篇內。尋抉妙諦。何異揀金于砂。故非經師授家傳。造詣難深。本書爲打破此等惡習。理論莫不顯明易窺。熟讀此書。再讀他書。所有疑難。不難迎刃而解。

一吾國人自負有偉大才能。高尚精神。時至今日。文化紊亂。萎靡。比較西洋各國蒸蒸發達。秩序井然之文明。望塵莫及。吾人之眼耳鼻舌身意。何異乎彼。彼既能者。吾亦能之。願皆責任心輕。多不肯

犧牲。故終無追及之一日。泰西醫家有謂。數十年後。行見中醫滅絕塵世。吁。有心人安可不振作奮發。力精圖進。愚謂以吾固有之優秀學理。引而申之。取彼之長。益我之短。改善整理。徐求擴張。不必待數十年之時間。則已極人事之能。盡造化之量。任彼高深之西學。亦無能輕蔑之矣。不幸之墜滅。更何以實現。

一當有清庚子以前。吾國學者。眇視世界無文化。庚子以後。西風東漸。驚奇好異。不認本國有文化。縛體勝衣。一意效顰。神經過敏者。以不澈底眼光。拾掇局部不良學說。竟抹煞全體。更進而根本摧殘。高唱推翻。但破壞建設。相需并行。今人思想知識。姑無論能否勝任創造。優於古人。以數千年之結晶。相因相守。習慣性質所關。

果可一蹴而踣。變易性習。舉手成功。卽精善適用乎。言之非艱。行之維艱。故愚以爲吾國現在無論文化政治。須徹底研究。釐定去取。不急於破壞。而急於整理。不利於一切皆新。頓易舊觀。而利於推陳出新。漸進精良。豈第醫學爲然哉。

一西醫在三十年前尙不完備。日有進步。遂風行全球。近有俄生物學家安地立夫。發明起死術。安氏謂關於人類尸體。其致死原因。並未使人身體發生重大變化。則該尸體。仍能復活生動。一如常人。試驗中之最有成績者。卽死於母腹中之嬰兒。由腹中取出後。可注射藥品於心臟之內部。卽能回春。又醫院中割病人時。病人每死於此劇。但一經施行手術後。亦見復活。故余謂常人之死。並

非真死。雖體僵後。亦可回生。又謂人之壽命可以延長。此後卽苛苦深究之。十餘年後。必更有優於今日之結果。因人死爲極緩之一步。不能倏邁驟逝。停止呼吸脈跳。實因毒素發達。生活發生障礙耳。果能心不停壞。任人皆有回生可能云。現在西醫器械完美。藥品純良。注射奧妙。非中醫所能。但中醫氣化經絡。亦西醫所缺。倘能中西媾通合作。必成可驚之學術。此書理論顯明。揭開中西之範籬。改正學理之不良。與科學并無抵觸。雖未能完成中西之媾合。實負中西媾合之使命。

# 新醫學案目錄

病機	一，三
醫學原始	三，四
證治要略	五，六
陰陽經絡辨論附答問	六，一
五行 <small>爲辨論而作</small>	一一，一七
小腸膀胱合論 <small>飲食氣血生化原理</small>	一八，二〇
氣血之變化	二一，二三
氣味	二三，二四

仙鶴草

附引

.....二四，二九

成無已註傷寒論風傷衛寒傷營之辨正

.....二九，三一

耳鳴與耳聾

.....三一，三七

溫症瘟疫感冒證治秘要

附方，清腦劑，百說猩紅熱，麻疹，流行性感胃，鼻感

.....三一，三七

胃說

.....三七，五三

春溫誤服辛熱燥散藥後之變化

兼論春溫原理

.....五三，六四

腫脹

嚴眼

.....六四，八七

答問

吐血

.....八七，九二

暑溫病熱盛津液虛者不宜用升補燥散藥例

.....九二，九六

喘咳誤服溫燥病議并治驗

.....九六，一〇二

子瀉病議兼釋用藥真理	.....	一〇二，一〇七	
幼兒春溫誤汗病議	保嬰須知	.....	一〇七，一一四
房後虛脫	中風說略，回天再造九方	.....	一一五，一二二
六經證綱	附六經方例	.....	一二二，一三四
氣鬱	附案九則	.....	一三四，一四六
血瘀	附案六則	.....	一四七，一五六
子腫治法	妊娠須知	.....	一五六，一五八
呃逆	附案二則	.....	一五八，一六三
吐血	附案三則	.....	一六三，一七七
記五蓮山僧陽盛格陰症	.....	一七七，一八三	



瀉泄 附案三則	一八三，一九二
痢 附案十則	一九二，二〇七
內傷與外感之辨	二〇七，二一二
戴陽 附案五則	二一二，二二二
感冒病妄用補中益氣湯之害	二二二，二三四
縱慾與妄用培補藥之害	二二四，二三二
記濕熱下注之奇病	二三二，二三六
產後服辛熱藥之變症	二三六，二三七
產後頭面叢生氣核	二三七，二三九
肝燥誤救	二三九，二四一

血結胸 附熱入血室病治法

二四一，二四四

赤胸傷寒潰爛治法

二四四，二四五

冬瘟鼻衄

二四五，二四七

氣疝

二四七，二四九

女子經期早停有屬於生理之變化而非病者

二四九，二五一

楊梅淋濁諸毒經驗有效治法

二五一，二六三

對口疽

附案一則

二六三，二六七

背花

附案一則

二六七，二七四

飲食

二七四，二八九

簡易救急鍼法

二八九，二九七

新醫學案 目錄

六

與顧膺陀君論醫書 三則……………二九七，三〇六



# 新醫學案 初編

## 病機

凡物有感則應。不平方鳴。增量者質重。減分者體輕。草木無聲。風撓之鳴。江漢河流。激則浪興。然草木物也。金石亦物也。風可以傷草木。而不能移金石。蓋易與者與之。所勝者侵之也。且水流濕。火就燥。風寒湊於熱。蟲蝕於腐朽。物理之常也。他姑無論。卽如風寒者。空氣之變質也。氣流空虛。彌漫天地。苟使風寒非因熱湊而侵其勝。則何以偏至此而不及彼。豈無形無影之空氣。亦具炎涼厚薄之知耶。夫因受則有施。施受背馳。物體無以立矣。譬如耳之司聽。苟外無聲浪之施射。則何所成其聽。內無受攝聲音之機能。縱音洪亦莫聞。是必內



外相得。而後成其功用。故物聚則成形。質離則象滅。易不云乎。合陰陽之謂道。孤陰陽則不生。長寶積經云。合和凝集。決定成就。此大藏之秘文。物命之真旨。孟子亦云。集義而生。所謂天地一大合相也。芸芸萬類。動植生活。物體組織。無論有形無形。盡無量數合相耳。病亦自然界之生物。個體個性。無非各種原因化合之結果。化合之成分。庸有強弱。弱肉強食公例也。故邪從所勝以成其病。假如寒因熱而中人。寒勝於熱。則熱從寒化而失其熱。熱勝於寒。則寒從熱化而病熱。寒熱均等。則爲均等之混合相。總之無論任何成分。組合何種病。齊其量。則有齊量之現象。偏重於一。則發偏重於一之象徵。觀夫色素與色素之混合。相有千變。青出於藍。藍亦可化爲紫。又譬如以一

滴有色之酒。滴入水中。過頃酒歸。亡有全皿之水。不著一絲雜色。依然純潔白淨。若未曾有酒攪入者。但欲求純酒或純水。則不可復得。是以始中於風者。非必保持其爲風症。受於濕者。豈只純一濕邪。經云。風雨寒熱。不得虛。邪氣不能獨傷人。無因則不能結其果也。又云。邪從其所勝而化病。則病之所以爲病者。可以知矣。

### 醫學原始

人盡知醫學創於神農。而愚則以爲生人之初。固已具有醫學之知識。蓋醫識爲維持生活之安適。與飲食居處同爲生存要素。譬如微物猶有自救之智慧。虎中藥箭而食青泥。野豬中藥箭則食薺苳。雉被鷹傷貼地黃葉。鼠中蟻毒飲泥漿。蛛被蜂螫而敷蚯蚓泥。並嚼芋

根以擦之。蝦蟆猶能療傷。毒蛇更能吞蛋。人得天賦之智慧。厚於萬物多多。夫既知生活之方法。豈無衛生之技能。而不及微物之智耶。嘗聞故老言。吾鄉之南。入山深處。峯嵐重疊。與市不通。而其人皆安於樵牧。終世未聞咕嗶。知識簡陋。不知世之有醫藥。或不幸而病。則尋草爲丹。摘花煎湯。餌食盡器。病卽霍然。此足知人類萬能。感環境之壓迫。則生相當之敵抗。天賦之智也。爲生活而求飲食。爲風寒而造衣棲。豈獨於疾病。則漠漠然。蠢蠢然。任其戕賊消長。必待神農嘗藥。始醫療之耶。吾故以爲芸芸衆生。爲謀生活之適存。知飲食。則必知醫藥。神農特取而演記彙集。始成醫學之紀元。况人文進化。代有不同。不有簡陋之初。何有精深之漸哉。

證治要略

人身受病。除七情飲食勞傷外。均六氣為病因。六氣者。風寒暑濕燥火也。六氣中人。臟腑分受。於是有三陽三陰之六經。六經受邪。證像畢呈。於是有表裏寒熱虛實之六證。六證分明。法隨而異。於是有汗下吐清溫補之六治。六治有定。病變無常。於是有純雜寒症、熱症、虛症、實症或專在一

、經、皆單獨症、故曰純、或表兼裏、或虛兼實、或兩經同受、為合病、或兩經先後相及、為併病、或三陽三陰皆病、均為重複症、故曰雜、類

別如傷寒、感冒、霍亂、皆卒病、風濕、風濕、溫熱、皆傷寒、伏病、病因同、故曰類、或傷食、脾氣、似傷寒、或陽極似陰、陰極似陽、皆各自為病、故曰別、

真假其寒、假寒、真虛、假虛等症、之六難。六難釐然。審量診視。於是有標本六經症、治從標

從本、或不從標、本、從中、緩急病宜汗、而尺弱、先養其脈、緩發其汗、急見、或第治本、而病自愈、治則促毒、表未盡、步症急、先救其裏、後

解其表、急、逆從以寒治熱、以熱治寒、是逆其病、而反治之、真寒、真熱、當正治、假治則必凶、



寒假熱之六律。醫者推求證治。始於六氣。混入六經。發爲六證。施以六治。而辨以六難。繩以六律。貫通六六三十六法之中。錯綜變化。守經達權。則醫術思過半矣。余故謂醫者以識病爲第一要義。而四診訣正。尤爲識病之第一秘鑰者也。此語乃節錄宋嚴若四診訣正證治秘鑰篇

陰陽，經絡辨論 附答問

陰陽

昨有醫門專家。在某津報發表論文。謂中醫長於經驗。缺乏學理。混陰陽五行經絡。概稱之爲理想的神話。皆宜徹底廢除。五行固無保存之必要。但陰陽五行經絡。無混合之理性。無同論之可能。五行見下五行說陰陽經絡爲醫學中之名詞。現在中醫初入改革時期。因別無適當代替之文字。爲應用習慣便利之關係。似不妨仍舊沿用。况陰陽與

義。爲吾國開天明道。凡百庶政文化倫理之源泉。蓋宇宙萬類。生生化化。大之如天地。小之如昆蟲飛塵。莫一不表示其含陰陽動作之理。譬以天地言之。天者氣而已爲陽。地者質而已爲陰。有氣無質。不成其爲天。有質無氣。不成其爲地。天地對立。實爲一體。易謂一陰一陽之謂道。道者天地構精。萬物化生之道也。故地氣上爲雲。天氣下爲雨。雨出地氣。雲出天氣。但陰陽義理固如此。其實體則一言以蔽之。曰對稱之代名詞耳。男女、日月、水火、正負、彼此、動靜、前後、大小、上下、左右、內外、晝夜、剛柔、清濁、厚薄、表裡、寒熱等。無不可以陰陽名之。又如人身藏爲陰。府爲陽。血爲陰。氣爲陽。一藏中有氣血。一藏中即有陰陽。一府中有氣血。亦卽一府中有陰陽。言藏府內之陰陽。卽是

經絡

氣血。非氣血外別有陰陽。此陰陽寓動靜清濁也。稠簡意而不能作寒熱解。總之無論所代爲何。條文自有表示。分別讀之。不難明瞭。

以陰陽爲神話。已屬武斷。以經絡爲神話。猶屬輕妄。經絡卽血管。爲氣血流通之道路。經者徑也。經常不息。散布精血。榮澗周身。猶如大地之溝渠河流。溝渠縱橫。經絡密佈。大幹爲經。旁支爲絡。人身藏府十二。故經亦有十二。內連各藏各府。外行各經分野。足之三陽足太陽陽明 足少陽膽 足厥陰肝手之三陽手太陽小腸 手陽明大腸 手少陽三焦手之三陰手太陰肺 手少陰心 手厥陰心包絡有十五。十二經各有一絡。更加脾

膈餘。則轉入奇經。奇經凡八。督任帶衝陽維陰維與正經不同。正經爲溝

渠。奇經爲湖澤。正經隆盛。溢於奇經。承瀉蓄聚。各盡其用。經絡之外。更有孫絡。爲經絡之細支。手足某陽。手足某陰。爲指本經徑過起止。便於記誦。別於藏府本部也。數千年沿用之名詞。存在無害於學理。況邪氣傷人。并於氣血。亦循經而傳。內經云。邪之客於形也。必先舍於皮毛。留而不去。入於孫脈。留而不去。入於經脈。內連五藏。散於腸胃。陰陽俱盛。五臟乃傷。此邪之從皮毛。入經絡。而極於五藏之次也。吾之所謂經絡。卽西醫所謂跳動脈、發血管、微絲管、迴血管、及某管某管也。人身爲一囫圇物。體腔內之經絡。當然連續絡串。彼此潛通。蓋人身臟腑。各有各之性能。分工合作。則賴乎經絡之貫串。卽如生理所謂視覺神經聽覺神經等。何莫非藉經絡所傳導指揮命令。以

行其職權也哉。

附答問

師弟夏逢時問於僉曰。足太陽經膀胱。手太陽經小腸。足陽明經胃。手陽明經大腸。足少陽經膽。手少陽經三焦。足太陰經脾。手太陰經肺。足厥陰經肝。手厥陰經包絡。足少陰經腎。手少陰經心。曷如直稱膀胱小腸……膀胱何以稱足太陽……手是某經。是何用意。此問甚佳。足徵用心。譬如生理。有一物分數名。非一物豈可不異名乎。傷寒論爲求證治之簡明。舉六經足手爲綱領。數千年之成法。習於便利。非可任意去留。膀胱足三陰手三陽是太陽經。古書以太陽陽明字樣爲形容膀胱等之性能。形

容意義。姑置不論。足太陽經者。乃隸屬膀胱之一部分血管也。  
即經絡膀胱爲其個體之基本名詞。醫書言足太陽經卽是膀胱者。因此部分血管通連膀胱本部。此經血管受病。膀胱亦將病。故足太陽經。與膀胱個體不同。利害相連也。他經同此。可以類推。陰經陽經。分屬手足者。因手陽經從手走頭。足陽經從足走頭。手陰經從手走腹。足陰經從足走腹。陽經皆上頭。陰經皆入腹。故陰陽者。對待名詞。便於記誦耳。

五行

爲辨論而作

世界愈文明。競爭益劇烈。自然之趨勢。吾人處此漩渦。苟安保守。絕對不能抗衡圖存。不第人類如是。卽人生結晶之藝業學術。亦莫不

占相當地盤。以延長運命。反觀吾中國發明最早最切實用之醫學。果何如耶。是非老氣橫秋。萎靡無生氣乎。一般醫家甘爲機械之木偶。謀個人榮利。背誦陳言。抄襲成方。安居故紙堆內。曾不知放大眼光。考察他人事業。試觀東西各國。活潑發達之醫學。少具良知。寧不發深刻之感觸乎。人文進步速於電光石火。板呆學術。易落後塵。既不適用。難免淘汰。況當今科學日新。物質文明。環境變遷。時代已更。古時傳遺文物。必須順潮流以薰洗。凡陳腐謬說。瑕疵污點。更不容不從嚴取締。十年前家父精神壯健。治政餘暇。兼事著作。因鑒五行生尅之說。爲醫學中犖犖大病。阻學術進步。眞理發明。於是羅輯証據。辨正解釋。五行障幕。從此解除。

五行不適於醫學。已成時代上之重要問題。爲謀醫理之簡明獨立。

不用五行之說，微有不恰。整理自易。見家父所著新佛是誠爲醫學

革命之新紀元。昌大醫學。闡揚國光之發軔。豈第利益吾民族已也。

小子不敏。已無置喙餘地。醫正卷餘較多刊印尙須少遲但近日中西刊物中。仍不

少見以五行生尅爲攻擊中醫之目標。是不得不拉雜述此。聊資辨論。

夫五行者。萬物中之分子。爲人生日常所利用。當秦漢之際。五行學

說方盛行。學者不言五行之言。即不足以成其爲學者。於是混入醫

理。舖張揚麗。說見家父初稿以精深實用之醫學。反依託於五行。去

明就暗。求彰愈晦。吾國雜家學說。本多相通。醫通於丹經佛典。卜通

於星曆。堪輿通於醫卜。星曆儒釋道。學者貫通諸家。始得爲學業之



成功。諸家皆通。始知各部學理皆有獨立不倚之價值。醫學何需乎五行之輔助。而不能自成一家言。語云。通天地人之謂醫。謂醫須學問淵博也。天地造物。醫則生物。若僅知尋章破句。抄方記法。自然不能格物窮理。不能格物窮理。何以通乎造化。是不特五行生尅應知。舉凡一切學術。及東西洋科學哲理技藝。天地人生昆蟲草介之生化。無不應盡知盡通。惟斤斤於五行。欣欣以爲神奧。則範圍狹小。且有刻舟求劍。緣木求魚之譏。或云五行生尅。以解醫說。確有至理。曰萬事萬物不出一理字。可以解釋醫說者。豈止五行一端。譬如機器之運用。係鍋爐機件。人類之動作。亦近似鍋爐機件。以修理機器之手續。修理人身可乎。前賢以五行配五藏。而人身實是十二經。分而

爲六藏六府。是非強刪去一藏耶。生尅云母實瀉其子。子虛益其母。是治一藏則他藏盡治矣。譬如治蒙古。西藏可以不治而治乎。細思其理。實非圓滿。總之醫理自醫理。以他種學理解釋輔助則可。拋開醫理用他種學理替代則不可。故愚謂學者對於五行之說。不可不知。但不宜混淆執泥也。歐美人及吾國新知識階級。鄙視中國醫學。卽因糺雜五行生尅之說之渺茫無藉。但此不過醫學中一部分瑕疵。何害於全體精義。不究實際。妄用攻擊。未見其可也。

近日某大書館出刊之某雜誌。某名家誹譏中醫腐敗荒謬。謂中醫不過把五行生尅的神脈。開五行生尅的神方。不究醫理。但知生尅制化。卽以爲發盡天機云云。絃外之音。可以回味。但吾國醫學果如

是簡單乎。噫。余不禁疾首錐心。唏噓淚下。此言出於他國人猶可說也。不但非外人。且爲中國當代有名作家。何竟出此鄙陋粗俗之論。既知荒謬。應知糾正改造。何可指摘局部缺短。譏誚輕侮全體。以彼人眼光視中國醫學將糞土不值矣。果然則吾中國之一切學術。盡可付之一炬。使隻字不留可也。蓋吾國一切學術根源。本屬一貫。同脈歧出。分流合歸。以名家而不知此昭著之理乎。名家之爲名家可知矣。如云把五行生尅的神脈。請問所謂脈字。作何講解。是非卽發血管之跳動脈耶。西醫聽發血管之大動脈。中醫按手腕之發血管之跳動脈。此動脈與大動脈無所異也。一者以器聽心。一者用指按手。聽者聽其發血管之工作如何。以定病情。中醫則以浮沈遲數緩

急大小虛實長短弦緊濡弱結促牢代微細芤革伏滑洪之字樣。形容其象。用指之感覺神經。以勘測之。某藏應有某脈。見某脈即知爲某病。某病應現某脈。某脈病輕。某脈病重。某脈死。某脈生。某病見某脈易治。某病見某脈難治。某脈速死。某脈緩死。同一脈象。在此病則生。彼病則死。見於此藏則病。見於彼藏則平。聖賢苦心。寔驗訂定。字字着寔。絲絲入扣。數千年智愚相守。不差毫厘。倘能究精至化。定可洞見藏府。較X光線。倍覺明析。今以諸字測勘血管之動作。何所取乎生尅。即有所謂生尅之處。亦猶日月之微瑕。何能蔽其光芒。烏可因草介而棄太山。至於藥方治病。亦各有其理。亦不能因有五行生尅之說。概一筆抹煞。而云中醫盡屬荒唐。嗚呼過矣。

小腸之功能

小腸膀胱合論

飲食氣血生化原理

內經云。小腸者受盛之官。化物出焉。只此一句。已盡括生理之深文奧義。吾國古時文義簡奧。一字一句。卽包括若干義理。外人不能了解。遂謂吾中醫缺生理知識。誠爲既謬且狂。惟因文字隔闕。亦無足深責。乃吾國人亦隨聲附和。哂斥中醫無生理知識何也。按生理云。人類食物入胃。胃壁遂起自然之收縮運動。經約二小時。物質受胃腺所分泌之胃液。溶變爲粗糜。此時胃下口所有之括約筋。受相當之迫激。而起變動。漸漸弛張其形勢。於是粗糜之物質。遂徐徐移入小腸。小腸之外壁。完全爲微絲管組成之油網。此油網內。具有通入小腸內壁。與他臟連接之管。此管吸取膽汁脾汁。注入小腸。二汁注

## 膀胱之功能

入小腸後。合小腸內原有之腸液。遂爲分職合力之工作。改化物糜爲乳。而小腸內壁。更有一種突狀腸腺。專吸取物乳內之養分。爲營養全體之原料。其渣滓經縱狀環狀之筋肉。壓逼入大腸。而排出之。如此則小腸受盛。而化分之義意明矣。內經云。膀胱者州都之官。津液藏焉。氣化則能出焉。此節更包括生理物理之深義。蓋水飲入胃。胃四壁遍布微絲分泌水分之管。水分從胃泌出。經體腔內之油膜。流注入膀胱。不但胃內有分泌管。卽腸中亦有此等管。爲分泌餘水之作用。水質流聚膀胱後。乃受體熱之蒸化。與機器之鍋爐相同。此體熱卽元陽。乃空氣中之養氣。經肺吸入體腔。與體腔內原有之炭輕化合而生者。緣小腸外壁。連屬膀胱之油網內。本自聚有若干炭

輕氣。更益以吸入之養氣。此養氣從口鼻入體腔。循背脊。下經腎系。而達油網。所以此油網內。卽發生極高之熱度。王勳臣以小腸外之鷄冠油爲燄元陽之所此極高熱度。亦謂爲命門真火本其天然機能施行蒸化。水質被化爲氣。循經絡散布內外。潤澤衛護。灌溉滋生。津液涎汗。皆氣之變質也。化氣上升爲津液。哈氣著物仍化爲水。氣出皮毛爲汗。氣出口鼻爲涕爲唾。游溢內外。充塞全體。化之未盡者。下出爲溺。不見年老人陽氣衰弱。蒸化力小。則溺多耶。此所以謂膀胱爲州都之官。津液臟焉。氣化則能出焉。吾國醫者。謂膀胱有下口。無上口。此蓋因所見者爲死畜之死物。猶之西醫解剖死人。所見者非活體。故亦未盡生理之詳。吾國內經所言爲活體。死體與活體當然不同。西醫進步甚快。余深願

其注意活體的動作。勿拘死體爲定論也。

### 氣血之變化

飲食以化生精血。呼吸以調和氣流。精血之造成。爲腎經精液。以西醫

血球中。含有較赤血少之白血球。循任衝上升經胃。合飲食所化之汁。上運於肺以

入心。得空氣及心氣之化。而色赤。西醫以飲食所化之汁。由吸管運輸。至

腔中赤血既充。心乃跳動以逼壓。血既得此壓力。由心左下房。出大

動脈。入跳動脈。王清任謂動脈行氣。靜脈行血。參證氣血何能殊途。經微絲管。微絲管。散佈肌

入迴血管血中。即含有炭酸廢質甚多。血初出於心。鮮紅清潔。漸行

漸變。則充滿炭酸廢質。而變紫。此紫血自迴血管。入心右上房。落右

下房。經肺氣之變化。復爲好血。肺氣化血之方法。乃由通入肺之大



血管。分出無數微絲血管。通於肺部各小葉。肺小葉之旁與尖。有無數小空泡。此泡名微氣泡。微絲血管之血。與微氣泡之氣。只隔兩層極薄之膜。血內炭氣不潔鹽類及其他廢質既去。又加入此新鮮養氣。血即潔淨新純。復回心上房。落左下房。分佈周身。行其功能。運輸灌溉。周而復始。故氣爲衛。護衛也爲陽。氣無形而合熱性故曰陽行於脈外以蒸布。血爲營。守攝也爲陰。血有質而性似水故曰陰行於脈內以灌溉。氣性竄走漂忽。無處不到。血性凝濁。稠濃也有激方行。若氣無血以吸維。則如野馬無韁。血無氣爲統率。亦如車之無御。所謂陰統於陽。陽維於陰。陰陽維繫。血不妄行。而氣循常經。氣主於肺。血主於心。爲中西所共認。氣之成分爲輕養。炭酸。血之成分爲水分。蛋白質。舍水炭素。鹽類。人

身需用氣血之供給。猶如機器需用電流。氣血餘賸之廢質。含有毒性。苟不藉自然循環。去舊換新。運祛氣血中之毒質。則含毒廢質。充塞身體。生活必生異常變化。

氣味

內經謂人與天地相參。積陽化氣爲天。天食人以氣。積陰成形爲地。地食人以味。此誠發天地之至理。窳造物之大道。何謂也。蓋日光照耀太空。瀾綸全球。蒸化水質爲氣。雲雨所自。而氣質恍惚。流充空際。細而無核。杳之無形。然覆載萬物。化生色相。動物無此氣。則不能生。植物無此氣。則不能長。萬物雖生於土質。實成於陽光。故云天食人以氣也。物理之謂炭養輕淡。爲氣之分質。醫書所謂風寒暑濕燥火。

爲氣之變質。寒熱反常。旱潦失度。乃氣之不和。氣失其和。則疾病之所由生。亦卽西醫所謂各種病菌之釀成。至於味爲地氣聚結而成。所以云積陰成形。味爲養生質料。故云地食人以味。氣屬天爲陽。味屬地爲陰。陰陽合和。天地之用也。故有味則有氣。氣味化合。始構成爲一物之體也。餘說見仙鶴草引。

仙鶴草 附引

仙鶴草引

丙寅春日。江蘇蔣君大椿。致余單方一紙云。於去夏返蘇。得友贈遺一仙鶴草之經驗方。謂此草功效極大。因不知醫。致無從宣傳。今先生方著醫書。如能將此草編入書中。則受賜者多矣。據此余卽取而嘗試。其氣平。味甘苦。配入方劑。效不甚彰。單用之。亦有效有不效。考

驗多日。追究至再。始恍然有得。良以此方傳自南方。南方人體質。比較北方人薄弱。此藥性本平淡。以平淡之藥。用於強悍之人。當然有藥不稱病之勢。第人體之強弱。亦不能純以南北判之。蓋人乘天地之氣而生。天地之氣。無論何地。皆有厚薄清濁之時。所以人之體質。無論何處。皆有壯有弱。有清有濁。亦有遺傳關係壯而濁者。乃感受天地之厚氣。故體骸構造。質理粗密而堅固。臟腑之感覺力。亦必鈍緩。以輕清藥力。勢不能勝其病邪。弱而清者。得天地之清氣。故體骸之組合。細嫩而疎緩。臟腑之感覺力。當然銳而薄。以平淡藥品。正恰合其身分。此所以有效有不效也。且藥爲萬物中之分子。而萬物生於天地。天地行陰陽之運化。方能成其生息之功。萬物有氣味之結合。始得

立其體質。故氣爲陽。氣勝於味者。偏於陽也。偏陽則質清。味爲陰。味勝於氣者。偏於陰也。偏陰而質濁。質清則力薄弱。質濁則力悍厚。此神農所以推陰陽之變化。而取物之氣味。以治病。此藥某氣某味。而治某病。簡易奧妙。無復能加。至於漢以後之著者。乃從氣味以外。更益之以形色。有似畫蛇添足。殊覺不倫。淆亂經意。徒啟疑障。余之非議形色。非敢樹異於人也。理之所在。姑妄言之耳。且語云。羣言淆亂。衷於聖。本經既未言形色。故余以爲形色之說。似無存在之必要也。惟本經上中下三品。只收三百數十種。雖云足用。而遺棄神品。泯沒珍類。則非少數。漢唐以後。明哲時出。遂代有收羅。而綱目一書。又嫌其失於泛雜。泛則濶。反足使珍奇之品。不得彰著。良可惜也。卽如仙

仙鶴草

鶴草。載趙恕軒著之本草拾遺。葛祖遺方。亦曾言其功用。然世少知者。今蔣君得之於其友。而又遺之於余。使若久持。而不傳之於人。則恐有負蔣君之盛德婆心。故未得完全試驗成功。即付之宣布。尙望見此說者。同與試驗。以期有用之物。不至湮埋幸矣。丙寅三月宗山識於京寓。

仙鶴草一名石打穿。一名金頂龍芽草。立夏時發苗。各地皆有。徧生白毛。莖高二三尺。秋開黃花。結子。子落亦出。根有白芽。尖圓。形如龍牙。葉長略圓。每枝頂三葉。餘對葉。每層並有一對耳葉。色綠。深紋。邊有鋸齒。蘇城桃山亭。盤門一帶。及杭州城隍山。丁仙閣等地。所產最佳。端午日採取陰乾更妙。氣寒平。味苦甘。涼血。入肺經。穿行腸胃。調

氣和血。攻堅。消宿食。散痞滿。解血毒。祛穢氣。防瘟疫。利關節。通九竅。止疼。舒肝。並治吐血。咯血。痰中帶血。鼻衄。牙宣。療癩。流注。瘡疾。喉痺。閃挫。腸紅。便血。痔腫。崩痢。脫肛。黃疸。虛癆。肺癰。乳癰。疔瘡。癰疽。打傷。撲損。破傷風。瘋犬咬。腫毒。惡瘡。取汁服效力方著。煎服則宜久用。煎水薰洗。腫毒。惡瘡。麻瘋潰爛。螫毒咬傷。又撮莖葉搗汁。佐以蔗漿。及少許白酒。隔水溫熱服之。則噎膈之痰即化。翻曠之胃立平。不論男女老少。新久吐血。及諸內症。先用紅棗十四枚。宗山按棗性甘溫。凡屬火性病。不宜用棗。河水煎沸。入草六錢再滾。去草取棗。和湯服之。病重加童便更妙。治乳癰等外症。用草一兩。紹酒二盃。煎至八分。病在上身飽後服。下身空心服。初起者消。成膿者潰。且能膿出不多。能於平淡中。建奇功。尤

爲乾嘔癆怯血症之仙品。凡癆怯血症。以此草煎水代茶。每日二兩。常服。過節不發。方收全功。並治目珠起有星障。用根上鮮芽。放於酒杯內。用箸搗爛。加食鹽少許。以汁點入眼內。數次立消。

成無已註傷寒論風傷衛寒傷營之辨正

傷寒論爲醫學之宗法。猶聖門之經書。顧文辭深邃。非淺學者所能了解。古今註釋家如成無已、劉河間、柯韻柏、徐靈胎、喻嘉言、陳修元、唐宗海等。各有發明。俾益後學。不謂無功。然其中可以訾議者。亦復不少。流訛習謬。真理晦暗。不才久欲就其爲世詬病者。辨論修正。因時間問題。蹉跎未果。今將最顯著彰明之寒傷營風傷衛一節。辨正於下。



風傷營風傷衛  
之辨正

成無已之註曰。寒傷營。風傷衛。不知寒何能傷營。風何以傷衛。衛爲氣。屬外表。當是寒傷衛。營爲血。屬肌肉。當是風傷營。蓋太陽之氣。充於皮毛。皮毛即衛之居也。跌打破皮膚。先有白汁流出。而後見血。此白汁即衛氣。紅血即營血也。衛氣失其敵抗能力。不能衛外。而寒侵之。諸寒收引。寒傷衛。故皮毛閉塞而無汗。仲景曰。太陽病。惡寒。脈陰陽俱緊者。名曰傷寒。麻黃湯主之。脈緊者。脈浪不舒展也。寒氣凝結。故脈緊。寒邪凜冽。傷者只及皮毛。而皮毛結實。故無汗。用麻黃以直透達之。寒始解。何以言風傷營。蓋風性柔而竄走。非如寒之剛烈。勢必舍皮毛而欺肌肉。肌肉爲營之所處。風來乘之。直入肌肉。則營血愛傷。邪在肌肉。則肌肉閉實。皮毛孔啟。是爲營衛不和。營不守衛。故

衛氣外泄而汗出。仲景曰。太陽病發熱。汗出惡風。脈緩者。名曰中風。桂枝湯主之。脈緩即風在營中之鐵証。又曰。桂枝本爲解肌。若其人脈浮緊發熱。汗不出者。不可與也。桂枝性溫。味甘辛。溫則能祛風邪。甘能益氣和血。如麻黃葛根青龍等湯用桂枝。而桂枝湯不能用麻黃。可思而知也。

### 耳鳴與耳聾

耳司聽。內經以爲腎之竅。聽覺神經系。繫著於腦。如傳電之線。凡聲音藉空氣之傳送。入耳衝動耳膜。神經應之。聲遂著於腦。是爲天然之留聲機。耳腔內之有薄膜。猶如琴瑟之有絃。琴瑟之絃。挑撥之而音發。耳膜受激而聲辨。其感覺神經。則發生於腦。而養腦者爲髓。髓

命門真義

則生之精室。內經以腎臟蓄元氣。而發精神。蓋人之知能力作。本賴乎氣血。氣血中實含有若干熱力。此熱力即與電力相同。而生此熱力之處。即膀胱後之油膜夾室。其詳說俟後續論此篇限於耳病此略及數語以貫澈本篇之義而已夾室即男子精室。女子胞宮。亦名氣海。亦名命門。命門之命名。聚訟紛紜。莫有定論。愚謂即發精神。藏元氣之意。譬如道家以此處爲丹田。玄牝。炁穴。精竅。佛家則名爲龍宮。淨土。界地。苦海。海底。極樂國。優陀那等。乃性命之宅窟也。前賢云。順之則成人。逆之則成仙佛。順者順天地自然之生活。從元氣發而爲受相行識之人道。逆者逆止受相行識之消耗。而固持之。人之壽命。主於元氣。元氣既可以持不消散。則壽命自然增加。因此之故。而名之命門也。內經所謂腎經卽此。

元氣卽生活素

耳聾之原因

非僅指腰子而言。西醫以知覺運動主於腦。然養腦者非髓耶。聽覺力之聰重。視腦之清濁。與腎液之缺否。耳病直接發生於腦。腎心三焦及膽。他臟則爲間接。蓋手足少陽經脈。皆行耳中。心腎之氣相通。耳通腦。腦通腎之故也。嘗見昧於生理醫理之人。臆說妄揣。故本之內經。兼參生理。將耳病之實在原理。明述於下。醫者用爲法程。平人亦可明瞭醫理。知所適從。

耳聾原因爲腦熱盛則蒸灼耳膜。耳膜得熱力。遂呈緊縮狀。而增厚其膜體。攝取聲浪之靈巧即減小。五志火盛。熱蒸之氣。充塞經絡。空隙已經填滿。遂不容外氣侵著。故覺聽鈍重。

臟腑炎熱。循經絡蒸發腦部。腦遺熱於耳。蒸灼耳中之液質。膠粘耳膜。或腦得熱力。而分泌多量之稠液。粘著耳膜。故耳膜厚而失聰。

有受瘟邪而耳聾者。則因邪熱挾痰涎濁氣上逆。壅遏隧道也。然時有偏聾於一。或左或右者。則由於平素之偏勝勞損也。譬如中風症。平素偏傷於左。則左虛。邪侵所勝。而病著於左。平素偏勞於右。則右弱。邪氣乘凌。乃著病於右。蓋即所謂物必先腐。而後蟲生也。

耳鳴原因爲七情六欲過度傷耗致五志邪火熾盛鼓蕩體內之氣。瀾漫經絡中。橫衝直撞。蕩激而成磅礴密宏。蟬蠅蜂蚊。風雷鼓角等種種聲浪。

耳鳴之原因

三焦或膽有火邪。或肝遺熱於膽。或他經之火溢侵少陽經。按三焦

手少陽經之支者。從耳後入耳中。抵目銳眥。膽足少陽經之直者。從耳後入耳中。走耳前。達目銳眥後。火邪循經灌注於耳。火盛風隨。於是激播而發生聲浪。

人身水火平濟。則感覺清寧。即如天之火下降。地之水遂上升。若地無水以吸收天火。火下行無所施著。則仍返上而孤亢。人之火屬於

心。人之火屬於心者。為血管自肺吸收。天空養氣。載運體內。與炭輕化合而發熱。心主血。故云火屬於心。水屬於腎。若

腎經缺少腎液。亦如地之無水質。腎缺水液。則不能吸攝陽火。且乏養腦之原料。腦失其滋養。遂由燥而生熱。再合孤亢之心火。蒸發騰勃。感覺則混而發聲。

然而耳鳴有晝輕夜重。或夜作晝止者何。蓋人身陰陽。陰陽即氣血水火之代名

有人謂耳鳴分  
晝夜輕重者乃  
晝夜感受外界  
之聲受之自  
稱之不覺其自  
滑耳不覺其自  
鳴或鳴之程度  
較小至夜靜寂  
無其鳴息願  
此亦理之或有  
者

職司晝夜。至夜陰分用事。倘陰虛不能充其供給。故至夜作或勢重。陽用事於晝。陰尙未至大燥。則陽不亢極。故至晝勢輕或不作。若陰燥甚。則陽亢極。所謂壯火食氣。陽亦虛。陰陽並虧。遂晝夜均等矣。更有平素陽鬱。或膽氣不舒。升清降濁之道失常。而耳鳴。甚或竅閉者。以上皆就火邪燥熱言之。更有氣虛虛寒。及寒濕風寒者。氣虛者。乃大病後。邪已盡去。陰未大虧。而氣則未復。因而不能充實。腠裏與衛外固表。致虛火易動。外邪易干。於是作鳴。或竅閉。虛寒者。爲元陽不充。不能蒸布津液。或腎火內閉。氣因之亦寒。神經因是失其生動與潤養。耳遂作鳴。或聾。此層多年老人。或產後病後。失血傷氣之人得之。寒濕者。或感受濕邪。體質偏寒。濕從寒化。乃鬱閉竅道。風寒者。風

傷營則營實。寒傷衛則衛實。實者鬱閉之謂。既鬱閉則清道被干。濁氣不降。致聽覺失常。

以上諸條。雖未能盡舉無遺。然亦所餘無幾。智者變而通之。神而明之。即可以用不窮。而取不竭矣。

抑更有言者。世方附炎西醫。棄中醫如草芥。余故擬盡出吾學。明述經旨。使彼淺見者。知吾中醫非盡糞土也。雖不免有管窺之譏。區區此心。則自覺上無以愧古人。下不至負來者焉。

溫症痘疫

猩紅熱  
麻疹

感冒

流行性  
鼻感冒

證治秘要

附方、清膜劑、西說  
猩紅熱、麻疹、流行

性感冒鼻  
感冒說明

凡瘟疫、溫症、以及感冒、暑症。均關時令。可以時症名之。因其治法可



以相通也。

凡時症無不頭痛。頭不疼而但頭暈、目眩、耳聾、發熱、身疼、舌有苔者。亦以時症治之。惟減發散藥用單製。甘寒退熱藥宜用複製重劑。凡係時症。均宜按瘟疫辨正之法治之。而內傷一症尤要細心辨別。辨別不清。則重用甘寒以調理之。勿輕用補藥。傷寒論治冬日時症由風寒而得者。瘟疫辨正。治春日時症由熱而得者。四時有傷寒。四時亦有溫症。瘟疫感冒。會通可以類推。運用須活潑勿執。

病隨氣候而轉移

天道變遷。氣候亦隨之移易。自前清末季直隸、山東、山西、河南等地。冬無大寒。夏多燥熱。除冬月正傷寒。初受在表。鬱而不宣。用桂麻溫散外。其餘溫瘟疫感冒多宜涼散。而不宜溫散。學者不知。以溫散治溫

認症不清勿用猛烈藥

傷寒溫症之辨

瘟感冒。殺人於頃刻。試留心考察。死於溫散。所在甚多。

內經云。冬傷於寒。春必病溫。即今之溫症。溫即熱。不止春溫。秋溫冬溫皆是也。其與傷寒分別者。在惡寒不惡寒。渴不渴二者而已。溫症間有惡寒者。二三日後即自止。間有不渴者。二三日後無不渴。傷寒脈多左大於右。溫症多右大於左。且右寸獨盛也。

內經謂冬不藏精。春必病溫。即今日之內傷外感。因飢餓而傷脾。因房事而傷腎。因勞役而傷筋脈。已有內傷。而又得溫症。自與不內傷者有別。他如大兵大荒後之瘟疫。由飢餓勞碌傷損日久。病機已伏。及無事時。家屬完聚。或因房事受傷。觸而病發者。亦冬不藏精之類。外症與溫症同。而脈獨虛弱。或有兼數者。與暑病脈相似。皆氣虛象。

冬不藏精。春必病溫。為內傷外感之類。

也。此內傷之瘧疫。至於傳染之瘧疫。其症大寒大熱。口渴身疼。脈浮洪數長。舌苔滿口黃黑。面如油垢。呼氣熱而極臭。

溫症瘧疫治法不同。秋冬氣候寒冷之溫症。麻杏甘石湯。越婢湯。大青龍湯等。不妨選用。春溫則麻桂斷不可用。無汗者以川羌葛根代麻黃。有汗者以防風代桂枝。毒甚者加生地倍石膏。均宜七八錢。以甘寒爲主。多用效速。

瘧疫及內傷溫症。以竹葉石膏湯。人參白虎湯。柴胡湯。加生地石膏。人參敗毒散。加生地。石膏。知母。溫散藥用單製。不用複製。如用前胡不用柴胡。用柴胡不用前胡。用川羌不用獨活。用獨活不用川羌也。

瘧瘋萬全散 蘭台指正方

治四時感受瘟毒之氣。頭疼、身疼、惡寒、發熱、甚則發現痧疹、咽喉腫疼、以及感冒鼻塞聲重。一切時症。兼治腫毒初起。增寒壯熱等症。

淨花二兩 連翹一兩 丹皮二兩 檳榔五錢

共爲粗末。布袋分貯。每袋二兩爲一付。

鮮葦根一尺 或荷葉半個 或淡竹葉二錢 爲引水煎服。避風。二

付愈。忌葷菜鷄魚。

滌熱青帝丹 蘭台指正方

治暑症、身熱、氣虛、脈數、雖冬月亦是伏暑。用青帝丹奇效。夏月一切頭疼、眩暈、煩亂、身痛、昏厥、瀉利、腹疼、嘔惡、痧疹、霍亂。煎散

遂意。較天水散、香茹飲等尤爲妥善。

青蒿兩 飛滑石二兩

共有細末。每服三錢。重者五錢。小兒減半。

辛寒黑膏飲 蘭台指正方

治瘟疫溫症感冒風寒

生地三錢 生石膏六錢 芥穗一分 豆豉三錢 薄荷一錢 菊花三錢

牛蒡子五錢 丹皮三錢 萋壳五錢 枳實三錢 杏仁三錢 甘草三錢

表症重去芥穗、薄荷、豆豉。加川羌活、葛根、前胡。

裏症重加厚朴、炒川軍、木通。去川羌、葛、柴、芥穗、五種。

兼內傷者加洋參。

此篇前後八方  
爲不傳之秘  
效不可思議  
思會通溫症  
疫以胃疹無  
死人之病去  
在此擾攘化  
中氣從痰病  
者以溫症爲  
感胃疹爲多

如有夾症兼症可以隨症加減。熱甚用苦寒。輕即去之。  
老人氣弱去枳實。加陳皮。

新佛曰。仲景之麻杏甘石湯。薛立齋之前胡桑皮鉤藤。葉天士  
之菊花桑葉牛蒡子。張子培之銀翹散。均以辛寒主治。而趣重  
甘寒。此辛寒黑膏飲。實合四人之方。去其渣滓。而取其精華也。  
春夏間溫症。瘟疫。感冒。風溫。濕熱。惡寒。發熱。身熱。身疼。頭疼。如劈。煩  
躁。譫語。四肢逆冷。舌苔黃黑而刺。唇焦。鼻煤。上嘔。下利。脈浮大而數。  
或沈細而數。或出斑疹。或鼻衄。治宜升清降濁。分解去毒。病重用大  
劑。病輕用小劑。忌辛燥升散發表。家大人所製盡兼諸家之長之辛  
寒黑膏飲。滌熱青帝丹。痧瘟萬全丹。適合時代。無古方之流弊。更加

且較他病容易  
發生此病亦易  
無與他病名聲  
炎本京名醫擅  
治溫症乃不假  
一其時際尚不  
究其實際法之  
及此篇可知一  
之長亦可享名  
立身也

小子常用之清溫湯疫丹，解毒四消飲，芳香消毒湯，清血安宮飲，維生益津煎五方。類推變通，溫症、痘疫、感冒、風濕、濕熱，諸症治法。盡妥盡善。應用無窮矣。

清血湯疫丹

治邪中於上，頭疼，發熱，身疼，暈眩，耳聾，四肢厥逆，舌苔黃黑而刺，唇焦，鼻煤。

生石膏五錢 鮮生地五錢 川連五錢 桔芩三錢 知母三錢

菊花三錢 連翹三錢 丹皮三錢 牛蒡子五錢 車前草三錢

芥穗五分 陳皮二錢

吐瀉加藿梗大腹皮。

斑疹去川連知母。加大青澤蘭蟬退澤瀉。

表重去川連知母芥穗。加表散藥一二味。如柴胡前胡姜蠶蟬

退川羌獨活阿司匹靈片。西藥發散力優於表散藥  
每用二片亦名醋柳酸

咽疼加板藍根射干山豆根。

咳嗽去川連連翹。加白芥子川貝枇杷葉。

### 解毒四消飲

治濁邪入中、夾食、兼氣、譫語、嘔瀉、煩躁、大小便不利、小水黃短、  
腹疼、胸腹脹滿、悶塞、不食、糟雜、吞酸。

檳榔三錢 厚朴二錢 萊菔子三錢 枯芩三錢 山查炭三錢五分

半夏曲三錢 川連一錢五分 川軍二錢 甘草二錢 白扁豆五錢



加減同前

芳香消毒湯

治邪在氣分，脈虛，身熱，頭疼，身疼，斑疹，咽喉腫疼，白喉，單雙喉蛾，口疔，煩躁，發熱，傷暑，暑溫，霍亂。

飛滑石三錢 竹葉一錢五分 板藍根三錢 藿香一錢 石菖蒲三錢 金

石斛三錢 射干一錢五分 銀花三錢 菊花三錢 桑葉三錢 丹皮三錢

青蒿三錢 澤瀉三錢 香附三錢 通草薄荷爲引。加減會通前方。

清血安宮飲

治邪入血分，神昏，譫語，抽搐，角弓反張，斑疹，氣高，單雙喉蛾，煩躁，干渴引飲，發熱，身疼，頭疼，暈眩，狂亂，舌苔黃黑，唇焦，鼻煤，鼻

痢大便下血，吐血，小便黃赤不利。

犀角一分錢 香薷五分錢 連翹三錢 枯苓三錢 板藍根三錢 銀花三錢

元參三錢 花粉三錢 鮮生地八錢 天冬五錢 丹皮三錢 牛黃一分  
沖

蘆根十寸 山慈菘三錢 沈香一分錢 五錢 薑壳五錢

隨症加減。以上皆水煎服。

病重者一日夜二劑，至四五劑，平均每二小時服一次。病輕者一日一二劑。頭二煎兌合。二次分服。時間隨意。

忌牛、羊、鷄、油膩、油炸發火物。宜綠豆大小米混合熬粥食。或食水泡發麵饅首。風乾者尤易消化。或食煑蘋果煑豆腐。飲豆汁牛乳。查閱飲食篇。

四五星期後。方可食肉類魚蝦。方中有荊芥。魚蝦河豚尤須忌。犯則爲禍甚烈。

飲宜檸檬酸二瓦 糖漿二十五 蒸氣水百瓦 混合代茶飲之

或稀鹽酸二瓦 糖漿二十五 沸水百五十瓦 混合。溫冷隨意。渴

則飲一二匙。

### 維生益津煎

治溫症、痘疫、感冒、傷暑、暑溫、猩紅熱、麻疹諸病、善後調理、以及大渴、大熱、大汗、喜冷、昏迷譫語、循衣摸床、舌刺、黑乾、煩躁欲狂、角弓反張、戴眼、身疼、頭疼、喘促、喉蛾、四肢厥逆、唇焦、鼻煤、腦熱、肺炎、膈膜即包絡拘攣、胃熱。

生石膏六錢 飛滑石三錢 寒水石三錢 元參三錢 鮮生地六錢  
鮮石斛三錢 板藍根三錢 沙參三錢 天冬三錢 大生地三錢 天  
花粉三錢 地骨皮三錢 炒知母二錢  
扁豆皮三錢 東瓜皮三錢 綠豆皮三錢 鮮蘆根十寸 荷葉一片  
爲引。

虛甚者加洋參 一錢五分。

附 西說猩紅熱、麻疹、流行性感冒、鼻感冒說明

西醫極畏猩紅熱、麻疹。治療方法至今尙未發明完美。中醫則以溫症瘟疫概括之。治法則清熱解毒。簡易妥善。無事荒張。西醫如能採取中醫理說。將見盡登仁壽。無一枉死。

猩紅熱

溫平人在薛  
氏表三十六度  
半至三十七度

新醫學案 猩紅熱，麻疹，感冒

五〇

猩紅熱現象。初起發熱。惡寒、戰慄、肢體疲乏、頭疼、舌有苔。脈象數。每一分鐘自八十至。漸增百二十至。體溫自三十六度半。漸高至四十一度。攝氏體溫增漲之際。周身皮膚間。隨生紅疹。病輕者。體熱熾盛。連帶咽疼、心煩、乾渴、嘔惡、胸滿、或骨節疼。病重者。則神昏、譫語、呼吸緊促、喉蛾、大渴引飲、喜冷、四肢厥逆、舌黃赤黑乾而刺、身疼如被杖、頭疼如劈、腹疼、小便短赤、大便乾結。氣血盛者。四五日後。體溫漸退。疹子成熟乾枯。脫落屑。細如糠枇。或大如手掌。氣血弱者。六七日病勢始衰。或有變生他症者。內治方法同上溫症瘟疫感冒各法。外治刺頭部迴血管出血。或冷物罨頭。熱布覆頭。亦可用次醋酸鉛液廿瓦薄荷霜二瓦

麻疹

痧疹爲肺胃火  
熱盛熾小兒較  
成人爲多時氣  
痘疫之類治宜  
清熱透毒

流行性感胃

汽水二百瓦混合。浸布卷頭。

麻疹現象。與猩紅熱大部相同。而有乾咳、嚏噴、流淚、鼻塞。疹子發生由上部往下。蔓延全身。內而腸胃肺內氣管咽管。眼耳鼻舌諸竅。無不瀰漫。顆粒分明。大如芝麻。中央凸起。體熱隨疹之生長而熾盛。此時現象與猩紅熱發達時期相同。四五日後疹粒枯萎。體熱亦衰。紛紛落屑而愈。（內外治法同上）

流行性感胃。乃有一種病菌。附塵埃以飛揚。隨呼吸而入體。已經有人患發。病菌繁殖益甚。病人之痰。雖經數月尙能傳染。故流行極速。而最易普遍。初病時先覺疲倦、頭疼、發熱。或筋疼。骨節疼。或發寒戰。漸至體熱大增。精神昏聩。眼珠脹疼。眉稜骨疼。

夜不能寢。脈象浮數。或浮緊。甚或發疹。喉腫疼。病勢平均在五  
六日後始漸衰。失治則易成肺癆虛弱。內外治法同上。

鼻感冒

鼻感冒。即重傷風。西醫謂鼻內發炎。國人多輕忽視之。聽其自  
愈。此實大謬。風久變爲癆。人所共知。細察其他種種疾病。由感  
冒而成者居多數。其病內有濁熱。外面感觸寒氣。鼻中乾燥。微  
疼。窒塞不通。嚏噴連發。或先發熱。惡寒。頭疼。涔涔。鼻流清涕。或  
涕轉稠。醴黃綠色而臭。亦有吐黃稠而臭之痰者。病勢有六七  
日後輕減者。有十二日後諸症始陸續消退者。失治則變成慢  
性。轉釀腦熱肺炎。(內外治法同上)

丁卯冬曾治一女子。鼻癆  
不通。鼻涕稠醴色黃綠。惡

鼻刺。薰蒸。滿室。皆人欲  
嘔。即由感冒失治所成。

腦爲諸陽經之主  
 會一身之經逆  
 荷熱隨腦液循  
 犯熱蒸腦液循  
 經絡分注於鼻  
 則成鼻淵下濁  
 臭黃綠之涕  
 出於耳則耳中  
 清腦方劑

清腦劑

治內傷外感發生之一切腦熱病。頭疼暈昏，掉眩，耳疼，耳聾，耳鳴，目脹痛，目赤，雲翳，內外障，雀目，鼻塞，鼻齜，鼻衄，咽喉腫痛，喉痺，喉蛾，偏正頭風，不論遠年近日。

川羌 一錢 細辛 二錢 鵝不食草 三錢 白芷 稍 一錢 川芎 一錢 五

辛夷 一錢 真青黛 二錢 梅片 五分 薄荷霜 三分 射香 二分 炒白

芥子 一錢 樟腦 五分 研細另過頂細羅。令患者口含冷水。以器吹少許於二鼻孔內。一日數次。以愈爲度。吹後以萊菔自然汁滴之更效。

春溫誤服辛熱燥散藥後之變化兼論春溫原理



春溫

時常春令大辛  
大熱及燥散宜  
慎重

因前一日遺精  
遂誤認除經寒  
症是爲成見所  
拘

經云病爲本。工爲標。標本不相得。邪氣不賓服。蓋病爲虛。而治爲實。病爲寒。而治爲熱。溫涼倒置。攻守錯亂。是爲工病衝突。標本背馳。藥病不相稱。則小病大。而大病死矣。然而粗工俗手。或有錯誤。名醫者宿。何至荒唐。孰知全國首善之區。名愈高者。術愈荒。望益重。則識益謬。如謙祥益號曾有一病。固明爲顯然易認之春溫病。醫者竟以大辛大熱之藥治之。寧非支離神奇之怪事耶。爰記始末。并詳釋此病義理焉。

病者年方念餘。體健壯。食量兼人。而黑性燥。丙寅三月遺精之次日。偶感風寒。漸至身痛。惡寒。發熱。肢冷。不食。頭疼。微咳。延遲數日始療治。醫謂風寒中於遺精後。與房後中寒同。故爲陰經寒症。與附子吳

英、細辛、肉桂、故紙、獨活、當歸等辛熱藥。二劑後病勢增劇。煩渴、喜冷。易醫謂此春溫也。何以誤作陰經中寒治。用寸冬、川連、枯苓、薄荷、前胡、柴胡、葛根、牛蒡子、芥穗、桔梗、犀角、馬勃、竹茹、牛黃清心丸。病仍有增無減。漸至昏厥危急。方延余。視其現象戴眼、躁擾、尋衣摸床、喉如拽鋸、角弓反張、譫語、鄭聲、汗出如雨。脈細亂衝溢。脈証如此。無一非絕象。辭謝不獲。勉與童便兌鮮生地汁參湯服之。少安脈平。然胃已倒塌。陰已陷絕。縱有傾盆甘露。何能復蘇。焦枯樹木。越日死。今論釋其變化以實吾書。

凡疾病老死。爲自然生活界不可避免之事實。然人類既賦有高深之智慧。豈甘伏受自然之消沈。於是爲身命之適存。始發明醫藥。第

以人類不齊。醫之知識或有鄙劣不良。則活人者反以殺人。求生者適以促死。病世殘民。醫亦何益於世耶。故醫者於一方一法。不論巨細。須求理之嚴密。一疾一病無論輕重。切要方藥適宜。此病外象實無絲毫可以認爲寒症之處。果係寒症。常有惡寒。捲臥。厥冷。喜熱。脈當沈遲微細等純粹寒象。方爲表裏皆寒。今現象中尙有發熱。頭疼。身疼。風寒感於遺精後。不過適逢其會耳。安可據爲定理。又況病者年方強壯。天時又當亢旱之春。縱使感寒。亦不過三陽經証。何至遽中陰經。吳萸、桂附、細辛、獨活、當歸既熱又散。其根據果完成無缺乎。今試從字面釋之。身熱者陰虛。惡寒者陽弱。四肢厥冷者。陽氣不足以達於四末。固可勉強謂有可認爲陰經傷寒証之處。然則尙有頭

體溫變化之原理

痛一象。將作何安置。傷寒論謂三陰經脈不上頭。故三陰經証無頭

痛。凡有頭疼皆當屬三陽經証。

寒症及三陰經無頭痛前賢定論，但腎氣虛寒、鼓陽、房後陽脫、或少陰厥

陰熱症等，亦有頭疼者，讀書要在不可死於句下。

且四肢厥冷一象，亦不能固定爲寒。尙有

熱深厥亦深之解說。身熱惡寒亦可謂爲陰陽不協和。不必一定認爲偏寒偏熱。譬如科學謂人之體溫。本由各種氣質化合而生。依賴呼吸之調濟。以持其平勻之常度。蓋空氣由肺吸入體腔。與體內原有之炭氫混合爲炭氫強洽。而發生熱力。溫養蒸渾。經相當之時間。然後變爲廢濁。從口鼻毛竅排出。再換入新潔之空氣。以發生新熱力。倘使肺部有病。或風寒暑濕遏閉毛竅。呼出吸入不能充其量。以排洩廢舊。攝收新潔。於是新熱不生。而腐化不正當之濁熱。以失衛

外之固。遂惡熱。

觀此種種。則此症既非屬陰經之中寒。又非陽弱而陰盛。妄用辛熱已切陰矣。又益辛燥發散以枯津。灼骨燦筋。燒腸煎胃。二劑下咽。體內外烈燄熾盛矣。故煩渴喜冷。欲引水以止焚。吁。慘矣。

當是之時。盡傾西江之水。尙未必能熄燎原之烈。後之醫者。見不及此。於火勢洶湧。氣血騰沸之際。不急止焚救陰。猶用苦寒辛燥。以清熱表散。不知苦寒辛散。用於溫病之初。或可奏效。用於已誤熱藥之後。則愈以激發怒火。升散真氣。鼓蕩穢邪。竭澤枯源。故未盡劑。陽越陰崩。精絕而胃倒矣。

凡物有所感。則有所現。病至惡化。應有惡徵。此病既因受辛熱劫侮

溫病初期已過  
不宜再用辛燥  
若寒之初期方  
法

病之因果變化

身體器官健全  
則生活運動良  
好苟有損壞則  
生機停止進行

之壓迫。以致表裏盡從火化。胃陰爲火燂煎枯乾。故發生引飲喜冷之反感。假使知因熱勢之方張。急急抑熄挽救。或可嘯枯而起死。孰知更益之以辛燥之發揚。苦寒之敗胃。何異烈火狂風。煽蕩奮騰。內外盡成焦土。臟腑筋脈。莫不亢熱。夫既如是。生活運動何能繼續維持其常態耶。且組織各個部分。合成爲一生活之身體。各個部分。如肌肉、感覺、神經、心腎、肝、肺、腸、胃、等器官。保持其健全之性能。相互依賴爲供給需要之工作。則身體之生活愉適。由壯而老。安守自然之進化。苟有一部分感受壓迫而損壞。或有一部分爲刺激而失其健全之性能。則其他部分即受影響而起變化。於是生殖活動發生障礙。組織細泡漸至枯萎。故戴眼、汗出、喉如拽鋸、譫語、鄭聲、躁擾、尋衣

摸床、角弓反張者。卽藥病衝突。發生之反感。而表示其生活終止之徵也。

戴眼

戴眼者。眼珠上吊也。蓋眼珠背面。有多數筋絡。系着於腦。經神經之指揮。作伸縮旋轉。以攝取色相。其永久工作。則賴相當之汁液潤養之。汁液本已缺乏。又加體內火邪之燥灼。遂緊縮不舒。強掣板呆。而戴上不動矣。

喉如拽鋸

喉如拽鋸者。喉間發出之特殊聲浪也。凡飲食入胃。化生精液。以供給生活之需要。胃氣敗陷。則中洲之運化不行。元氣滅絕。則蒸發之功能喪失。食不化精而化涎。水不滋下而上泛。况陽亢則氣逆。清者不升。濁者不降。鬱滯清道。閉遏氣管。變生粘涎。吐之不出。咽之不下。

證語

躁擾尋衣摸床

瀰漫經絡。障塞遽竅。受呼吸之衝蕩。壓逼發聲如拽鋸。譫語者。喃喃妄語也。聲之成立。由於肺氣鼓蕩聲帶。音之分析。心所主司。今生活元素之精液枯竭。肺量全失。心神敗壞。邪火炎炎。衝激包絡。心肺顫動。神經飛散。故語無倫次。聲喚不止。

躁擾尋衣摸床者。乃陰將竭。陽欲脫。陰陽相乘。陰終不能勝亢陽之狂暴。故火燄紛發。脈流搏急。手足遂揚。擲伸屈。譬如烈火燒物。蠕蠕屈動。狂風掀播。物皆搖擺也。

汗出

汗出者。爲陽不內守。奔越向外。蒸發皮表。張開竅道。津液盡被迫激而洩出。

角弓反張

角弓反張者。爲陰亡則筋骨焦燥。而緊縮拘強。反掣向後也。



春溫扶微

冬不藏精春必病溫

宗山按溫者熱之謂。春溫者春令內之普通時行熱症也。其原起由於長時間之潛伏蘊釀所成。故內經有冬傷於寒春必病溫。與冬不藏精春必病溫二說。不藏精者。言縱恣嗜慾勞役思慮飢飽不節。食飲不醇。正氣不充。耗傷精液也。津液爲供給生活。潤養體骸之原料。人身動作猶如機器。器機原動爲水火。無水不能化氣。無火不能蒸發。水火平均。機方盡其功用。人身陰陽二質。猶機器之於水火。陰爲血。爲津液。爲水分。陽爲氣。爲熱力。陰弱者水虧。陽弱者火少。此弱則彼亢。偏勝則病生。第以人慾無窮。勢不能恬澹全真。而無動作勞力。悲怒憂思之消費精液。精虧陽必亢盛。冬日氣閉陽潛。精雖傷而未甚。病或不即發作。春則氣發陽升。精既傷耗於冬。至春二陽合併。陽

春陽發動體內  
陽盛爲二陽

之亢盛加增。少有感觸。病即發作。又況去冬無雪。天氣偏燥。炮火毒氣。瀰漫甚厚。身體之偏於陽盛者。固已蘊蓄過度熱力。熱蒸皮膚。毛竅空啟。衛外不固。外邪易干。邪既侵入肌腠。則填實竅道。鬱閉皮表。於是體內濁熱。無從透出排洩。混淆蒸變。溫病完成矣。溫既成於不藏精。則傷精之藥。在所嚴禁。縱表邪重。亦不宜重用辛散。表邪輕者。無論矣。若至用肉桂、附子、吳茱、細辛、獨活、之大辛大熱。是無異縱烈火燒乾柴。雖百鍊金剛身。亦難得不骨灰肉燼矣。

多傷於寒春必  
病溫

至於冬傷於寒。春必病溫者。乃邪氣雖強。正氣未虛。足以抗敵制伏。故冬雖傷於寒。亦不即病。但伏鬱蘊蒸。寒化爲熱。熱既內鬱。至春感春陽之發動。熱勢勃勃。邪氣乘之。溫病以成。且溫者熱之謂。病之性

春溫証治心法

熱。復以性熱之藥治之。可乎不可。此理明顯。固不待智者而知也。春溫初期病。須注意其偏於氣分。或偏於血分。偏於氣分者。薄荷荊防等。不妨複製。若偏於血分。辛燥之氣分藥。宜單製。過用燥藥。能伐生生之氣也。若溫邪已深。熱勢蓬勃。辛燥藥尤宜斟酌。雖表邪未盡。亦只宜菊花等輕性疏散之品。熱勢深者。舌胎必黃燥。或黑刺。此易辨者也。

腫脹 臟脹

腫脹初病之出發地點。有手足、而、腰、胸、腹之差別。結果則蔓延全身。盡腫。腹脹亦有始終保持腹部原來地盤者。日名爲腹水。謂其原因爲多量數液質。滲漏腹腔後。感受身體震動搖蕩而發泡沫。如水經

激蕩之生泡沫。泡沫形體。略帶黃色。而不透明。大小連串。中或空。因泡沫擴充之結果。腹漸至膨脹。腹部既脹。肺胃之體積。容量及動作。必同受壓迫。故呼吸困難。消化停疲。排洩失調。妨礙睡眠。全身血液。更因惡濁液質之妨害。失其清肅。致心跳遲緩。神經失用。泡沫日增。日盛。臟脹亦愈甚。於是壓迫心肺等全部器官之勢力。亦愈大。終至器官反抗無力。甘受殘暴。而停止生活存在之進行。腹脹已如上說。腰足手面之腫脹。則爲含水細胞生滅失常。或全身膾餘水分。因毛孔排洩分量底減。水分積蓄滯滯。皮膚受水壓力而腫。或脂膜與毛細管受體內過度熱力之蒸發。而澎脹。此等病。除皮下放水。腹中放水外。無治法。此西醫腫脹病之理說及治法也。

腫脹水原質有  
無物服氣空潤

腫者必兼服  
者不必兼服

腫脹原因

腫脹病、不離乎水氣爲原質。水氣同類。水蒸於熱而化氣。氣遇於寒而變水。飲食呼吸化精化氣。以供給生活之需要。當化不化。積鬱腐變。病始由成。西醫注重形跡。因解剖腫脹病構成之原分子爲水分。故確認腫脹無水以外之原因。其不明氣化可知。何以言水氣爲腫脹原質。蓋人之一身內外。毫髮爪末。無非藉水之滋灌溉潤。以成組織細泡生化之功。倘水流橫溢。滲漏膚腠。清濁交混。隧道壅閉。則發熱、濕熱相生而成腫。人之動作意識。藏府蒸化溫養。賴乎氣爲主宰。氣有積滯怫鬱。則升降失常而脹成。腫有內外脹分上下。

腫脹又名臃脹。膨脹。腫脹二字。對此病類已經形容盡致。但腫尚有局部紅腫灼痛之腫。是宜辨別之。腫脹之成立。不外氣血鬱滯。水積

蟲聚。及寒熱虛實之偏勝。有在腹、在肢、在臟、在腑、在脈絡、在皮膚、腠裏之不同。在皮膚者名膚脹。爲身體一部分。或全體之皮膚宣起也。在腹者名臑脹。單腹脹。爲腹中脹滿。漦漦然不堅。顏色蒼黃。腹筋隆起。脹之部分名稱雖不同。其性質則同。有表裏寒熱虛實。治法同。有補瀉溫涼。

腫脹由於水積者。爲水臑。乃水分散滲絡脈。隨臟腑經絡之虛者。流而注之。手足皮膚及面腹盡腫如鼓。病勢發達。則皮破水流。或瀉利。喘急。不得臥。小便閉。

血瘀者爲血臑。乃血循經絡滲積成塊。腹中血瘤累累。或皮膚積血。障礙脈道。

蠱脹

蠱之結構及化  
生之源

蟲聚者即蠱脹。蠱脹與臃脹音同而性異。臃脹如鼓之空中無物。盾皮綳急。蠱脹中實有物。腹形充實。與血臃相似。蠱藉血以養生。故蠱脹爲蟲血二物之結合。蟲有外入及內生之分。外入者。由飲食生冷敗腐有菌物。或果菜之上有蟲子。入腹中藉體溫之薰化而生蟲。或呼吸穢濁含微生物之氣質。內生者爲從瘀血中窠化而出。蟲血膠結。日生日長。血積既大。蟲亦愈多。飲食養料不養身。而供給蟲。偶有餘賸之些許血液。亦只厚增蟲勢。擴充蟲白窩。而不灌注臟腑。此病忌小便利。胃弱。倘小便利。消化強。則可勝任殺蟲逐瘀之藥也。蠱脹之診察。大抵面色淡黃中有紅點。與紅斑紋。下嘴唇內有白點如粟。及黑血筋。飲食之先。心荒腹痛。肉戰心亂。

蠱之測驗

臟脹屬於風濕濁熱外來者。爲有餘。水主腎。氣主肺。通調水道爲脾之職司。肺脾虛弱。不能調攝散布。或昧於虛實。妄用行氣利水之品。剝削傷耗。內發者爲不足。現象小水黃赤大便秘結者多實。小水清白大便溏瀉者多虛。脈滑數有力者多實。弦浮微多虛。形色紅黃息長氣盛者多實。容顏憔悴聲短息微者多虛。凡屬實證。必六淫有餘傷其外。飲食怒氣傷其內。氣逆不行。三焦壅閉。病之來者暴急。而多偏病氣分。氣流全身。病則多全身浮腫膨脹。或氣實結於中。而爲單腹脹急。平其氣。行其壅阻。實病之治也。至於虛證。必五志積勞。酒色過度。傷其脾腎。日月積累。由來者漸。證象脈兆。必有虛寒之徵。虛證又有在氣在水之分。在氣以脾腎虛寒。不能運化。氣滿而中虛也。在



腫脹死症

水者脾肺虛疲。不能治節水流。汎濫而成災也。

腫脹病。脈喜浮大。忌遲細微弱。先起於腹。後散於四肢可治。先起於四肢。後歸於腹者難治。掌腫無紋死。大便滑泄腫不消死。唇腫黑齒焦者死。臍腫突出者死。缺盆平者死。陰囊及莖腫者死。脈絕口張足腫者死。足跗腫膝如斗者死。肚上青筋見者死。男子從下往上腫者死。女子從上往下腫者死。

時人爲個人利益。率多學於淺顯。志在速成應世。故學理通達者。鳳毛麟角。本京有臈脹醫。赫赫盛名。窺其底蘊。則大戟芫花甘遂千金子。無論千人萬人。只一瀉耳。悍毒急衝。劫奪攻陷。取快於一時。見效於頃刻。人爭神之。不知脹滿原因性質非一。下之不過暫開鬱結。過

頃復作。大滿大實。必需乎攻瀉者。宜和平推陷。可一不可再。峻猛剛烈。則徒損真氣。傷精液。況衆中有病後產後虛弱高年。安可一律視之。嘗見有一攻不消。再攻不消。展轉攻奪。真氣敗陷。而腹堅如鐵石矣。此妄瀉之非法。更有資投著朮。至七八兩。亦屬奇觀。西醫雖無瀉劑補之流弊。穿皮放水。亦非美滿治法。有友患腹脹。經西醫放水後。患苦頓去。快何如之。孰知愉快未久。脹苦復臨。再三放水而斃。愚行醫二十年。所遇腫脹。初發治愈不難。就攔差錯。世始有速死之腫脹。故舉腫脹諸說於上。更謹錄家大人之治法條例於下。以爲誤者之救正。

蘭台指正腫脹篇云。人生只此元氣。強弱男婦。各人有各人一定之

人之生機有定  
分當其初生先

山父之渺小氣  
 泡再而於母  
 之血液以形  
 飛離母腹各  
 以日生食呼  
 以日盛三十  
 壯至三歲以  
 後日衰三十  
 至老死之消  
 結此生老死  
 之機在生老  
 前已有分定  
 生之後以行  
 其量譬如薪  
 然燒由星烈  
 光同起一種  
 燄於火熄滅  
 無他原質厚  
 隨堅之分耳

數減一分則不足。加一分則有餘。血分亦然。而氣尤重。氣根於脾。脾建運則清升濁降。而氣化愈成。虛則不能行濁氣。氣滯則津液不行。積而爲水。水潰則四溢。循三焦經絡而達於肌膚故腫。水尙可循溝瀆入膀胱泄出。惟氣停滯於臟腑經絡故脹。水隨氣滯四溢者。則脹而且腫。氣血兼病矣。

凡腫脹當顧脾氣。運其機緘則氣調。氣調則水自順軌矣。乃時醫治腫脹。全仗攻下消導。不知仲景論傷寒。因發熱致津液枯槁。腸胃乾結。故用承氣下之。以開其結。而存其津液。然有先服小承氣試之。不轉失氣者。不可用大承氣攻下之戒。蓋恐人誤攻太陰脾經之虛脹。而致危也。

備急丸、子龍丸、  
五香丸、各藥店  
皆有成藥

故脾實之人。可酌用備急丸、子龍丸、三承氣湯、二陷胸丸湯、與五香丸、潤腸丸、舟車丸等。

若脾虛之人。腹中元氣業已消散不收。故水橫溢。全是太陰不能統攝。一結一散。一實一虛。相去天淵。宜六味、八味、腎氣丸、禹餘糧丸、黑錫丹等。若再用猛劑大耗其氣。即不脹死。定破腹矣。故腫脹當按虛實。分別治之。

一中年男子。身肥有痰。素喜飲酒。鑿飲膏粱。以致心中煩熱。飲食不下。因而痰喘脹滿。又有瘦人陰虧。素有熱症。加以氣惱。肝氣衝逆。氣痰相結。因而大小便澀滯。肚腹脹悶。喘促倚息不得臥。日久頭面漸腫。脚腿陰囊亦脹而腫。危險已極。惟脈沈大爲吉脈。以立俟河清飲

主之。禹餘糧丸亦主之。黑白六神丸亦可。

一少年墜水。救出未死。乃感冷濕之氣而發熱。胃中食物不化。此症宜先用夾食傷寒之例治之。再理其水脹。然此症初時往往大熱呻吟。驚悸不寐。久則神昏不醒。漸至胸高氣喘。項軟息微。如再以金石寒冷藥鎖墜其邪。深入臟腑。往往不救。其所以胸高者。因胃傷寒濕不能運化。食物藥物。皆積胃中。故高起如覆盎也。此與誤用下藥。傷及胃氣。飲食積壓胃中。心下高起者。均宜用附子五苓散。頻頻灌之。以開其胃而通其氣。以腎氣丸湯收功。(方見後)

一中年人素壯。面色蒼黑。因食鱖魚捲餅。心腹脹疼。醫用硝黃下之。大便不行。脹疼愈增。繼醫雜進下藥。十日不止。粒米不進。不但大便

塞。小便亦不通矣。衆醫束手叫怪。乃炙中脘三十壯。仍不動。因斷三

日死。凡下之不通者。必加柴胡。或於下藥煎出湯中。加鴉片末少許。以升提之秘法也。余診之。見其面色蒼

黑。神藏不露。聲音洪亮。惟腹大如箕。兩手脈皆滑大。兩尺尤有力。乃

先用附子五苓散。見下以通脾之水道。衆謂二便已閉。加以面余曰

此非鼓脹。乃過飽內傷症也。當初飯在胸膈。法當吐出。內經所謂在

上者因而越之也。凡食後得病。皆當用吐法。乃不用吐而用下。以傷胃氣。失運化

之職矣。故愈下愈傷。愈傷愈塞。胃氣全然不動。藥亦全然不行矣。宜

先用桂附以助其運化。再用瓜蒂參蘆升麻以恣其吐。既而吐出前

藥。病人曰。目有光矣。然硝黃太多。氣一行而諸藥皆行。譬如瓶底破

漏。能留滴水哉。急用留中湯救之。赤脂禹餘丸亦可。泄痢合龍丹亦可。以腎氣丸湯調理。

余曾治一婦患  
腹脹滑其側  
側如持刀力此  
腹中結血而愈  
下血數盆而愈

一中年婦瘦極。面色黃。腹疼脹如鼓。四支骨立。六脈弦滑而數。弦爲氣結。滑爲血聚。脹爲氣熱。此氣薄血室。寔邪也。治血先治氣。經隧得通。而後血可行。以黃白化氣散主之。並治產後敗血流入四肢。腫爛如水。此症脈虛空。或純弦者。皆死不治。(方見後)

腫脹虛症。原因不一。而因酒後房事得者。往往誤治。一人喜酒漁色。

後病胸脹腹滿。發煩燥渴。而赤不得臥。而足冷。此是陽衰脈沈澀細緊。

此症蓋因酒後房事。氣奪於所用。精氣下洩。而邪氣因從之上逆。逆則陰氣在上。而爲腹脹。其上焦之陽。因上逆之邪所迫。壅塞於上。不得下降。故而赤煩燥。而現戴陽。此因邪從下上。而盛於上也。宜用吳茱萸湯下腎氣丸。然宜涼服。否則與上焦之浮熱相抵。而不受也。(

此症因過服開  
痰破氣藥氣血  
兩傷而虛矣如  
果虛寒則躁如  
不怒今躁而怒  
是肝火盛加以  
津少知有熱然  
係虛熱故用甘  
寒養陰也

方見後。

一人腫脹。唾痰口乾。飲食不進。服化痰行氣之藥。胸又滿。腹更脹。痰涎愈甚。服導痰理脾之藥。愈膨脹。二便並閉。服分氣利水之藥。腹脹脇疼。不能臥睡。服破血消導之藥。兩足皆腫。漸致而光如胞。腹大如箕。腿脚如槌。甚至腹如囊垂。立則遮欄兩腿。有碍步履。時而燥煩易怒。舌乾津少。惟脈浮大。不及寸口。短也。脈訣。腹脹浮大將出厄。是將愈之候。腫服小脈此是虛症而有熱。腎氣丸助熱不宜。此症忌驟補。忌熱藥。忌升散破氣溫燥藥。忌苦寒藥。宜甘寒。退熱養陰。以六味湯調理。(方見後)

腫脹病。脈沈寔者宜攻下。虛者宜補。浮滑者不宜攻下。宜用汗解。今



列數症於下。

一男子素日能食。但食肉則必泄。忽而頭腫目閉。胸膈如築。足麻至膝。惡風。陽挺。脈滑短。

一人素日食少。夏日貪食酸涼。以致遍身浮腫。腹亦膨脹。

一人素日體肥。夏日喜冷浴。坐臥當風。及秋初病瘧。截早變成脹滿。

二便閉。氣喘不得臥。

一人面目浮腫。漸及腰下。跗亦腫。喘急欲死。不能伏枕。大便滯。小便短少。脈滑大。

此上四症。皆與風水相近。大忌攻下。均宜汗。宜神秘湯。(方見後)

立俟河清飲

即加味大陷胸湯

治腫脹實症

甘遂錢 苦葶藶三錢 炒 苦杏仁三錢 皂角子仁三錢 炒 川軍二錢 五分

黑白朮三錢 半生半熟 防己三錢 五靈脂三錢 玄明粉三錢 五分

清半夏二錢 水煎服

附子五苓散

治傷濕脹滿兼治誤下不通

桂枝二錢 蒼朮三錢 茯苓三錢 猪苓三錢 澤瀉三錢 附子錢五分

合和留中湯

治誤下泄不止。大便瀉出急如箭。火性急熱也 肛門熱如火燎。食入

不停。即從下注。腸垢盡下。白如膿。其臭甚腥。稍補則口燥咽乾

不寐。食不下。兩寸脈浮而空。陽越於上也。關尺脈微而細。陰陷於下也。陰陽不相維。勢將氣高不返。以此留之。

炒薏仁 茯苓 山萸肉收肝氣 五味子收腎氣 木瓜收胃氣

白芍調脾氣 防己通調上下 赤石脂 禹餘糧

煎稀膏沖赤脂禹餘丸

### 苦蘆上越散

吐瀉。凡食後得病。或因醉飽中風。先用此吐之。

苦瓜蒂 參蘆 升麻 食鹽

煎水飲之探吐以淨爲度

黃白化氣散一名小調經散

治腹脹寔症。兼治產後血腫。

大黃三錢 芒硝錢五分 桃仁三錢 沒藥三錢 琥珀一錢 白芍三錢

蘿蔔子三錢 炒研三錢 細辛五分 射香一分 夔壳三錢

研末薑汁調服孕婦去射香

### 金匱腎氣丸

治腹虛症

大生地八錢 山藥六錢 山萸肉三錢 粉丹皮四錢 茯苓五錢

車前子五錢 澤瀉五錢 木防已五錢 附子三錢 肉桂二錢

吳萸湯涼沖服。煉密丸桐子大。每服二錢。

### 加味六味湯

主腫脹虛熱

大生地五錢 山藥三錢 山萸三錢 粉丹皮三錢 雲茯苓三錢

澤瀉三錢 玄參五錢 天冬五錢 車前子三錢 萆薢五錢

生白芍三錢 製香附三錢 水煎服

加減神秘湯

腫脹汗解

香薷三錢 製蒼朮三錢 法半夏二錢 桑白皮三錢 檳榔三錢

大腹皮三錢 川芎五錢 沙參三錢 茯苓三錢 五味子二錢

生薑引煎服汗後腫脹消以腎氣善後

消息金針散

總治腫脹虛實皆效。不論虛實。百無禁忌。

刺蝟皮（焙黃研細末）用蘿蔔子半兩炒研煎湯沖服二錢。日

三次

禹餘糧丸

治十種水氣。脚膝腫。上氣喘滿。小便不利。但是水氣。悉皆治之。

許學士及丹溪皆云。此治膨脹之要藥。即針砂丸又名蛇含石丸

蛇含石大者三兩。以新鐵銚盛入炭中。燒石與銚子一般。紅。用鉗取蛇石。傾入醋中。候冷。研極細末。聽用。禹餘糧

三兩 真針砂五兩。以水淘淨。炒乾。入銚并藥。入炭中。燒紅。銚出。傾藥淨。磚地上。候冷。研細。

以三物爲主。其次量人虛實入下項。治水多是攻轉。惟此三物

既非大戟甘遂芫花之比。又有下項藥扶持。故虛人老人亦可用。

羌活 木香 茯苓 川芎 牛膝 桂心

白豆蔻 大茴香 蓬朮 附子 乾薑 青皮

三稜 白蒺藜 當歸各半兩酒 晒乾爲末。入前三藥拌

勻。以湯浸蒸餅。搨去水和藥。再杵爲丸。梧桐子大。食前溫酒白

湯任下三十丸至五十丸。

最忌鹽。一毫不可入口。否則發疾愈甚。服藥後。病卽於小便內  
瀉去。不動臟腑。日三服。兼以溫和調補氣血藥助之。此方兼治  
有形之積塊。

黑白六神丸蘭台指正方

治血積、氣積、痰積、食積、水積、蟲積、及一切積聚。有形癥瘕等症。

五靈脂生熟各半 香附二兩製 檳榔兩 玄明粉兩 川軍兩 黑丑兩生

半白丑兩生熟各半 共為末密丸每服二錢。溫水下。忌生冷魚腥。

赤脂禹餘丸

治腸風下血寒症兼治寒瀉

赤石脂兩 禹餘糧兩 草烏一錢 研細入猪小腸內煮爛。搗為丸

桐子大。每服二錢。芥穗三錢煎湯沖下。忌生冷魚腥。

瀉痢合龍丹

治一切水瀉。紅白痢疾。噤口痢。百藥不效。服此立止。兼治食生



冷物。或受寒腹疼瀉痢等症。

製蒼朮四兩 羌活四兩 苦杏仁三兩 炒川軍二兩 草烏三兩  
蘿蔔子一兩拌炒

共研爲極細末勿洩氣空心薑湯下。忌生冷葷腥。小兒五歲上  
下服一分。十歲上下一分五厘。十五歲上下二分。大人三十歲  
上下三分。五十歲上下二分。老人一分五厘。孕婦忌服。

消蟲神奇丹蟲脹

當歸三錢 雷丸五錢 螻蛄甲五錢 雲苓三錢 地栗粉三錢 史君子三錢

車前子三錢 神曲三錢 白礬二分 水煎并間服烏梅丸

臃脹鹽

凡臃症。嚴忌鹽醬一百廿天。每日用真秋石可代鹽。待白滿後。

答問

先用鱧魚二斤。食鹽三斤。搗合一處。入磁器內。用黃泥固封晒乾。文武火煨一晝夜。取出去泥。同研末食之。盡此鹽。再食生鹽。可保不發。切記切記。餘方不錄。

答問吐血

或問。偶患吐血危症。經多人療治多日。卒無成效。各醫方案。大致相同。脈象由空大變爲弦數。治法不外養血和肝。使血不安行。藥如白芍、生地、石斛、大小蘆、花蕊石、胆草、川連、麥冬、黃芩等。血雖止。舌苔忽變黑燥。另一醫用雲苓、白朮、二膠、熟地、牡蠣、蛤蚧、萸肉等。大劑滋補品。服之未效。更增耳聾發燒。飲食頓減。聞吐血一症。實非爲絕對不可治之病。何以用此等治法。服如許

方藥不但無效。且更增劇。人爲求生活之安適。故需醫者輔助。豈醫者本不能應社會之需求。以輔助生活之安適耶。抑所用非人。其治法根本錯誤耶。敢請明教。以釋其惑。

吐血

宗山曰。咯血一症。原因複雜。要不外七情六慾。內傷外感。但無論何種因緣。其病於成立後之性質。則各有虛實寒熱之不同。察其原因。

辨其性之屬寒屬熱。或虛或實。考其發現部位。屬何經絡。經有十五

、附屬於肺者。名手太陰經、附屬於心者。名手少陰經、餘類此、而後按法斟酌。分期施治。運用變化。

秩序謹嚴。決非可以抄襲盲從。固守板滯的陳舊方式。所能噓枯生春。生死人而肉白骨。要知醫書中所列方案。譬之代數幾何之有種種式例。標榜研究則可。按圖索用則不可也。

書中方法爲學  
理的圖案徒能  
取法研究若徒  
依樣葫蘆何異  
前之經生家抄  
襲古文以計試  
卷之高中耶

此病之原因爲何。屬何經絡。問者未詳。故無從測知。第就所言者論之。如脈由空大變爲弦數觀之。此病之屬於虛。脈象空大屬於熱。脈象弦數可知也。既熱又虛。則爲陰虛。陰虛補陰。熱盛瀉熱。正治也。然補虛之補。須防益增邪火之熾。瀉熱之瀉。宜避愈虛陰之虛。求其益而無損。必須煞費苦心。非可盜襲常法。所可徼倖成功者。

凡物理有常變。醫法有正逆。通常達變。方不失爲賢智。守正明逆。始得盡醫者之能事。據所言前者之治法。一望而知爲養陰瀉熱。從表面觀之。瀉熱補陰。實非謬誤。但細按病情。藥與病實極端抵觸。蓋川連、胆草、黃芩。誠有瀉熱之功用。第以味苦而性極寒。苦則傷陰。因苦含燥性。物之理。而具有化學之作用也。寒極則減少胃熱。而壓迫血

用藥如用兵善  
用則建功而無  
害否則滋害而  
無功

液之循環。亦生理所公認。假使胃氣健強。縱用極苦極寒。十倍於此病所用者。亦無所謂化燥傷血之害。蓋胃之機能充壯。則自能勝任而利用之。猶主帥之於兵卒。善御之則爲勁旅而衛國。不善御則甚於寇盜而病民。惟其陰既虛。體內生活機能薄弱。胃氣已損壞。故不能制勝利用。藥皆良藥。猶之兵皆良善。健兒。是在如何用之耳。遂化燥傷血。而陰益虛。熱愈熾。熱盛津竭。臟腑焦灼。炎蒸少陰陽明。致舌苔黑燥矣。不但苦寒於此病爲害如此。即破氣破血等藥。其爲害亦復不讓於苦寒。推至於辛散燥烈。重量寒性或熱性。皆須審慎。後王公麻十一號朱姓。初病時不過內熱蒸肺。吐臭痰。頭暈。發熱。醫用生石膏八錢。旋覆花。赭石。桔梗。半夏。各三錢。苦葶。五錢。過壓血液。血流竅閉。衝破肺葉。及胃管內之血管。血大口浴出。治之不應。數日不起。又一人吐血。醫用前胡三錢。桔梗三錢。服後喘急。血湧而死。其過服三稜。五金。紅花。桃仁。蒲黃。病益重者。無數。近又有

友人之一小兒，患鼻衄，西醫所謂腦溢血，服薄荷三錢，汗出而殞。

### 咳嗽忌麥冬

更如麥門冬一藥。無論醫者。或平人。莫不習以爲極平和之清涼藥。豈知其流弊亦自非小。考其性平而膩補。徐靈胎謂咳嗽忌麥冬。誤服則終身不愈。此雖過甚之談。但嘗見咳嗽服麥冬後。無論何種神法。終不能求得急效。故凡吐血兼咳嗽者。非確知病虛甚。切勿浪用麥冬。亦慎微之意也。歟。

### 陰虛忌白朮

至後之治法亦有可議。陰虛病忌白朮。書有明言。白朮性燥。陰既虛。例不得再用。性燥之藥。且吐血方止。經絡未必立復。其平常之健運血液。豈能暢流無阻。故膩補之熟地。用宜斟酌。古時無所謂熟地一藥。經書所用僅乾地。黃生地黃。生即鮮之謂。迨張景岳始以九蒸九晒法。造成熟地。况蛤蚧性鹹溫。補肺氣。山萸肉酸溫。

保一分津液即  
存一分生機吾  
之所謂津液即  
西醫所謂生活  
原素

以溫性藥治熱性病。其不適合於病情。更不待言也。前之治法既誤。其熱勢已極端發達。在當時須知保一分津液。即存一分生機。救過炎炎熱勢。即可維持元氣之不敗。後之醫智不明此。欲微倖嘗試以膩補性溫之藥。壅阻生機活潑之運動。而資助熱邪之澎漲。於是上而耳聾。內而傷損胃氣。飲食安得不頓減也。人賴飲食所生精液。以供給生活進化之消費。飲食既減。生活上需要之供給。當然不充。譬如機器。鍋爐內所需之水分缺乏。蒸氣自然薄弱。更加種種戕伐。陰分虧極。經云陰平陽秘。精神乃治。陰虧則陽失守而飄忽竄奔。遂蒸發肌表。而作燒也。

暑溫病熱盛津液虛者不宜用升補燥散藥例

暑溫

暑者感身外天空熱氣。溫者爲體內火熾熱盛。二者合併。其熱烈可知。凡助熱煽火之藥。雖點滴亦勿入口。余於旬日以來。迭逢暑溫病。而誤服清暑益氣湯。六和湯。十味香薷飲。以致危殆者。因草成此篇。以資救正。

季節有春夏秋季  
冬之轉移與空  
始有風寒暑濕  
燥火之變化

清暑益氣湯不  
可概以爲治今  
之暑溫總劑

天空氣流。恒因季節之轉移。而有風寒濕暑燥火之六種變氣。人在此六氣中。呼吸浴感。賴以生存。但偏勝虛賊。亦疾病之所由生也。

六氣之爲病。各有其性質及治法。

傷寒論  
即詳論  
六氣爲病之  
畧

醫者須明瞭當時

氣候之程度。及病人體質嗜慾之如何。切不可按病求方。誤於古人

之陳跡舊套。如李東垣之清暑益氣湯。

一清字  
啟庸手  
之誤會不淺

稱爲暑溫總

劑。在東垣之世。著效與否。無從知曉。但在今日亢燥激烈之氣候。熱



中而虛詐人情。及多慾善動身體。非有確切卓見。十分把握。切勿輕信盲從。妄援用此溫燥升補藥。以治今日之暑溫也。

陰虛熱盛人服  
消果益氣湯為  
害非淺

一老婦素日陰虛多勞。身瘦而膚澤枯焦不榮。久服紅色補丸之溫性與奮藥。一日偶因瑣事心急。又奔馳烈日之下。致受暑氣。遂頭暈痛。壯熱乾渴。口鼻乾。舌黃。氣高。心胸煩熱。小便黃短。服清暑益氣湯二劑。更加譫語便結不食。脈象關尺細弱。寸口洪長。此脈象即表明體內濁熱。盡為升補藥提升於上。不能下行外出。以成有升無降之壞証。浮陽上越。真陰下竭之險候。所幸者不汗出。知其陰陽二氣。尙未至分離時期。用竹葉石膏竹皮大丸之意。大劑甘寒。盡四劑熱退神爽。仍小便短赤不能食。因主家之熱烈信仰。遂感情用事。欲令速

愈。甘寒中加入苦寒一二。服後又氣高、心胸熱。急改大劑甘寒。奏功較緩。可見食功獵等。尤非醫者之所宜。假使初時無清暑益氣之誤。治以甘寒。至多不過三二劑即愈。寄語時師。對於暑溫病。千萬慎用升麻乾葛之升提。及溫燥之補藥。

按此病既素日陰虛體瘦。膚焦多勞。常服餌溫補。則內熱已甚。一經感情之激。暑熱之侵。表裏火熾。故頭痛壯熱。陽明表症氣高、心胸煩熱。便

黃、口渴鼻干。

心肝胃膀胱熱盛血液渾濁

更用抱薪投火之著。朮半夏。

溫燥鼓煽嘔

吹之升葛。

升散

以竭陰敗胃。提下部之濁穢。助狂燄之焚如。故更增譁

語、便結、不食。且半夏性辛溫有毒。雖有開鬱止嘔之功。但渴家、汗家、血家。推而至於陰虛熱盛者。縱有鬱嘔。忌用半夏。古有明訓。此病既

因胃之欲焚。故欲引水自救而作湯。更有陰虛熱極之明徵。則半夏之用。尤有不宜也。乾葛有小毒。用非其當而受害者。大有人在。猶憶丙寅樊樊山先生之孫少爺患瀉。醫誤認爲下劑。

而用葛根白頭翁。提升濁痰。散收津液。致胃倒陰竭。而成慢脾風症。

### 陶紹青喘咳誤服溫燥病議并治驗

虛熱性喘咳誤服溫燥之害

陶紹青方伯。年逾花甲。身瘦而焦。性好靜。有煙霞癖。去年患喘咳。延余診。據言於六月間爲畏暑熱故。飲啤酒至十餘打之多。并因事觸動肝氣。更曾打牌消遣而勞甚云云。按啤酒造出於麥芽。有補性。胃弱及性靜之人。飲過其度。則分泌遲鈍。再加年老氣衰。則益鬱而不化。酒中之水質。遂留滯矣。酒濕既鬱結於胃。日久遂漸蘊蒸而化熱。加以肝鬱亦化熱。打牌消遣。患得患失。勞瘁思慮。傷氣勞神。液汁灼

耗。燥陽沸騰。遂磨擦而亦生熱。此三熱混合凝結。致熱度狂漲。熱極則氣血波蕩而生風。風盛消穀。故善飢。風熱炎上。蒸灼肺葉。於是咳嗽痰喘並作矣。

凡病皆有病之生活機能。一種病既成立其爲病。則其生機遂日日生長進化。由輕而重。由淺而深。由純而雜。苟醫治適當。壓制病之發達。剷削病之生機。病自消滅。人之生活始得健壯復常。反之醫治非法。必助長病勢。人身生活與病類生活。本立於敵對地位。病之生活。既爲誤治而助長。人身生活自然益加重不良之痛苦。而失健壯之常態。

此病既有混合強烈之熱。以蒸灼肺葉矣。復因醫者。誤以溫燥之藥

助長炎烈。致肺體由發炎而潰爛。觀其吐出之痰。稠而不粘。黃白之中。兼有粉紅。即肺已壞爛之証徵也。

人體內各部器官。既同處一體腔中。自然皆有連帶關係。體腔既發生熱邪以傷肺。肺以外各部分。亦不能獨不受此種熱邪之侵害。不過各有輕重之不同耳。況胃爲水穀之海。飲食從口先入胃。飲食之含有毒質。或不潔分子。必首先傷胃。今因多飲啤酒之故。致濕熱蘊積胃中。醫又不察。誤與燥藥。傷胃氣。助邪熱。服溫燥藥時。病人自覺悶異常。自此遂不能食。故胸腹脹悶。舌苔白膩而浮黃。初因胃風而易飢。今則因胃氣傷與風勢極。飲食不進矣。胃氣既傷。分泌消化失其健常。故又有少腹板硬。小便數少。溲僅一小盅之現象。分泌既失常。飲入之水。益停蓄於

是濕熱加倍發達。壯火食氣。而氣虛。加以濕盛則溢泛。循經絡下注。腰脚。故腰脚腫脹矣。

脈象浮急如釜沸。一息約十一二至。一分鐘跳動至百餘次。惟尙有來去之跡可尋。時而一止。尺寸俱長。右大於左。此促象之離經脈也。脈象釜沸。爲生機將盡。陰陽欲脫。况肺之潰爛已極。何能救藥。因與病者關係較切。又見其精神尙未衰敗。故勉擬三甲和鬱湯一日二劑。試觀如何。

次日再診。熱退。紅痰無。思食。喘止。因年老氣衰不勝重藥。改爲一日一劑。去葶藶等之苦寒。而以生石膏、寒水石、石斛、青黛、紫荊皮、車前草、之寒平。白芥子、橘皮、半夏、麩、茯苓、貝母之化痰。麥芽、枳椇子之去

酒毒。車前子、茯苓皮、橘核、川練子之行經絡去熱。出入加減。效力大著。甫六日。數脈退至一息八九至。十劑後脈僅六七至。猶有促象。喘咳全止。食大進。小水調長。腹脹全消。腰脚之腫亦退。精神漸壯。又命以琥珀茄南末隨藥沖下少許。不及一月身體壯健。

紹青平素最喜鬥促織爲樂。今臥病多日。悶躁不堪。一般清客侍從。爲奉迎計。羅列促織。魚角鬥。本人正以病愈高興。遂欣然入場。不意鬥而大負。心憤快。且亦過勞。晚膳又食羊肉韭菜水角。至夜半舊病復發。急邀余至。脈又釜沸。右寸全無。漸而尺部亦無。咳喘大作。又吐粉紅痰。帶血絲。臥不倒身。四肢腫走向心腹。勢危急。已不可爲。勉強擬方。卽竭力擺脫。主家因前次之誤。堅懇維持。更加服藥後。竟有

病狀雖去病脈  
未平即伏禍根

轉機。病家愈加糾纏不放。然絕脈絕証再現。欲二次挽回。決爲不可能之事矣。

此病在初診時。已現絕脈絕症。本在不治之列。因其精神未盡敗。又加主家竭誠懇求。故勉強治之。閱時二旬餘。病去身安。數脈退至六七。可爲難能微倖。但脈之促象猶存在。卽禍根之尙未去。善自調持。或可帶病延年。放任恣縱。無病者尙不宜。況大病之後。安得而不反復也哉。

久病虛病見促  
脈爲絕脈

四肢腫走向心  
腹爲絕証

按促脈本非死脈。在久病及虛病見之。則不死亦難痊。身腫非死症。如自四肢腫向心腹。則爲絕症。痰喘亦非死證。今吐粉紅之痰。知肺已潰爛。正氣已無。故爲壞症。此病既現種種壞證。又加年老氣衰。煙



痰喘肺爛則死

辦。以及其他戕伐之事。紛至沓來。故終至不可救藥也矣。

### 三甲和鬱湯

牡蠣五錢 龜甲五錢 鼈板五錢 葶藶五分 枯苓五分 知母二錢

鮮生地五錢 董根三錢 防己八分 射干一分 枳椇子三錢 麥芽

炭一錢五分 車前子三錢 丹皮三錢 杭芍三錢 外加荊瀝竹瀝各

半匙。日二劑。不用二煎。

子瀉病議兼釋用藥真理

丙寅夏。後鼓樓苑一婦。妊中患瀉。脈洪數而長。舌胎黃厚。前妊時亦瀉。產後自止。此次較前妊爲重。近日精神不支。呼吸不利。按其脈證。爲子瀉而兼有時熱也。何爲子瀉。蓋婦女受孕後。其氣血湊聚子宮。

子瀉構成之原

以養胎。若平素體質虛弱者。至此勢必愈弱。於是清氣不升。化分失職而瀉作。或因胎兒發育體積漸大。阻碍水道之分泌。順流成瀉。或因食水之積。氣滯陽鬱。或寒濕浸溢。或挾熱潰崩。原因不一。治各不同。醫書以補中益氣湯。升提清氣爲治。補中益氣方中多溫補陽分之品。若屬純虛。或確爲清氣不升者。自然病藥相投。今以炎炎時熱。與洪數長之脈。醫非喪心病狂之屠劍。何敢再以補中益氣。助其邪火。而造成有升無降之壞症。余故用清輕平淡。少兼分利理脾之品。以清其上焦浮游邪火。然後再議他治。

凡醫治任何病症。莫不應分別緩急輕重。循序施術。譬如應用培補。而又碍於賊邪截據。則養正適所以助邪。剷除賊邪。方滋養正也。乃

藥肆中人肆其鼓簧之舌。以余方中有大青與寒水石。則云大青專治溫病。寒水石善墜。於孕婦不宜。噫。此種解釋。不審出何經典。此二味氣味輕清而甘平。寒水石尤爲有氣無味之藥。水煎其氣。非吞其石。從何得墜。神農以氣味辨藥。開千古醫學之基。先言氣味。次言主治及兼治。一藥可通治若干病。何曾言專治某病。內經以氣化論治。立萬世不易之法。何種特殊氣化組合之病。爲何種性質。卽用能勝性質之各種氣味。組合成一種混合氣味。藉臟腑自然運動。造成特殊勢力。以消解病邪。衛護正氣。同一溫性藥。有酸溫納氣。苦溫下此氣。甘溫化氣之別。同爲鹹味。而有鹹平、鹹溫、鹹寒之分。譬如風寒濕合而爲痺。風寒濕爲痺之原質。而痺爲風寒濕變質的合相。假使治

五積散治痺症  
爲醫語非言見  
積散即可用五

痺用五積散。合歸芍參芎桔芷夏草苓薑桂麻蒼根陳皮等。辛苦香甘之味。溫燥平涼之氣。組成一種辛竅通經透竅之混合變質。方中用歸芍參草。爲緩和烈性以護正也。而君臣佐使。則各有其用。如參歸本爲補藥。何以用之於治痺。更如補中用瀉。瀉內代補。熱內用寒。寒內加熱等。豈古人盡屬無知者乎。配合方劑。猶如作文與用兵。開闔擒縱。聲東擊西。詐進僞退。反佐順使。進退有節。出入有序。寬以濟猛。柔以緩剛。去邪以固正。養正以驅邪。變化無窮。神妙難測。所以通天地人之謂醫。格物致知方可以言藥。黃連之所以苦。甘草之何以甜。各有其生化之理在。如謂此藥治此病。此藥何以專治此病。此病何以必須此藥。除此藥治此病。此病必無他藥以治之乎。醫學深微。

難造至境。生死事大。豈可兒戲耶。

病家須知

抑更有言者。訛俗誤人。都門猶甚。嘗有病者。每多希望藥到病除。不知病有深淺。醫有次序。稍微貪功。力即猛峻。略予緩縱。效或不彰。明爲熱病。喜溫補者。見涼藥則却步。實爲寒邪。欲清涼者。得熱藥則驚懼。於是醫者有因此而護咎。以彼而受謗矣。然病者用醫。亦須具定目標。認清某醫。可以勝任吾之需求。吾卽以身命托之。勿狐疑踟躕。勿畏寒怕熱。服藥以制病邪。倘病邪極強不馴。勢必反抗而波起。或邪正交鬪。而變化病情。實未必爲醫之錯誤。詎可言藥不對症乎。所以病者。當詢明服藥後之現象。醫亦須預告將來之變動也。或更有故隱病原。以試醫識。此亦非正當。合望聞問切。方可以言證。聖賢之

病家故隱病原

以試醫則失忠  
厚而非相見以  
誠之道何能兩  
得賢惠

成規也。蓋一種脈象。有形容數種病者。譬如弦脈爲痰，爲寒，爲濕，爲風，爲虛，爲實。沈細脈爲氣鬱，爲虛寒，爲中寒，爲痰閉，爲血鬱，爲陰虛，爲氣虛也。

幼兒春溫誤汗病議 保嬰須知

當今醫學紊亂至極。言人人殊。前閱報載陸君深痛夫言人人殊，各不知此因無統系訓練之故也。

是其是。無統系之組織。無適當之制限。嘗見朝爲抬夫與卒也。夕即爲名噪九城之國手。之無不識。遑言致知。第使湯頭熟讀。祇知依樣葫蘆。竊襲唾棄。盲從膚淺。見爲風症。而進以散風之品。風邪豈爲有情而聽命。適使耗傷正氣於無形。逢濕邪即萃聚滲燥爲劑。驅病以撞藥。藥豈能自通靈性。遂人意以搜邪。頭疼者治頭。不思頭之何所

疼。脚疼者醫脚。弗究脚疼之根源。幸而體壯者。邪適去而病愈。遂詡  
詡然。高其視。而闕其步。以爲人盡不我若也。自此沿訛就錯。終其世  
莫出幽暗之途徑。噫。此人生之厄運也。何窮。鬼先師曰。無道行私者。  
必遭天殃。顧其病世殘民者。遍天地間。抑豈有道者乎。吁。

幼兒春溫誤汗

時在春暮。皆治一不及二歲之幼兒。患發熱咳嗽。醫以爲外傷寒也。  
治之以九味羌活湯。甫下咽。汗洩不止。神昏播擲。易醫以汗出等象。  
爲驚風也。乃疏參耆朮。及鎮驚豁痰之品。數滴入腹。乃喘促鼻扇。  
角弓反張。至此招余。視其指紋。紫黑蛇曲。溢出辰位。脈流搏急。息逾  
八至。汗津津而稠粘。喘急急而干噴。按發熱咳嗽。固感之於風寒。而  
風寒所從受。厥因內熱。然以襁褓之嬰兒。無得失之累。渾然天真。情

慾未啟。知識簡單。內何從而熱耶。蓋人生於氣質。病亦由於氣化。今也自冬至春。雨雪無從。氣候亢燥。日烈風高。人之偏陽盛者。應之而陰液虧。一陰不勝二陽。陽愈盛。而邪火妄生。或感受所食乳質不潔之影響。蘊蒸發熱。熱盛蒸發。腠裏。膚表爲虛。衛外之藩籬不固。空際之風寒易侵。內經謂。風寒賊邪。不得虛。邪氣不能獨傷人。且氣之熱者。無不趨於寒。而寒者。亦莫不湊於熱。試觀蓄熱之室。啟其戶。則室外之寒氣奔流室內。室內之熱氣。亦湧竄戶外。所以內無熱者。終何能引吸外寒。風寒既湊。填毛竅。則表裏怫鬱。內熱更不得透越於外。致清濁交混。蒸釀而益發強熱。且肺主氣。而合於皮毛。寒束皮毛。皮毛則堅緻而不張。肺氣遂亦滯塞而不宣。更加鬱熱逆激於肺。故咳



作。乃粗工噴噴。不明天時。失其從逆。恣投無情。伐越無辜。雖云汗以解表。經法也。惟水流已枯。豈可復迫源竭。不見傷寒論之曰微汗。曰微似汗。消息自然。無不存其津液。且幼者生之始也。體質疎薄。臟腑嫩弱。摧殘所不能抗敵。伐越亦無力勝任。今投以與病邪衝突之燥烈藥。體強氣固之成人。且恐非宜。彼患炎炎溫邪之纖纖弱質。安得不遭燒折之慘耶。殆所謂投乾柴於烈火。爲誅盜而屠民。愚不可及。可畏可恨。今既因辛燥耗散以亡陰。陽自飄越而無守。於是火益肆張。衝激燔燥。故營不內守。衛不固表。而汗出不止矣。精隨汗散。乃神昏矣。筋養於血液。今血液耗虧。則筋失營養。而搖擗矣。當此之時。燎原之勢炎烈。焚壑之情方急。傾注無量之甘露。且虞弗及。奈何復引

胃氣爲生活根  
木故脈象有胃  
氣者生無胃氣  
則死

烈風吹燭。以播蕩威焰。暴益以暴。詎非覆卵於巨石。人生所賴之元

氣。能有幾何。而況此氣血未充之稚小。既誤於汗。復傷燒鍼。燒鍼者

謂也。遂致陰陽沸騰。正爲邪化。故現鼻塌。熱邪灼肺。肺之翕張失常之現象。喘促。結氣

上湧。肺中之液汁。受熱邪之煎炙。而變稠澀。肺爲清虛之府。今氣管中壅著稠澀。故呼吸艱難而短促。角弓反張。筋本具

今感強烈之熱力。激灼。遂選拘縮之變動。等危象。當時急與救陰納陽。納陽益陰煎日二

服。不用二煎。差幸回生。第其弱根已種。終其世將無復強壯之期。仲

師不曰。一逆尙可引日。再逆促其命期。是兒不死。亦云天幸。

按草木無情。金石性烈。下咽方寸。死生以之。蓋人之所持以生者。胃

氣也。凡食之化生精液。藥之驅除病邪。莫不仗胃氣運化而分消之。

倘胃氣受損。則蒸化莫行。養身之精液竭絕。逐病之藥力無用。故良

工扶正以遂邪。去病而不困胃。嘗有時師。舍病之本。而趨其末。知伐病邪。而不知顧及生存之元機。見病之熱者。即聚川連、黃柏、蘆薈等。苦寒成方。遇有表邪。乃重複辛散以爲治。熱固宜寒。豈知苦甚則化燥。瀉氣敗血而倒胃。胃既衰敗。則食自不化精。飲亦不化氣。藥之寒者不爲寒。熱者不爲熱。虛而不受補。實又不禁瀉。展轉遺誤。終不免爲求生不得。去死又慢之癆瘵。辛散以發表。不易之法也。然汗過則傷及津液。而亡陰散氣。陰亡氣越。生存之道竭。凡器有其本量。量過則溢。木具其適重。力逾則折。是以氣味燥劣。性質剛戾之品。用當適其病率。勿波及無辜。不見古人之立方。莫不意專法嚴。力稱量合。單製者多。複製者少。卽有複製。藥性亦皆平善。或邪氣亢盛。單製所不

中庸云中也者  
天下之大本也  
和也者天下之  
達道也至中和  
天地位焉萬物  
育焉此吾千聖  
相守之心法文  
明演進之軌徑

小兒脈訣

能勝。始從複製。但亦複而不雜。迨自唐宋以後。遂律弛法張。如九味  
羌活之辛溫重疊。蘇子降氣之破氣偏多。此等複雜不善之方。用於  
體壯邪盛者。或可奏效。若用於體弱輕邪者。禍不旋踵。至於弱小兒  
童。非比成人。成人尙有不禁藥力之偏峻者。而謂可用於兒童乎。且  
大道在乎中和。醫亦何莫非是。

或曰昔人以五歲以前幼兒。無脈可診。并斥指紋診訣爲謬說。其信  
然乎。曰醫無死法。豈可執泥。幼兒與成人之所異者。性情與生活之  
一部分耳。然生存之道則一。故診治之法。雖與成人略異。而其原理。  
可以相通。且脈者氣血之府也。氣行脈外。血行脈中。脈不能自行。氣  
動則脈相應。氣血爲人生之根本。有如天地陰陽之滋榮蒸布。若邪

并於氣血。則氣血不正。脈應之而表顯其徵。第幼兒血氣未定。更兼掙扎哭鬧。以激亂氣血之波浪。脈因是無真象。邪鍾於氣血。不診脈。則無以知邪之淺深何屬。難經以人身之出納。主於肺氣。乃獨取寸口。以決其吉凶。蓋寸口者肺脈也。食指外側。亦爲肺脈之所經。前賢以此處之脈痕。定其形色。而立診察之法。規理有可取。未可全非。夫切者。診之末也。欲盡醫之能事。更須運用四診於變通。

納陽益陰煎

炒阿膠

生牡蠣

生龜板

生鼈甲

地骨皮

生杭芍

元參

沙參

天冬

五味子

鮮生地

批把葉

扁豆皮

蘆根 七寸  
蘋果 二枚

臨症須知

醫者治病必將  
意病者情欲勞  
逸家庭環境將  
病未病之勤作  
起居然後從病  
起居然後從病  
狀脈象互相印  
證辨別以求治  
療所本之確實  
根據

房後虛脫附中國說略，回天再造九方

凡臨症望聞問切。自有次序。至病家見病人之親屬。或病人自能言。先問其得病之因。因何事發。見何種病。再問有舊病否。婦人則使其親屬問經。妨其有妊也。女子則使其親屬問經。妨其有積聚也。小兒則問生痘否。老幼婦女概問有舊病否。婦女則使其親屬看舌胎何色。問已。則望其顏色。紅白明暗。與其五官四肢動靜。望已。則令病人說話。或令其咳嗽。而聆其虛實。如病人不能言。則問其親屬。問望已。然後切其脈。大病固當如此。即小病亦當如此。此四字循其先後次序。一字不可忽略。古今名醫無他奇術。只此四字熟耳。一字不敢忽略耳。

一人五十餘。病於逆旅。請吾往診治。其親屬謂已昏迷不語。余乃問其親屬。其病何因。現何種情狀。據云近十數日來。酒賭不止。某晚在妓家酒後賭。賭已又酒。即宿妓。房事畢。忽現昏迷麻木。時尙能言。令人速買人參。說此話後。即不言語。牙關微緊。尙能灌水。時而清醒。呼之亦知。不呼則昏昏欲睡。亦不知飲食。因其要參吃。知其房事已畢。自己防氣脫也。又問其身體沈重否。有舊病否。據云身體極沈重。不能翻身。舌已捲。囊已縮而無有矣。今春得偏枯旋愈。刻下左肢不能動。已犯舊病。右肢頻動。時時把癢挖鼻。扯衣掀被。右腿亦時時曲伸。問已望其面部。目閉。口微開。色如平常。手撒時動。左足冷至膝。右足尙溫。左右手尙溫。耳鼻時冷時溫。望已聞其喉間。痰聲漉漉。不語。無

從聞其聲。聞已。切其脈。兩關緩不浮。沈取稍弱。兩寸緩而弦長。兩尺

大。沈取無力。左尺猶大而空。切已。統而斷之。內經云。脈取其獨。獨者

獨大獨小也。左尺屬腎。獨大而虛。是離經之象。將脫之脈也。據脈象

是房事已畢。腎虛氣脫症。目閉口微開。痰聲漉漉。是上焦又現脫象。

此中風脫症之現象不語。神情時而清醒。惟昏昏然。但欲睡。是少陰現象。傷寒論少

陰症之現象痰有聲。是水泛為痰之象。若寔熱症則神情無清醒時。但昏迷耳。口則開口則閉。牙關緊。無痰

聲。脈沈取有力。此為腎虛氣脫症無疑。左肢廢者。乃觸犯舊病。非中風病也。

寸脈弦長者。乃酒賭之浮熱上竄。虛陽上越故也。房後脫病。宜加味

參附湯。非他藥所能治輕則參附用。錢三、錢五重則恐無老山參。秧參力小誤事。

加炙黃耆錢二至五錢。三味為君藥。此藥專治房後脫症。可多服。腎脈絡舌木。虛脫



中風脫症治法

則脈不榮舌。因捲而不能言。故用附子。肝脈絡腎囊。肝腎同源。氣脫血亦脫。故囊縮而陽莖無有矣。宜加吳萸錢三、當歸錢三。上有痰聲。宜加半夏錢二、膽星錢三、真茯苓錢三、炙草錢一、偏枯是連帶病。無須兼顧。然因兩寸弦長。參附吳萸宜減半。並加生地錢五、羚羊角錢一、牡蠣錢五。煎成入薑汁一匙。秋石末二分。調服。每隔三鐘一劑。中間服青州白丸子五分。用薑汁冲。二劑湯。一服丸。服後左尺稍斂而小。寸脈亦收束不長。自己能翻身。喉痰亦降至胸際。陽莖已伸。餘無進退。其親屬謂。病人今年改腸。決計以蓆棚抬歸。余謂距家二百餘里。路途風寒。防範不易。此是內風。如再入外風。則不治矣。不聽。晝夜兼進。半途果死。

按此係腎虛氣脫症。如係中風脫症。亦須參附湯。與青州白丸子間。

脫症忌竹瀝實  
熱忌生薑

中風實症治法

真中類中之分  
別

服。但加天麻竹瀝等風痰藥耳。其治法則一也。凡脫症。無論中風。或  
房後虛脫。呼吸生死。急用青州白丸子錢一。研細。另取人參錢三。或五錢  
熬濃汁。再加生薑汁匙一。秋石末分一。調丸子末灌之。一日灌三次。隨煎  
加味參附湯。日二服。夜一服。以清醒能言為度。脫症忌竹瀝。實熱忌  
生薑汁。均宜先以童便灌之。或秋石青鹽研而灌之。再辨虛實用藥。  
如係實症。用三化湯。防風通聖散。祛風至寶丹。去麻桂羌防。只用天  
麻獨活足矣。中風用參附宜酌量。愈少愈好。回陽即止。勿久服。寔熱症。開關藥列於下。至寶  
丹。雷擊散。蘇合丸。稀涎散。紫雪。均係芳香開竅也。凡卒倒昏迷。無口  
眼瞶斜。與偏枯之象者。即非中風。名曰類中。真中類中。均有閉脫二  
症。分別治之。否則生死反掌。類中有十種。曰中氣。中痰。中食。中寒。中

濕、中暑、中痧、中瘴，又有虛中、虛中即脫症也。其餘九種，皆寔症即閉症也。按照閉脫，分別清楚，不可混治。寒中有寔寒，虛寒、虛寒照脫症治之。寔寒用附子加乾薑，不可用人參。中暑不可用三化湯。宜用白虎湯。中痧、中惡、中瘴，宜用紫雪、至寶丹、痧藥等芳香開竅藥。不可用瀉藥。中食宜用鹽水探吐之，必吐盡方可。

以上所言應用方藥散在各書可尋而用之

附回天再造丸

治真中、類中、痰迷、厥氣、左癱、右瘓、半身不遂、口眼歪斜、腰腿疼痛、手足麻木、筋骨拘攣、步履艱難、及小兒急慢驚風、諸般危急之症。服之立見神效。真有起死還生之功。故名再造。勿視爲泛

泛也。

此方傳者多僞，或藥味減易，多年搜求，始得此完璧，不敢自私，故附記於此。

真蕘蛇

去皮骨並頭尾各三寸酒浸炙取淨末四兩

兩頭尖

係草藥出在鳥魯木齊非良藥也如不得

真者以白附子代之其性相似製過川二兩

真山羊血五錢

北細辛一兩

龜膠一兩醋炒

烏藥一兩

黃耆二兩密炙

母丁香一兩

去油乳香一兩

去油麻黃二兩

甘草二兩

青皮一兩

生地二兩

犀角八錢

沒藥一兩焙去油

膽星一兩

羌活一兩

白芷二兩

虎脛骨一兩醋炙對

血竭八錢

全蝎二兩另研毒

五錢去

防風二兩

天麻二兩

熟附子一兩

當歸二兩

骨碎補一兩

去皮

香附一兩

淨皮毛元參二兩

酒炒首烏二兩

川大黃二兩

威靈仙二兩

五錢

葛根二兩

五錢沉香一兩

見火白薤仁二兩

藿香二兩

冬白朮一兩

土炒

紅麴八錢

川葶藶二兩

西牛黃二錢

五分草薤仁二兩

川連二兩

二兩

茯苓二兩

薑黃片二兩

殭蠶一兩

松香五錢

川芎二兩

廣三七一兩

桑寄生

一兩五錢

冰片

二分五錢

當門麝

五錢

辰砂

一兩飛淨

桂心

二兩

天竹黃

一兩

穿山甲

二兩

前後四足各

五錢麻油浸

共爲細末。搗五千杵爲丸。每丸重一錢。金箔爲衣。外用蠟殼包

裹。每服一丸。孕婦忌服。

羊血、丁香、犀角、虎骨、沉香、牛黃、冰片、射香、辰砂、桂心、血竭。切忌

見火。

### 六經證綱

附六經方例

六經證綱

傷寒論六經見證。非只傷寒之綱領。亦溫症瘟疫感冒。及一切雜症之綱領。見某證。知屬某經。而用某方某藥。只現一二即是。非必全具。既見此經證。又兼見他經證者。爲合證併證。見證兼

大陽經證

經證即表證太  
陽經證即太陽  
經絡中受病

府證爲裏症

陽明經證

二經或三經者。即合併二經或三經之方藥治之。秩序井然。熟讀牢記。臨症無誤矣。

太陽病。頭痛發熱。惡寒。頸項強痛。鼻塞。乾嘔。身重疼。腰疼。骨節痛疼。太陽經證。脈緊。無汗。頭疼。項強。發熱。惡寒。病在皮膚。爲寒傷衛。甚則煩躁。或乾嘔而咳。宜汗之。脈緩。自汗。頭項強疼。發熱。惡風。病在肌腠。爲風傷營。微汗之。

大陽府證。表邪不去。入於裏。口渴。煩躁。不眠。小便不利。水入即吐。爲蓄水。宜利之。狀如發狂。小腹硬滿。小便自利者爲蓄血。宜行血。

陽明病。胸腹脹滿。譫語。潮熱。舌燥。口乾渴。大便硬秘。目痛。鼻乾。不惡

寒、反惡熱、自汗。

陽明經證。身熱、目痛、鼻乾、不得眠、不惡寒、反惡熱、甚則壯熱、口渴、宜清之。兼見頭痛、惡寒、項背強、几几然。爲太陽證未盡。宜兼汗之。

陽明府證。潮熱、譫語、手足腋下澀然汗出、腹滿、大便鞭、宜下之。  
少陽病。口苦、咽乾、目眩、耳聾、往來寒熱、或惡寒、身熱、胸脇苦滿、默默不欲飲食、心煩、嘔惡、頭額角痛疼。

少陽經證。屬半表。寒熱往來。心中痞鞭、鬱鬱微煩、嘔不止、爲實火。寒熱往來、胸脇苦滿、默默不欲飲食、心煩、喜嘔、爲虛火。  
少陽府證。半裏爲府。外無寒熱、而寒熱相搏於中、或因嘔而心

下不疼而痞。或胸中有熱而欲嘔。胃中有邪而腹中疼。或邪已入裏。膽火下攻於脾而自利。或膽火上逆於胃而爲嘔。無論經證府證。俱宜從和解治法。

三陽合併病。有太陽陽明、少陽陽明、正陽陽明之分。

太陽陽明。太陽不解。太陽之邪熱合陽明燥熱。致脾液窳約。其證小便數。大便鞭。脾約是也。

少陽陽明。少陽病誤汗誤利。亡其津液。致相火從胃燥而入。其證大便鞭燥。大便難是也。

正陽陽明。病人素壯。或有宿食。外邪傳入。遂歸胃府。其證胃家實是也。三陽陽明合併證。概宜潤導大便。



太陰經證

太陰經病。腹滿而吐。食不下。自利。時腹自疼。

邪從熱化。咽乾。身目黃。腹疼。大便堅實。脈沈而有力。太陰府熱也。宜下之。腹時疼時止。宜和之。

邪從寒化。腹滿。吐食。自利。不渴。手足溫。腹時自疼。脈沈而無力。臟寒也。宜溫之。

少陰經證

少陰經病。但欲寐。手足逆冷。吐利。脈沈細。

邪從熱化。口苦。舌乾。發渴。譫語。心煩。咽痛而腫。手足厥。小便赤。大便實。或下利純清水。或便膿血。遶臍硬痛。或心下硬疼。宜急下之。

邪從寒化。脈沈細而微。但欲寐。背惡寒。口中和。下利清穀。小便

白。身無熱。惡風。厥冷。踈臥。口不渴。手足指甲唇色青。吐逆。心腹絞疼。身沈重痛如被杖。面如刀刮。戰慄而冷。宜溫之。

厥陰經病。嘔逆。吐瀉。手足逆冷。消渴。氣上撞心。心中疼熱。饑不欲食。食則吐衄。食則吐衄。

厥陰熱症。消渴。煩滿。氣上撞心。心中疼熱。饑不欲食。食則吐衄。舌捲。囊縮。便實。手足乍冷乍熱。脈沈實。

厥陰寒症。不渴。小腹絞痛。嘔逆。吐涎沫。下利。四肢厥冷。過肘膝。

附  
六經方例

太陽經證方例

桂枝湯 太陽表證有汗者。頭疼。項強。發熱。惡寒。脈浮緩。鼻鳴。

干嘔、自汗者、爲表虛。故不宜麻黃。而用桂枝之甘溫解肌。

桂枝三錢 芍藥三錢 甘草三錢 大棗四枚 生薑三錢

熱服須臾啜粥。以助藥力。溫覆取微似汗。不可大汗。

麻黃湯 太陽表證無汗者。頭疼、項強、發熱、惡寒、身疼、腰疼、骨節疼、脈浮緊、無汗者、爲表實。故以麻黃。辛溫透達。

麻黃三錢 桂枝二錢 甘草一錢 杏仁廿四枚

先煮麻黃數沸。去浮沫。入諸藥煎熟服。溫覆取微汗。

五苓散 太陽府證蓄水者。煩燥、不得眠、微熱、消渴、小便不利。

太陽府證蓄水者。尙有十棗湯。太陽胸湯。茲不備飲。

豬苓三錢 茯苓三錢 白朮三錢 澤瀉三錢 桂枝一錢五分

抵當湯 太陽府證蓄血者、熱結下焦、少腹硬痛、小便自利、煩躁如狂。

水蛭四枚 蠪蟲四枚 大黃四錢 桃仁三錢

去翅足 去皮尖

溫服不下再服。

### 陽明經證方例

白虎湯 陽明自汗表證。鼻乾、目痛、譫語、遺尿、面垢、不眠、煩熱、咽乾、口燥、舌苔、大渴、大熱、大汗、脈洪長。

知母三錢 生石膏八錢 甘草一錢 粳米四錢

水煎米成熟後。去滓溫服。

葛根湯 陽明經表證無汗者。項背強几几、無汗、惡風、下利、太

陽未盡者。

葛根 二錢 麻黃 三錢 芍藥 三錢 生薑 一錢五分 甘草 二錢

桂枝 二錢 大棗 四枚

先煮葛根麻黃。去浮沫。納諸藥煎。去滓溫服。覆取微汗。

三一承氣湯 陽明府證實邪者。鼻乾。目痛。不眠。大便不通。胃家實。日晡潮濕。獨語。如見鬼狀。循衣摸床。惕而不安。微喘。直視。煩躁。吐逆。

川樸根 二錢 炒枳實 二錢 大黃 四錢 樸硝 二錢 甘草 三錢

先煮厚樸枳實。再煮大黃甘草。去滓入樸硝。微火沸之。溫服。得下即止。

少陽經證方例

大柴胡湯 少陽經證表邪實者。口苦、咽乾、目眩、寒熱往來、胸脇煩滿、喜嘔、耳聾、頭汗出、微惡寒、心下滿、不欲食、大便硬、虛邪、宜小柴胡。本方去枳實、白芍、大黃、加參棗甘草。

柴胡 三錢 半夏 一錢五分 黃芩 一錢五分 生薑 一錢五分 大黃 三錢 白芍 二錢

枳實 二錢

古柴胡較現在性平和。故可多用。今之柴胡升燥。用時酌減。

黃芩加半夏生薑湯 少陽裏證。口苦、咽乾、目眩、下利。

黃芩 二錢 白芍 二錢 甘草 二錢 半夏 三錢 生薑 三錢

大棗 七枚

太陰經證方例

理中湯 太陰寒證。腹滿疼。吐利。不渴。手足溫。

白朮三錢 甘草三錢 生薑二錢 人參三錢

水煎溫服。食頃飲熱粥。助藥力以溫內。

桂枝加芍藥大黃湯 大陰實證。腹滿疼而實者。宜瀉其堅。導其滯。

桂枝三錢 白芍三錢 甘草三錢 生薑一錢 大棗四枚 枳實三錢

大黃三錢

少陰經證方例

麻黃附子細辛湯 少陰寒證。邪從寒化。脈細。但欲寐。身無熱。

口中和咽疼，下利清穀。

麻黃二錢 細辛二錢 附子一錢

先煮麻黃去沫。再煎諸藥。溫服。

猪苓湯 少陰熱證。或汗下之後。病仍不解。煩躁不眠。口渴。小便短赤。邪從熱化也。

阿膠二錢 猪苓一錢五分 茯苓一錢五分 澤瀉一錢五分 飛滑石一錢五分

### 厥陰經證方例

烏梅丸 厥陰總劑。厥陰熱證。消渴。氣上撞心。心中熱痛。饑不

欲食。食則吐衄。吐利者。



烏梅丸 九十三枚 醋浸 蒸 乾薑 六錢 川連 二兩 蜀椒 四錢 當歸 四錢

桂枝 六錢 黃柏 六錢 附子 六錢 人參 六錢 細辛 六錢

烏梅肉蒸透。餘藥爲末。共搗二千杵成泥。和合爲丸。桐子大。食後服二十丸。

白頭翁湯 厥陰下利。下重。飲水者。

白頭翁 二錢 川連 一錢五分 秦皮 一錢五分 黃柏 一錢五分

水煎去滓溫服。

六經方例尙多。以上不過略取仲景經方。以爲例耳。

氣鬱 附案九則

氣爲一身之統領。宣噓發揚。如空氣輸送吹播。曷病於人耶。不知人

有七情之變。五志之發。有餘不及。最易遏閉佛鬱。尤以女子善懷好  
 憂。多氣鬱病。方書中凡關於諸氣病者。概以辛香燥散藥治之。如蘇  
 子降氣湯。蘇子 半夏 當歸 橘紅 甘草 檳沈飲。檳榔 沈香 官桂 尚香 木香 腹皮 青皮 香附  
 七香飲。枳殼 陳皮 厚樸 烏藥 蘇子 半夏 厚樸 乾薑 官桂 疎肝丸 蘇梗 香附 烏藥 元胡 雲苓 芍藥  
半夏 香附 枳殼 陳皮 厚樸 烏藥 蘇子 半夏 厚樸 乾薑 官桂 疎肝丸 蘇梗 香附 烏藥 元胡 雲苓 芍藥  
 仁神曲檀香降香益智等。湊雜辛燥破氣藥爲方。而云通治七情諸  
 氣。按之其意。以爲氣鬱通之。爲不易之法。不思氣有餘卽是火。氣鬱  
 亦佛鬱蒸化生熱。以辛香燥散之藥。通治諸氣。實病體壯者。不過暫  
 却滯塞。通快一時。滯雖暫開。藥過復鬱。鬱久已生熱。再加此辛香燥  
 藥。熱必益增。壯火食氣。消耗精液。不但鬱不能解。真氣亦虛。甚且轉  
 入癆損大病。氣在人身。充塞內外。與水異體同源。故輕清者。遇寒則

凝。如人之呼吸着物成水。水之結冰。濁也稠者。熱甚則結。如燒煉物液。凝結則生痰。痰塞經絡。鬱者愈鬱。故諸氣治法。當詳所起之原因。辨其性質。高者抑之。下者舉之。寒者熱之。熱者寒之。虛者補之。實者瀉之。高者抑之。亦非破氣下氣方爲抑。熱盛則氣升。瀉火即是平氣。是故同一鬱滯。未可概用辛燥。即不得不用。亦須適可而止。今人多不明此理。疎肝丸之消路。特別興旺。潛移默化。變生他病而不知。可慨也夫。

氣有蒸氣及真  
空氣之分

氣鬱病。醫書習慣概云爲肝氣。究其實際。氣有內外之分。內爲蒸氣。水飲入內。爲熱度蒸化。上行外出。如雲如霧。外爲空氣。由呼吸入肺。傳達下焦。此一上一下。以胸腹中經絡爲導線。苟經絡之傳導。受他

氣鬱現症

種波及感動。發生阻障。或蒸氣吸氣上下之常度根本有變化。上下之樞機不能充其量以發越暢調。當升不盡升。應降不全降。始構成其鬱。日久失治。則因自然之消長。而添增他病。或另成立一他種病。

性質不同，變生病類亦無定。

氣鬱於上焦。

喉上

下

則嘔咳。

痞滿。

腕悶。

膈部似阻。

肺氣不降。

呼吸不順。

喉中梗塞。

喘促短氣。

鬱於中焦。

胸下

則為積聚。

痞癖。

心腹脇肋脹滿。

不舒。

攻衝刺疼。

背脹。

鬱於下焦。

腹下

則為腰疼。

脹墜。

少腹寒疼。

男子

疝瘕。

女子帶下。

鬱於肢軀經絡。

則筋脈不舒。

遍身刺疼。

膺膝跳動。

關節走疼。

首如覆物。

足重腰緩。

氣鬱脈象

氣鬱脈象必不舒展流利。而現沈伏。緊弦。滯結。遲緩。沈滑痰盛。弱細。

氣鬱治法

難醫。

初期治法。氣乍欲聚。以辛香開之。漸深則宜辛平和之。辛寒折之。但無論深淺。體壯病實。行氣之品。不妨重複。體虛病輕。則破降之藥。單製爲宜。總之。病之原因非一。療治方法亦殊。臨症權衡。在智者運用。用苦瀉抑。而不傷胃。用辛理氣。而無破耗。濛滋燥澀。而勿滯膩穢。枯宣通生動。須免振苗助邪。

上焦行氣藥。旋覆花、菴香、半夏、陳皮、枳壳、香附。中焦厚樸、枳實、檳榔、青皮、腹皮、山查、莪朮、三稜、紫蘇、神曲、砂仁、蔻仁。下焦烏藥、茴香、木香、元胡索、沈香、降香、檀香、蘇子。

丙子 趙淦。生長憂患。于歸後又憂勞思慮。閉結怫鬱。故積久病作。初

時數日不食。食則陸續吐出。心滿脹。或心疼。頭疼。發熱。經或見或停。

寒熱雜投。

管竹俱會與服溫經湯

有效不效。十三年春。忽發厥。舌硬筋攣。身似

風吹。恍惚漂蕩。不能自主。鼻干而酸。氣上胸高。脈浮洪絃長。申酉時甚。以鹽水竹瀝灌下稍平靜。治以鹹苦通降。旬餘無少效。技窮法盡。但余以病而死。曷若藥而死。以生軍八兩。生石膏二斤。丹皮十兩。蘆薈一兩。杭芍三兩。川練子八兩。馬齒莧一斤。枯苓四兩。桃仁二兩。香附二兩。膽南星八錢。水煎濃汁七盃。四小時服一盃。沖元明粉一錢五分。一日夜服盡。如此猛攻。翌日下午始瀉。初下黑糞。繼下如布帶之膠質物。寬寸許。長尺餘。邊黃邊紫。力扯始斷。此蓋鬱熱蒸煉腸胃中液質成痰。粘着腸胃內壁也。隔日再下。服此方五次。初下時腹中

氣核

毫無知覺。至第四次始腹疼。計下痰物無數。以甘平藥補養旬餘。再用青寧片六錢、郁李仁五錢、牽牛五錢、皂角子仁三錢、番瀉葉錢五分下之。痰物漸少而愈。此病治法猛峻。脫非有寧使死於藥之決心。何至下此毒手。姑存之以補一格而已。不足法也。

一中年之女僕。左肘忽生二氣核。相距二指許。高起有鋒尖。形如核桃。捫之成塊。推之能動。輒如棉。不疼。按之亦無感覺。以手揉弄。則胸膈噫氣不已。胸膈悶滿不能食。西醫以爲怪病。中醫與破氣藥無效。此病由於皮內肌肉膜腠間。聚結氣水而成形。

前所謂氣行周身如雲霧。寒則凝熱則結。

聚而成形。痰飲之類也。經曰氣與血爭則疼。又諸疼癢瘡皆屬於心。今患處不疼。爲氣結無疑。筋膜爲氣之道路屬肝。其屬肝氣鬱又可知也。治以

透絡消核順氣湯。

透絡消核順氣湯

穿山甲尾三錢 通草錢五分 川練子三錢 覆花三錢 皂刺三錢

夏枯草三錢 蒲公英三錢 生杭芍三錢 木瓜三錢 白芥子五分

烏藥二錢 丹皮三錢 蘇葉五分 半夏二錢 雲苓二錢

水煎或作丸藥。此方調和陰陽宣動結聚活絡散滯。應手獲效。一婦素有氣鬱病。脇脹胸滿。噫氣吞酸。手足煩。頭昏。此時妊已六月。因氣惱舊病復作。不思飲食。醫以其妊期。不問何病。即與保生無憂散。芎歸湯等。更增胸腹疼。吐血。心煩。脈浮弦長滑。按此病本因氣鬱。肝燥胃熱。以涼潤藥三二劑即愈。今與燥熱之藥。以火濟火。血受熱。



激。不能循經流通。故溢出。再服燥藥。母子皆不堪設想。

平氣止血湯

生杭芍三錢 粉丹皮炭三錢 生地五錢 炒黑知母三錢 川練子

鹽炒三錢 黑枯芩二錢 秦皮錢五分 石決明三錢 元參三錢 製

淨香附三錢 烏梅炭二錢 鹽炒透大黃炭二錢

一婦患氣鬱。脇脹疼。胸滿。吐食。一日與其姑口角後。肝氣衝上。胃口作疼。服疎肝藥。又增瀉利。前者痛有休止。今則氣上。則胃口疼。氣下即瀉。脈弦長。舌胎黃。時妊已八月。峻藥防胎傷。與調氣和中藥。漸輕減。命俟產後再治。產後旬日。偶因悲傷。病立復。疼瀉間作。疼時汗出。夜不得睡。脈如前。與大柴胡湯加桂枝。杭芍。厚樸。雲苓。生姜引。一劑

營分北京諸醫  
月經也

減半。二劑愈。更與養陰和中調養。

一婦氣鬱日久。左頸突然漫腫。高起如覆杯。皮色不變。麻木不仁。按之頓。脇疼噫氣。偶經氣惱。則心下疼。嘔逆。脈微細。（寒閉經絡之徵）

此與前之氣結核彷彿。以半夏二錢五分雲苓三錢白芷錢五分細

辛八分陳皮三錢爲引。煎冲子龍丸三分。

一婦日常胸刺疼。頭疼。腹脇脹。營分紫少。四五十日一行。腹冷疼。一日因其夫狎妓。氣惱過甚。哭叫擾鬧。如瘋如狂。舌黑。脈弦洪長。瀉肝

平氣湯治之。

瀉肝平氣湯

酒軍二錢連翹三錢丹皮三錢杭芍三錢青皮錢五分北秦

皮二錢 夏枯草三錢 炒枝仁錢 澤瀉二錢 石決明三錢

一婦素日奄奄纏纏。終朝困頓。肌黃瘦。腰痠重。胸腹脹悶。白帶甚多。心空食少。脈沈長。左尺濡。神氣稍弱。舌苔黃。榮分黑。五六十日一見。攻補遍嘗。終無效。按脈沈氣鬱也。脈經謂沈主氣。氣鬱則血亦鬱。故左尺濡。病雖爲鬱。但攻則鬱未解。而氣反傷。補則塞其流。而鬱益甚。舌苔黃與脈長。知其內熱已盛。壯火食氣。故精神不振。火生於鬱。氣下行之道不暢。血液之生產亦減。但子宮原有之汁液。爲熱所逼。分泌獨多。故經血少。而白帶甚。加減和鬱湯治之。

加減三甲和鬱湯

生牡蠣四錢 生鼈甲三錢 生龜板三錢 芍藥三錢 丹皮三錢 製

香附三錢 鮮生地五錢 元參三錢 石決明三錢 天花粉三錢 栝

蒺藜三錢 炒知母三錢

一婦經先期色淡。白帶多。經前小腹寒疼。經後墜疼。得熱則減。醫以上之現象爲虛寒。與溫補藥。漸至肢節腹背煩楚。精神萎靡。懶言少食。脈沈澹。左寸關稍弦長。左右尺極細。此氣鬱肝燥。任衝脈不通暢。屢服溫補。氣血暗傷。三甲養榮湯主之。

### 三甲養榮湯

生龍甲三錢 生龜板三錢 生牡蠣三錢 石決明三錢 鮮生地五錢  
天冬四錢 元參三錢 芍藥三錢 丹皮三錢 川練子三錢 元胡索三錢 紫石英三錢 土龍七枚 爲引

一婦經期前後無定。膈脹跳動。刺疼。無定處。數年來晨瀉後重。此由情懷鬱結不舒所得。久服辛燥致食少日晡熱。病人惴惴以爲癆。脈來五至。徐疾不調而沈絃。和血湯主之。

和血湯

地骨皮 三錢 青蒿 二錢 元參 三錢 山甲 三錢 龜膠 三錢 車前

草 三錢 炒黑川練子 三錢 元胡 二錢 澤蘭 二錢 鮮生地 四錢 仙

鶴草 三錢

或謂詹曰。以上數案。多兼子宮病。何以隸屬氣鬱內。不知所謂子宮病。究其根原。則不外由氣鬱所造成。治其氣。子宮病自愈矣。關於氣

尚多不備錄

原因

血瘀附案六則

血瘀之原因。在上焦者。多由吐血衄血之膿餘存留。或叫號思慮。忿怒過飽。努力跌撲。血管損壞。血液滲漏脈外。或血管障礙。血流不能通過。在下體者。多由便血。溺血。勞役行遠。寒激濕鬱。婦女則除以上原因外。更有得之於產後。或子宮發炎者。

血瘀之辨別及  
地位

氣血有連帶關係。血瘀氣亦鬱。第因偏重偏輕。故現狀主治。各有不同。氣無形。氣鬱症除氣結核有形可徵外。多感覺上之現象。血有形。無論外部現象。感覺現象。皆明顯。瘀於體內上部。日久必成形塊。有在左右兩脇肋者。有在左右乳間者。有在胸膈正中者。有在胃上腕者。有在肺中或胃中者。初瘀多不腫不疼。瘀於體內下部。腹中上下

瘀血之診察

必有硬塊。瘀於肢體筋肉間。則腫疼。或發青紫色。

瘀血症中以瘀在胃腕肺中及胃中爲甚。瘀在胃腕或胃中。胃之蠕動消運。必生影響。故每於發作時。往往在飯後嘔吐涎沫三五吐。而不吐飯。日久漸至不能食。以致危殆。瘀在肺中。肺之翕張開闔。不能充量活動。必漸成肺癆。或吐血。

瘀血症之診察。現於外者。眼泡及山根青黑。下唇內有紅點如稊米粒而高起。或有青紫血筋。重則唇內全部血筋皆青紫。瘀久生蟲。唇內則兼有白粟粒。頭面皮膚間錯落生紅點。大如菉豆粒。小如小米粒。色鮮紅而不甚高。或生紅斑塊。或面色蒼灰中。間有白塊。或肢體有青筋暴露。或皮肉變青黑色。或當關節處腫疼。現於脈者。脈爲氣

瘀血外治

血之代表。血既瘀。脈之動作何能如平人之流利調暢。故現沈澀遲緩促結。或細。或徐疾不調。左右不一。

瘀血治法有內外之分。外治以刺激性藥和其血氣。通其竅絡。如白芥子、樟腦精、川芎、射香、白芷、水紅花子、紫草、鷓不食草、細辛、冰片、血竭、韭菜、川羌、獨活、荊芥、草烏、附子、烏頭、辛夷、乾漆、艾、乳香、沒藥、松香、阿魏、辛香、透絡行血之品。研末外敷。或熬膏貼。或搗爛罨覆。外惹以取內效。若更因瘀生熱。煩疼灼手。可以加入川軍、川連、黃柏、黃芩、連翹、生枝仁、馬齒莧、等涼藥。以消滅其熱。

瘀血內治

內治宜分別性質程度。以桃仁、紅花、蘇木、澤蘭、血竭、水蛭、蠱蟲、蠱蟲、蠶沙、五靈脂、蒲黃、薑黃、牛膝、益母草、沒藥、黛楮石、大小蘗、側柏葉、三



七、棕櫚、卷柏、月季花、萐菜、當歸。酌量選用。久瘀未有不熱者。行血之中宜加涼散藥。久瘀未有無痰者。宜兼用去痰藥。或先治去其痰。行血宜兼調氣。更須酌加行氣之品。百癆丸、大黃蠱蟲丸、化癥回生丹、爲治瘀血之方。可以參之。

一人五十餘。素日患腿疼。今足掌連踝。生白泡。疼痛不可忍。至夜尤甚。穿破出黑血。眼如蜂窩。此伏彼起。延及全足。破者則退一層乾厚皮。破者起者。均疼如燎。手掌亦漸漸如脚。不敢覆衣。以豆油燈烤之。則少覺輕鬆。其腿疼。即此病之原。蓋瘀血與濕熱也。用燈烤則輕。乃瘀血遇熱則散故也。其脈弦長而澀。解瘀湯治之。

解瘀湯

清寧片一錢 牛蒡子五錢 淨銀花三錢 花粉三錢 生枝一錢 生地五錢 丹皮三錢 沒藥三錢 桃仁三錢 蒲公英三錢 牛膝二錢 生杭芍三錢 莪朮二錢

二服疼減。四服疼止。更以此方研末每服三錢。

一人患疫後。脛腕疼不可忍。夜甚。疼處腫。面黃。舌苔黃厚。脈長數而沈澀。此氣血俱瘀。熱深津燥。

### 和瘀養陰湯

丹皮三錢 生地三錢 生杭芍三錢 花粉二錢 生枝八分 鮮玉竹三錢 知母二錢 酒軍二錢 沒藥三錢 山甲三錢 澤蘭二錢 香

附二錢

一人四十餘勇悍擅武術。壯時好擊不平。無懶輩恨之甚。一日行經荒野。數十無懶要而擊之。寡衆不敵。卒被擊斃。越時蘇醒。踉蹌歸家。即覺心口隱隱作疼。此後日甚一日。或間日發。或數日發。發則疼昏。其脈右三部緊而長。左微沈而澹。與絳虎丹每日二服。每服二錢。更與和血清涼飲。

和血清涼飲

夏枯草三錢 澤蘭二錢 板藍根三錢 淨花三錢 杭菊三錢 霜桑葉三錢 桂花一錢 劉寄奴二錢 竹葉錢五分 細茶一把 仙鶴草三錢 馬鞭草三錢

終日作茶飲之。終身忌牛羊肉鷄鴨香椿。

一人四肢生血泡。初生紅潤。三四日變紫黑。漸及身。疼煩不忍。西醫以冰洗之。少止。前服辛燥更甚。脈浮緊而長。兩尺滿。夏王煎治之。

### 夏王煎

夏枯草 三錢 秦皮 二錢 牛膝 三錢 淨花 三錢 牛子 四錢 丹皮 二錢  
山枝 七分 澤蘭 三錢 木通 錢 京三稜 三錢 王不留 錢五分

### 清養飲

鮮生地、鮮大青、鮮馬齒莧、鮮芩苳、鮮藕、全蘂、鮮菁菁菜、各取汁一杯、溫熱與前間服。

一人脚疼漸延腰膝紅腫灼熱。得涼或着物更煩疼。晝夜聲喚。但求速死。日易數醫。莫能命名。其脈浮弦而數。按之虛芤。舌無苔。赤紅而

紋裂。此由於瘀血生熱。熱生風。醫書名爲截足風。與熄風和血藥。爲他醫所梗。蓋他醫聞余謂爲截足風。欣然欲逞。集諸溫燥祛風藥十七味以進。服後益劇。又加昏厥自汗。復邀余。是時脈象已無至數。但覺霍霍衝指。有來無去。惟精神未敗。尙可挽回。

和血熄風湯

夏枯草三錢 川牛膝二錢 漏蘆二錢 大青根三錢 生鼈甲三錢

粉丹皮三錢 秦皮三錢 董皮三錢 山甲尾三錢 鮮馬齒莧三錢

鮮車前草五錢 鮮三七三錢 血竭五分 日一服

又以茜根一兩。白芷稍五錢。附子五錢。醋二大盃。煎一盃入黃酒糟一兩。攪搗瀝汁去渣。再入生薑汁一酒杯。鮮馬齒莧自然

汁二大盃熬至五分加廣膠一兩。沒藥三錢。血竭五錢。收膏遍塗患處。如乾再換。四日愈。又以前方去枯草。漏蘆。秦皮加鮮生地鮮石斛。台黨參。竹瀝。龜膠。調之。

一婦患病年餘。服藥無數。不但無分毫成效。醫且不能名其爲何病。其症爲吐涎沫。怔忡。心煩。夢寐奇怪。兩腰酸麻。肢體倦怠。腹疼。胸滿。頭重。肌色如故。脈澀駛。稍沈。不勻亦不定。舌乾裂。唇內青紫。血筋甚多。遍生紅點。統觀脈症。爲血瘀於胃。其吐涎沫。乃胃中血瘀消化停滯。食飲入內。不得下行也。怔忡心煩。夢寐奇怪者。血瘀兼有痰客胞絡也。兩腿酸麻。肢體倦怠。腹疼者。血滯經絡而痰困肢體也。胸滿頭重者。敗血濁痰居上。滯塞清氣也。因其飲食如故。醫則謂虛謂火。妄

補安清。莫所適從。余命早服子龍丸三丸。晚服麤蟲丸。

麤蟲丸

麤蟲三錢 鼈甲三錢 桃仁三錢 車前草三錢 牛膝二錢 丹皮二錢  
蕪蟲三錢 蠶沙三錢 皂刺三錢 蒺藜二錢 紅花二錢 檳榔二錢  
枯苓三錢 川雅連錢 蘇葉五分 薄荷三分 引

子腫治法 妊娠須知

妊娠須知

凡診女子只問經期準否。有無多少。遲早先後。須其親人代問。問婦人經期與女子同。問後診脈。如係積血。則脈必瀼。瀼者極細微而歇止。三五不調。與結相似。而細微。或見代脈。其象不一。大抵脈象總不和平。如脈弦大而和平。不代不瀼。又不歇止。左寸脈亦和平。無他象。

者。妊娠也。診完再令其親人細詢之。如係妊症。最忌五靈脂、二丑、川軍、麥芽、牛膝、桃仁、蠶砂、射香、冰片等。一切大破氣血之藥。此治四十五六歲以下之婦人。應如是小心。即斷經一二月。看不真時。所有五靈脂等。一切攻伐藥。概行避之。不用。妨傷胎也。蓋有孕婦因病而無脈者。不可不知也。

一婦年約三十以內。面色黃白而腫。凡蒼黑屬實。黃白爲虛弱。面既腫而腰亦腫。身手不腫。氣虛也。舌無苔而有紋。嘔吐不能食。咳嗽有痰。勞碌傷氣也。診其脈。長弦滑而軟。左手微長微弦而軟。兩尺弦大而和平。詢其經已斷四月矣。以尺脈斷之妊也。問之斷經後方腫。是腫因經斷而見。卽所謂子腫症。因其氣本虛。血聚子宮。氣亦隨之而



子腫消息湯

聚氣不足更虛。故腫矣。凡腫症均以虛為主。治藥以黃耆為主。過節勞碌。兼嘔吐咳嗽有

痰。因有鬱熱。故脈弦滑長。然無舌苔。知為虛熱。如實熱。舌必黃苔矣。

此症以子腫為主。加他藥治其兼症可也。生箭薯氣分治腫當歸血分白

朮炭止吐保胎桑上寄生胎保大生地去血薑炒陳皮下氣薑半夏止吐雲苓

去痰 竹茹去痰生杭芍去熱川羌活通經絡治腫用菜葦子

呃逆附案二則

總論

呃逆呃者病之逆逆者氣不順而上逆又名呃忒。吾鄉俗名打攔忒。鷄叫癘。聲短而

促。一聲止。一聲起。其聲并不連續。五六聲後。病者腹中難過至極。因

氣上吸而不下降也。此病之原因。概括言之。不外生理與神經之變

動。他如傷寒、溫瘟、感冒、肝病、肺病、腸胃病、臟燥諸病。皆有發生此病

呃逆治法

之可能性。其內部情狀。爲大隔膜痙攣。氣管發腫。肺體擴大。肺中液質稠濃。胃管腫脹。腸胃食壅。其性質則寒熱虛實。治法則補瀉溫涼。方書以丁香柿蒂爲主方。丁香大辛大熱。遇寒邪氣滯。效如桴鼓。氣逆火盛。必助增邪勢。

呃逆在食後。或因吸煙。忽然發作。乃肺胃生理之小變動。無足畏。宜用白水沖食鹽一撮。或胃活一匙。或服黑白六神丸一錢五分。先有他種病。又發生此病。則較有危險。宜分辨性別。速治勿誤。簡便外治法。用熱水或熱布煨窰胸部。白芥子末。樟腦精。西藥等分。塗心窩。呃逆四肢厥逆。自利。脈沈。遲微弱者。虛寒也。治宜理中湯黑錫丹。脈沈。遲。絃緊爲實寒。宜丁香。附子。生薑。薤白。肉桂。木香。等辛熱藥。

佛熱攻衝。壯火炎上之呃逆。宜承氣湯、白虎湯、涼膈散之清熱導滯。痰盛滌痰湯、滾痰丸、血瘀大黃蠱蟲丸抵當湯。

傷寒及雜症呃逆。虛實寒熱俱有。以兼症爲驗。瘟溫呃逆。惟熱結中焦。或病至末期。津液燥缺。初病體壯。一見呃逆宜下之。下之不止。若臍腹中有硬疼拒按處。仍當下之。有下至數數方止者。遂盡結熱。腸胃通達。呃自止。誤用丁香等之辛熱。熱結愈甚。以至危殆。津虛之呃。宜大劑滋養津液。

呃逆小便不通。大便秘結難治。久病忽呃爲真氣衰絕不治。舌短苔灰黑、頭汗出、小便不通。大便自利。腹疼而呃者死。脈散革者死。

一人五十五歲患呃。初得兼噎腐食臭。觀所服方。如薑、附、烏、陳、半、柴。

前、木、香、連、苓、紅、花、蘇、木、硝、黃、等。九日間服類此等藥之方凡七。病人淹淹。下利日數十次。脈躁急。右三部浮洪上溢寸口。左弦長較軟。舌苔黃厚。不能食。胸及腹脹大而高。兩脇脹疼。口乾心煩。頭眩。按其病乃積勞氣。因陽亢陰竭而得。胃陰乏竭。消化力必小。飲食不慎。最易積滯。已經積滯。胃液愈傷。胃失消化力。津液即無從生發。五臟亦因缺少營養。則五志之火因而燔灼。火性上炎。故臟腑經絡之氣亦隨之升而不降矣。余謂彼之胃管及肺必脹大。彼不能寐者。精液已爲辛燥藥所迫竭也。議急救陰液。然亦危矣。

救陰煎

沙參 三錢 地骨皮 三錢 寸冬 三錢 天冬 三錢 元參 三錢 阿膠

二錢炒丹皮 二錢花粉 二錢鮮生地 四錢滑石粉 二錢生杭  
芍 三錢水煎沖食鹽一撮服藥漸輕又加 竹茹 三錢 薑炭 二

分藕汁一杯 萊菔汁一杯

一人五十歲嗜酒。物納移時陸續上吐。下則完穀。近來時作呃逆。脈  
弦長而浮大。舌苔乾黃。諸醫以濕熱治。用辛燥治濕。苦寒以瀉火。病  
誠是濕熱。不思人老則氣血漸衰。又得酒之辛烈剝削。其虛乃意中  
事。脈之弦長浮大盡虛象也。豈可投辛燥苦寒犯虛虛之禁。經曰胃  
爲五穀之府。胃氣盛則納穀。胃津充則化穀。今其胃氣胃液爲刺激  
品傷耗迨盡。胃已燥極。勞將垂敗。呃逆其徵也。胃不納穀。則膽汁脾  
汁之源已絕。小腸化物之機能失矣。醫謂胃不納穀及呃逆。乃痰飲

聚結胃腕。完穀爲酒濕下注。非也。請將內經之五官說。熟讀而深思。即得之矣。傷寒論大旨存津液。吾今與救津液。冀起九死於一生也。

救津煎

鮮生地五錢 鮮車前子根葉五錢 炒知母二錢五分 鮮全葉三錢  
天冬三錢 大生地五錢 石膏三錢 元參三錢 竹茹三錢 鮮石斛三錢 白扁豆三錢

食鹽一撮。炒乾薑二片引。水煎入人乳藕汁各一杯溫服。

吐血附案三則，肺癆結

人身安適。血循常度。猶如天地溫和。水不揚波。有寒者血流遲凝。過熱則沸騰奔衝。激撓播蕩。則波浪湧起。但血行脈中。血管裂綻。血流

血色鮮新者爲發血管之血色  
 黑紫者爲烟血  
 管之血有人謂  
 血深紅爲淺  
 血深紅爲淺  
 不明生理之論  
 也  
 吐血原因  
 此篇理說簡要  
 欲求吐血及肺  
 癆之詳細治法  
 十藥神書陳修  
 園所註者比較  
 爲善本讀者參  
 酌用之

始滲漏汩溢。其裂綻有屬於微絲血管、迴血管、及發血管之不同。至傾盆倒筴。勢如湧泉者。則又多屬於大動脈。或大靜脈。吐血之構成。有頓漸之分。他病亦如此因飲食偏激。努力墜跌。急怒悲憤。風寒外感。猝然而吐者爲頓。恣情縱慾。苦形勞志。憂鬱過度。由展轉傷耗積久而吐者爲漸。猝然吐者易於爲力。漸傷所成。求愈較難。未吐之先。胸部必先灼疼。悶煩。咽喉搔癢如蟲爬。血流起不平波浪。氣逆上衝。不自把持間一噲而出。或因咳嗽震蕩。血隨咳出。既吐之後。心悸亢進。躍躍欲出。呼吸緊張。血腥刺鼻。面色青白。目合。頭垂。聲微。不願動作。或面色緋紅。目直。氣高。躁擾。或惡寒。戰慄。神經弱者。則不免暈眩猝倒。吐之前後。亦有無知覺者。

吐血熱症

熱症現象。精神亢燥。發熱、心亂、腦昏、手心熱、大便燥、小便黃赤、舌苔黃厚、黑燥、裂紋、起刺、乾赤、唇焦、面緋赤、或蒼濁。脈長、數、洪、急、浮、滑。兼瀦沈促者爲有瘀。若是虧極。弦爲陰竭。細弱爲氣敗。壯實烈火。瀉以苦寒或鹹寒。浮游虛火。則宜甘寒酸寒。若火勢極強不馴。又須少加辛溫以反佐之。

吐血寒症

寒症有外受寒邪。內感寒物。與體溫低降之分。吐血屬於體溫低減者多。屬於寒邪寒物者少。現象面色灰白憔悴、舌無苔、滑淨、或白苔、惡寒、精神萎靡、懶言動、唇如塗硃、小便數青、大便或利。脈象沈、遲、微、弱、細、短、緊、絃、結、或浮大、瞥瞥、或細微如游絲、若見革散。則不治矣。治以甘溫酸溫。甚或大辛大熱。或兼涼潤滋養。



吐血便方

黑瓜散

經霜老絲瓜

一枚連子蒂帶瓜蔓七寸煨焙存性

上硃砂

一分錢

共研細末每服二

錢用紫背天葵

三錢京內有此藥之藥唐不過二三家

車前草

三錢仙鶴草五錢

煎水冲一日一二次。以血止爲度。此藥止血。而有和血之功。

又麻黃一兩炒枯存性。研細末。每服一錢。亦用天葵、車前草、仙

鶴草湯送下。兼治鼻衄牙宣。關於頭部之出血症。

五志火盛吐血

一中年男子患吐血。脈洪弦。尺寸俱長。每早午吐三四口。色深紅。心胸煩熱。小便赤。舌苔黃厚。夜不安寐。行坐無力。此病由於五志火盛。激蕩而成。夫火爲人身重要分子。平和安靜。則暖體化物。功用至大。偏盛乖常。則猖獗禍身。火之起也。發揚跋扈。孰能禦之。故氣亦不寧。

火勢炎炎。則氣流急急。衝破血管之壁。而溢出體外。火盛者瀉火。火平則氣靜而血止。豈不簡捷了當乎。豈知火有虛實。身體有壯弱。體壯火實瀉之尙可。體弱火虛現象雖熾烈。實則浮游無根。瀉之則重傷胃氣。不但血無以驟生。氣亦攸然欲脫。況血出一口。即虧一口。氣血相維。氣亦隨虧。故此病雖爲火盛。未敢遽瀉。與熄火安血湯數劑血止。後因誤食韭菜。或犯房慾復作。氣短心慌。與前方及止血藥皆不應。少用苦味及調氣藥愈甚。與益氣補精湯。氣漸壯。血漸少而未止。改用苦炭散。血止後。以養血怡和丹調理而愈。

### 熄火安血湯

元參三錢 鮮生地三錢 大生地五錢 炒丹皮三錢 生杭芍三錢

炒黑芥穗一錢 炒黑川練子三錢 炒黑枯苓三錢 炒知母三錢

香附三錢

益氣補精湯

沙參三錢 台參三錢 路參三錢 元參三錢 黃耆三錢 酸棗仁錢

五分 菝蓉三錢 巴戟天三錢 牡蠣三錢 阿膠三錢 當歸二錢 山

萸肉二錢 生地三錢 蘋果二枚 爲引

苦炭散

川練子炭、川軍炭、川連炭、黑梔子、炒丹皮、黃栢炭、枯苓炭、

共爲細末。童便調下二錢。

養血怡和丹

沙參三錢 元參五錢 阿膠三錢 天冬三錢 生地三錢 茅根三錢

杭芍三錢 草河車三錢 炙草三錢 石斛三錢

肺癆結一症。在西醫除令病者。吸收新鮮空氣。多食滋補品外。別無善法。故歐美。人。每聞醫生診斷其爲肺癆結。是不啻宣佈其爲將臨死形。至吾中醫。雖亦認爲難治。但病勢不深。亦不無多少有施展餘地。一青年學子。痰中帶血。西醫命食魚肝油。魚肝油性熱補。并常住熱病、切不宜食。山中。治療年餘。病勢依舊。金錢供給。漸至不能繼續。改投余治。問其情形。據云吐無定時。或多或少。多則如荔枝者二三枚。少則星星點點。或血線數條而已。痰血有時同出而不混。有時有痰無血。有時有血無痰。胸脹。氣不舒。不咳嗽。不發熱。精神有時覺乏。飲食起居如常。

肺癆結之診察

脈象沈澇。右寸獨浮長。內經謂脈取其獨。獨者特異之標點也。脈理以沈澇爲血鬱。益以右寸獨浮長。是指明鬱血在肺。而肺上部偏右。當即癥結之所在。蓋脈之診察。有分有合。假使從寸關尺分求某臟某府。爲部位之分診。分診既得要領。然後籠統比較。更假設以全脈之上下內外。爲全身體之上下內外。或某一臟某一府之上下內外。以求其病之居上居下。在內在外。再證以現狀。則病無遁形。即以此病之判斷。愚者見之。必嗤嗤大笑。其空泛無據。無 X 光之透照。何以既知爲癥。又明知癥之所在處。不知右寸爲肺之分野。動脈又爲肺經本脈。以上下言。寸居上部。右寸既浮長。則病在肺上部。偏右可知。更由浮長之脈象。可以測知肺部已因熱度之高而腫脹。即西醫所謂發炎

蓋物體得熱則澎脹。水得熱則沸溢。更證以胸脹。氣不舒。肺之腫脹顯然矣。然則血何以鬱。肺何以熱耶。愚謂血鬱由於肺中微絲血管。吐血不多，必非大血管，感受某種（思慮勞欲跌磕）衝激震蕩。而生裂痕。血管之血。循此裂痕滲漏溢出。留滯脈外。壅積怫鬱。而成癥結。癥者有形可徵也。血既怫鬱。血中炭酸及廢濁分子。亦必存留。存留既久。則腐蒸而生熱。以上不過利用書理。根據脈証。爲理想上的論斷。病者亦云。前曾用 X 光照驗。其發現之結果。恰與此理想之論斷不爽毫釐。此病治法。宜舒和脈絡。使血流通暢。則癥結消。而血自止。消癥芣苢煎主之。出入加減。數劑血止。改用清肺生血湯。令以消癥芣苢煎方爲丸。每三日服丸藥一次。病者言。初服第一方時。覺胸右側刺疼。吸

氣及震動疼劇。至第二劑即不疼。此疼乃癥結初受行血藥之疏解。強項反抗。不甘制服。故作疼。但勢力微小。不能持久。甫至二劑。即貼然輸誠。其作疼之處。爲胸右側。更足證明病之所在。按此病脈不洪數。病即尙未至發達時期。又未多經誤藥。體質亦佳。始敢用苦寒與行血之品。若脈洪大或數。體弱或有他病。則又當別論矣。

消癥芎藭煎

芎藭三錢 生龜板三錢 研 生龍甲三錢 入湯藥宜生用 炙則腥、

生則有菌不潔淨 炙以 癩蟲三錢 蟲蟲二錢 桃仁三錢 去皮尖炒 消其毒且易研爲末

炒 枯芩三錢 鹽水拌炒 苦寒用鹽水炒 可以殺 丹皮三錢 揆硝 用 其勢并可以改血質 鹽能改變血質也 化水拌炒

川棟子三錢 鹽水 沒藥三錢 山甲尾三錢 炒

麻黃炭五分 桔梗炭五分 爲引

清肺生血湯

元參三錢 鮮生地四錢 大生地三錢 萆薢三錢 花粉三錢 生杭

芍三錢 杭菊三錢 貝母三錢 茅根三錢 草河車三錢

從口腔失血。有嘔血。咯血。嗽血。吐血。噴血。噦血。之不同。但口腔與內部連屬相通之處。不外咽管喉管。咽管通胃。喉管通肺。此嘔吐咯嗽屬胃屬肺。不難分辨。一少年。京師三中高材生也。運動爭勝。始則賽跑努力。肺葉脹大。氣血沸騰。又猛被足球撞擊胸際。於是內部血管破。而咯血矣。初療於醫院無效。又易中醫。展轉及余。診其脈。浮長芤數。一息八至。徐疾不調。現促象。體紅。氣喘促。汗出。神散。發熱。咳嗽。聲



噁舌赤乾。日夜吐出四五口。或多或少。淡紅不一。欲吐時喉中腥。心中熱。吐後心空煩躁。檢其方皆名人手筆。初時無方不重。用芎歸四物之方數十紙。後者不外知柏地黃十灰太平丸。此等病狀脈象。望而知其爲癆病已屆終了之徵。縱能回天。亦不過時間問題。姑與龍力回天湯冲仙車黑散一錢。敷衍十餘日。血竟止。餘無進退。病本不可爲。辭謝不治。越數日血又吐而死。人生最慘痛莫過死別。况癆瘵至死清白。戀戀骨肉。情長命短。斯爲苦耳。或曰。病得之於卒然。何以成癆。余曰。病本非癆。醫與芎歸。始漸引入於癆。知柏類投。終促其命也。何以言之。今舉其理說於下。吐血初病。未必卽爲癆。吐之日久。氣血交困。始漸成癆。倘藥病不相得。益助長病邪。以有限之生機。不勝

芎歸能引病成癆

四物湯益榮衛  
滋氣血主治男  
婦一切血症之  
辜說風死多少無

久服川芎洩氣  
傷津

無限之消磨。欲不成癆。安可得耶。此病在未病之先。活潑潑。雄糾糾。競強圖勝於運動。內部之無病可知也。奔跑努擢。肺葉翕張。卒受撞激。血管破裂。除體內稍有熱邪外。何異外部皮肉有傷損。非可比七情六欲積久之病。倘使治得其法。不難一藥而愈。不意初經西醫未效。輕失時機。遲延一日中醫又紐於四物之和血通套。一誤再誤。和血固是。何以必用四物。四物湯爲古人過去陳跡。後人不求真解。不究實際。不明古今氣候有變遷。不知古今體質性習有不同。一遇血症。不問原因性別。概以此人云亦云之方。嘗試購撞。遇體壯而熱不盛者。或可奏效。不幸遇熱熾體燥者。則禍不旋踵。蓋當歸苦溫尙在其次。川芎香竄辛溫。升浮發散。耗津液。泄真氣。單服久服。令人暴亡。

知母黃栢川芎  
當歸為癆病禁藥

縱令芎歸之外。尚有生地白芍等之涼潤。恐亦不能盡殺其燥烈偏激。血流鬪乎生理之自然。縱有不和。須求其原因以調濟之。況病者體內本已蘊熱。何堪更益辛散溫燥。助火傷氣耶。是故癆病未成。川芎當歸之用。可暫而不可久。宜少而不宜多。癆已成立。川芎當歸例為厲禁。至黃栢知母之亦不利於此病者。乃癆勢既成。精液枯竭。知栢性苦寒。則必益促精液之敗絕也。嘗見男婦血症。無論醫家病案。堅信四物為和平穩善之藥。縱受其害而不悟。故記述此案。以改正萬一。

龍力回天湯

龍骨 四錢  
牡蠣 五錢  
生地 二錢  
地骨皮 二錢  
元參 三錢  
沙參 三錢  
阿膠 二錢  
酸棗仁 錢五分炒研  
赤小豆 二錢炒研  
扁豆皮 三錢  
東

瓜皮三錢 蘋果一枚 璐參三錢 荷梗葉爲引

### 仙車黑散

仙鶴草三錢 草河車三錢 茜草二錢 小蘗二錢 三七二錢 白薇

三錢 棕櫚二錢 雅片灰五分 共燒灰存性爲末

### 記五蓮山僧陽盛格陰症

傷寒陽盛格陰

諸城南二十里。一山孤立。四面皆作長形。曰長山。再南則峻峭蒼翠。犬形蝸伏者。鱗列目前。有二峰聳峙如馬耳者。曰馬耳山。頂尖下圓者。曰七泉。東南盧敖修真之廬山。西南爲產玉之昆山。馬耳山中央現缺口如馬鞍。曰馬鞍口。山人就缺口。從山半闢羊腸小路。僅容一足。上望山石搖搖欲墜。下臨深淵無底。蜀道雖難。無此險峻。馬耳七

泉之間。山勢少殺者。名長城嶺。嶺上土牆高丈餘。蜿蜒起伏。西至穆陵。東盡於海。乃齊之界牆。鄉人闢道於此。路線伏仰。頗不易行。從長城嶺南望。萬山重疊。翠峯參差。千態萬狀。極盡秀妍。其岩巖峻拔者。南曰五蓮。西南曰九仙。五蓮之巔。有二松並列。高約數尺。狀如傘。一平。一尖。過長城嶺。盤紆畎阿。南行二十里。抵一團瓢山村。綠竹蔭森。古栢蒼茂。村之北西。小溪縈繞。水深沒膝。是爲濛溪。村東多山嶺。村南山河橫過。河之南即五蓮。五蓮馬耳。屏護前後。廬山九仙。左右拱列。群山環繞。如翠帶。如城堞。村東六十里。可達海。水中嶼岫。瑯琊山也。村以水名曰濛溪。余故居也。

吾鄉景物雖不如江南之秀麗。山水輝映氣候溫和。亦洵世中桃源。余幼

年與先母相依爲命。伏仰此天然美景中。雖飢荒艱苦。樂也。熙熙。先母尙在。余必終老鄉邦。僞遊侍親。何能須臾離此。景此情。今生已不

可復得。僕僕風塵中，何處是吾歸宿。嗚呼悲哉，使余非有未了世事，必將披髮佯狂，出世逃俗，或濯濯清流，蹈海沈江，久矣夫。尙何此書之作也哉。今記此案，附記鄉景如此，以誌悲痛。

從濛溪至五蓮山麓，約四里許。山周圍約三四十里。山岩多奇花異草。遍山植黃松。山僧數百。寺曰法明。寺產豐富。爲吾鄉惟一禪林。山徑有二。一在山北偏東。砌石爲級。一在山之西面。天然險峭。其西徑自濛溪南渡河入山澗。澗之西崖爲九仙。東則五蓮。兩崖黃松密植。乖石林立。狀如虎蹲。如犬伏。如飛鳥。如遊魚。如老人。如美女。遂意呈態。幻景萬千。石崖上下多迎山紅。早春開花。美艷可愛。溯澗行不及七里。迎面石峯插天。形整如劍。石峯之下。鳥徑斜掛。牽籐附葛。攀石援松。東南仰行七里許。始達山頂。再折而向下。入松竹叢中。松竹多生石隙。石下爭出小泉。石間青草黃花。萋萋

沒膝。殿宇錯落松竹林中。石峯星羅棋佈。其大者莊嚴特立。突上雲表。曰大悲峯。西側可登。仰望峯頂。人小如鼠。伏視僧舍。如拳如棋。曰鐵筆峯。勢稍遜。銳立如筆。懸巖巢據。曰緞女洞。四五巨石。壓抱而成。洞底清泉甘冽沁脾。伏洞仰窺。一孔朝天。陽光從孔射入四壁。鍾乳嶙嶙。若攀石欲上。不及半則滑跌。去鞋跣足。竭力攀据。始循孔而出。孔如井口。石面斜平。曰望海峯。七級浮屠。矗立其上。日未出時。登塔望海。帆檣可數。塔之東北臨深澗。莫敢進窺。餘如五老峯。老五朶等。峯壑濟濟。態狀幻媚。榛莽幽深。清景仙寰。誠爲勝境。寺有掛單僧智良者。通內典。諳醫學。與余爲道義交。余因愛山之幽雅。時相過從。曾憶壬戌七月既望。家居無聊。躑躅往訪。未及山麓。陰雲驟合。風雨交

作。急避巖石穴中。而衣袂盡濕。山中路本自難行。泥深石滑。更難着足。雨略住。反折欲回。則山洪橫截。波濤洶湧。不得已冒雨登山。山半數數蹶跌。方忍力攀援。雨勢又緊。擇松栢密處。據石喘息。雨停再進。穿松林。過大雄寶殿。山僧爭致寒暄。智良聞聲。倒履出迎。拱手笑攬曰。居士清興大好。冒雨登山。甚屬不易。遂出僧衣易着。品茗略息。暮鼓已催。既而雲飛月移。萬籟寂寂。石影在地。松颯習習。智良進啟曰。小僧正因一奇病懷疑。方擬恭詣求教。不想居士翩然光臨。可爲奇緣。因笑問何病。曰。敝寺僧某。於五日前赴某村作佛事。回山後即寒熱怔忡。目眩咽干。頭汗出。脈沈細。手足冷至肘膝。重覆火烘。尙嫌不濟。恰似麻黃附子細辛湯。驅寒救陽之法。因不知是否真寒。故未敢



唐突。敢請示教。余欣然與診。但覺其肌涼透骨。脈皆沈細。伏取之。應指而駛躁。舌微黃。胸腹炙熱。心煩悶滿。頭微汗。神清。大便利。曰。此爲陽盛格陰症。陰陽二字爲代名詞。如陽爲熱。陰爲寒。氣爲陽。血爲陰。臟腑表裏等。各以條文。爲對稱之義意。所謂陽盛格陰。即熱盛格寒。此症手足冷。脈沈細。大便利。皆顯明之寒象。何以謂爲熱盛。蓋天地萬類。不出一理字。譬如法律裁判。必要證據確鑿。理山充足。方不至屈直不分。醫學亦然。以手足冷如冰。重覆喜熱。當然以爲外感寒邪。氣從寒化。寒性收束。致熱氣不達於四末。且傷寒論云。三陰感寒。脈沈細。大便利。又神經未受熱激。故清爽。似可証其爲寒。然細心追究。則可疑之點。亦不少。若氣從寒化。何以胸腹炙熱。心煩悶滿。三陰經

脈不上頭。何以頭汗出。脈雖沈細。伏取駛躁。出生入死。間不容髮。察其脈証。決爲熱氣怫鬱。逼陰向外。人身氣血以相當之體溫。循經灌溉。譬如地球之水分。藉日光以遂其滋生濛濛。若溝渠壅塞。則滂沱泛濫。氣候不調。必傷物戕生。今以熱盛陽鬱之體。勞力奔馳。以致毛孔洞開。寒邪乘隙侵入。鬱閉結塞。陽氣即不能舒達。蓄熱內鬱。則脈道不行。熱從三陽奔湯蒸溢。故汗出頭上。况胸腹炙熱。心煩悶滿。皆熱盛之現象。復按種種。敢決其爲陽盛格陰也。治宜大柴胡湯、白虎湯、去參、薑、棗。

瀉泄附案三則

飲食入胃。分泌消化各有其常。精液分子分運利用於精神體魄。臟

瀉泄原理

餘糟粕。輸出於大腸膀胱。苟遇寒熱燥濕之偏。尅伐傷損之過。則分泌失常。消化停頓。腸胃之收縮運動。參看小腸膀胱合論篇變亂。分清降濁之作用失職。汜濫潰溢。多因決堤崩岸。以弛其約束。或堆泥壅沙。以碍阻流通。勢如奔馬。必因源頭之壓迫。波濤汹涌。無非激蕩所造成。倘使堤岸堅固。以防守約束。深澤大地。以吸收蓄聚。陽火朗耀。以蒸化暄煦。則灌溉濛潤。生物蔚然。安得有殘壞疾傷之虞耶。以上爲瀉下病之大意。其詳情細節。複襍繁多。散見各書。但總不出寒熱虛實。內傷外感。而治法亦不外寒熱溫涼。補瀉分解。惟自李東垣重脾胃。醫法一變。後世始多偏於健脾。喜用參朮。不知瀉泄豈可專責於脾。參朮只宜用於氣虛。如謂萬物生於土。脾在五行屬土。補脾即培土以

瀉泄初病之感

育萬物。崇土以固堤防也。然生物於土之外。可以無需於水之滋潤。陽光之煦溫。即可以生以長乎。造物如此簡單。則季節轉移。風雨晦冥。皆爲多事。醫療但知醫脾。則傷寒內經以及古今方書。不妨盡付一炬。無惑亂人意之具文。豈不通快乾淨乎。噫。有是理乎。此不待智者而後知也。

下利初病。腹中不適。或微疼。旋即雷鳴。脹滿。失氣。疼轉劇而瀉作。有先水瀉。而糜粥。而粘液涎沫。作止屢屢。忍之不可。或至廁不瀉。出又欲遺。內經謂濕多成五瀉。濕爲水氣。水爲人生必需。一刻不能缺。水飲入內。分泌健強。多亦不見其多。分泌有變。少亦成病。故利濕不外調治分泌。

協熱下利

協熱下利。必暴注下迫。臍下熱。大便黃赤。間有垢濁。或肛門熱。乾渴引飲。舌苔黃。嘔惡不食。治以寒涼清滌。

寒邪下利

寒邪下利。臍下必寒。腹脹滿。完穀不化。下利清穀。屎水雜出。色不甚黃。或青白。凡水穀入內。蒸化於熱。以生精液。而排出糟粕。經謂少火生氣。火衰則清濁莫分。治以益火溫中。痰凝氣滯。食積水蓄。則分泌壅閉。而順流下瀉。治以滲利疏通。正氣敗陷散越。不能節制吸統。門戶洞啟。則宜緩和收瀉。

五更瀉

五更瀉。古人名脾腎瀉。以四神丸。乾薑。人參。白朮。附子。粟壳等燥熱藥治之。但此有不盡然者。嘗有氣鬱痰滯。婦人子宮熱。男子腎液虛。多轉成此病者。用寒涼治之。反應手奏效。

下利脈滑數而實。有宿食也。沈主裏。絃主急。沈絃并見。知裏急下重。大者虛而病深。微弱爲邪衰。微弱而數爲將止。不止而寸浮數尺檔者。必轉下膿血。沈緊而遲爲裏寒。下利譫語有燥屎也。下利脈小。手足逆冷難治。

丙寅冬有津門之行。月餘返京。此行所得。大有可記之價值。夜深不寐。捉筆述之。一人年逾耳順。尙稱強健。冬初偶患瀉。中西醫治月餘。病日劇。謬探虛聲。至京相邀。詢其始末。據云。某日竹戰消遣。夜深食點心後。腹中即不甚適快。初以爲食物粗急所致。不意一覺方醒。腹中雷鳴大作。并陣陣絞痛。滿腹撐脹。已而瀉泄開始矣。自此一切藥水粥菜。入喉則如吞針餐刀。且下行遲頓。痛苦不堪。漸下益劇。下抵

於腹。即滿腹絞辣。須臾覺腹中一股熱氣緩緩上升。上至胸際後。即氤氳散佈。瀾漫上下。至斯更覺胸腹脹急疼墜。急如廁。則彈響連珠。洞下如湧潮。瀉時乾曬。肛門灼辣。一陣甫畢。一陣繼之。更番轉側。二三小時始得喘息移刻再瀉。日夜二十餘次。疲於奔馳。甚至憤不欲生。視其所瀉。清水中閒雜不化藥物及浮油一層。飲食須俟涼方受。熱則更迫急不能稍耐。小便赤濁辣熱。遺精盜汗。脈象洪長鼓指。沈取弦急。前服之方如胃苓湯、烏梅丸、四逆湯、補中益氣、理中承氣等等。寒熱雜投。議論紛紜。或以爲內傷。或以爲外感。或以爲停食積水。中寒鬱熱。氣虛脾弱。但終未獲若何效果。人已奄奄不支。診畢反復推想。殊難判定爲何等病。座有數醫。囑勿孟浪冒險。代人受過。宜大

劑參朮健中固脾。但認症未清。搪塞敷衍。究於良心有愧。思之再四。恍然有得。諸醫非已遍嘗諸法乎。惟於中毒一層。似未有一人料及之者。顧病者養尊處優。衛護嚴密。深居簡出。毒何從得中。雖然細尋脈証。即非中毒。亦必挾熱無寒可知。故決以解毒清涼飲苦寒藥。囑侍者詭以爲菓子露兌石斛菊花等露進之。但大瀉多日。氣安得不虛。脾安得不陷。氣虛脾陷矣。舍參朮用苦寒。乍觀莫不詫爲荒謬怪事。豈知理說顯明。根據具在。不見脈之洪長鼓指。沈取弦急。絕非敗陷象。確爲實熱內燔。壓迫發血管跳動之力量。超越非常。始造成此等脈搏。外表之胸腹絞辣。熱氣干嘔。腹疼。肛門辣熱。瀉下急迫。食水不容。喜冷畏熱。小便澀赤辣熱。果屬何等性質使然。試與方書中。



巴豆毒之條文比較之。寧不有幾許之雷同者歟。況虛實熱寒之法非已遍試乎。內傷外感之治亦已盡窮。其效渺然不可得也。世豈有無理性之病。抑醫無愈此病之法耶。嘻。人實未之識。抑亦意料所不及耳。微倖哉。藥甫下咽。連呼爽快。是不啻醍醐灌頂。頓成一清涼快樂世界矣。連進二劑。遍體舒適。宴臥安靜。日夜進四劑。瀉止八九。神清氣壯。噉粥無苦而畏冷矣。後改養陰建脾痊愈。

解毒清涼飲

川連五錢 甘草五錢 白芷稍七分 綠豆皮八錢 花粉四錢 耳環

斛一錢 水煎外入檸檬汁、薄荷霜、白糖酌加兌勻。

一中年婦。甲寅春患口瘡、胸煩悶、頭暈、腹脹、不欲飲食。服清熱瀉火

藥仍如故。至六月中旬又增瀉泄。日二三十次。口糜喉爛。腹疼。不渴。飲食不進。脈虛大弦長。沈取無根。左右手脈皆兩根。相距豆粒許。與桂附理中湯。附子。桂心。雲苓。白朮。蒼朮。澤瀉。車前子。炒乾薑。西洋參。炙草。故紙。炒陳皮。二服瀉止。再服口糜等象全去。此病口糜瀉泄。頭暈。煩悶。從表觀之。人皆知爲極熱象。須大寒大涼方可。但脈象雙弦。(寒極)虛大無根。不飲水。又確爲凝寒內結。氣化不行。上焦鬱化之熱象假熱也。瀉利真寒也。按此症上焦既現熱象。不宜用升補藥。黑錫丹亦可用。

丙辰秋一人前在湖北病瘡。醫與常山人參等藥。瘡止而轉水利。日二十餘行。食不下。勉強支持回東。其脈右三部弦大而長。左三部細

弦而關浮亦長。與小承氣湯加味二服。利止食進。更與清火養陰外  
加枳半。數日後下午增加寒戰。戰已大熱汗出。與達原飲不應。轉懇  
家君診之。脈如前。仍余方減去氣藥。專以和平助脾養陰爲主。二服  
大下積垢四五次。脈亦和平。改方又數服而愈。家君諭余曰。凡治久  
病。無論其脈如何。破氣藥。大苦寒藥。概不能用。即用亦不過一二次。  
爾今以治初病之法。治久病。屢破其氣。正不勝邪。所以寒熱愈甚。今  
與養陰助脾和平藥。不强其瀉。正氣復而伏邪盡去矣。醫法變化。豈  
可膠執也哉。

痢附案十則

痢症多由飲食不節。或食腐濁不潔與生冷有菌物。留滯腸中。蒸變

腐化。致腸內膜腐腫。而生有膿液之胞。此胞經過相當時期。即成熟破裂。排出膿液而痢作。循環生替不已。其痢亦時作時息。排出之膿質或白或紅。亦如瘡瘍之有白膿。亦有紅膿。大抵腸內素日白色液質盛者。白膿多。白色液質少者。紅膿多。古人有以紅白之偏多偏少。辨其偏寒偏熱者。以余經驗所得。膿色紅白。絕對不能成立爲寒熱之標準。

痢者不通利之謂。一名腸澼。一名滯下。瀉下紅白膿濁之外。腐化邪深。則有變下五色者。腹中有疼有不疼者。有裏急後重。或急迫而不墜者。有嘔惡脹滿。或噤口不食者。有寒熱往來。或頭疼壯熱者。有神昏譫語。厥逆抽搐者。由於表邪表解自愈。傷寒六經之法具在。非因

表邪。則多由口腹內傷而成。

痢症寒熱之別

流行痢

痢多熱症。貪食瓜果。過傷生冷。或雨水霧露。未及鬱蒸。驟發成痢。則爲寒。或素爲寒體。邪從寒化。辛熱開鬱解結。氣血得以宣通則愈。流行痢疾。有邪入皮毛。惡寒、腹疼、瀉利、下盡宿食。轉蒸成痢。此爲空氣中之特殊戾氣。西醫所謂特種微菌者。行於一家病一家。行於一境病一境。有從口鼻傳染而得。不惡寒、腹疼、初下糜粥。隨轉膿濁物。染於一人病一人。傳於一方病一方。

痢症虛實之辨

頭疼、身熱、骨痠疼。表症之實者。脹滿惡食急疼拒按。裏症之實者。舉按滑數來去有力。脈之實者。小便黃短、煩渴、引飲、喜冷、畏熱、偏熱之實者。但亦有例外。痢下必亡津液。津亡於下。則涸於上。故口渴。實症

痢症治法

腹疼。虛症亦有腹疼者。小便黃赤短少。亦有因水為痢消。痢下耗氣者。裏急後重。亦有因氣陷不舉。門戶不攝者。

治法當辨其所入之邪。察其成病之因。認清六經現症。熟思六經治法。有濕熱者清之。積滯者攻之。氣鬱者調之。血瘀者和之。實者通之。虛者補之。氣陷矣。破之下之。後重愈甚。中虛矣。攻之利之。胃陰必竭。津亡作渴。養津則渴自止。滲利則津必愈亡。

消渴、口中熱、胸腹脹滿、堅實拒按、裏急後重、脈長滑或洪、陽明實症。

以三承氣選用。大承氣湯大黃、厚樸、枳實、檳榔、小承氣湯大黃、厚樸、枳實、調胃承氣湯

大黃、芒硝、甘草

不渴、口中和、手足冷、腹疼喜按、喜溫、脈遲、微弱無力、為陰經虛寒。

自此段以下至  
口中和四節錄  
自金匱經搜以  
也。蟲痢症之方例

四逆加白芍湯。

附子、白芍、甘草、

下痢純血。如屋漏水。口渴便短。裏急後重。脈滑盛爲火。白頭翁湯。

白頭翁、

黃栢、川連、秦皮、

口中和。小便長。脈細。手足冷。或咽中疼。語言無序。下痢血水。黯滯不

稠。如屋漏水。爲虛寒。以理中加黃土。

理中加黃土湯、白朮、乾薑、人參、甘草、梔心土、

下痢紅白。初發由於腸胃食水不和。腹疼後重者。以醒胃調氣飲主

之。調其氣則腹疼後重自除。行血而痢自止。醒胃調氣飲。

生熟車前子、檳榔、青

皮、川連、炒杭芍、芩、紅花、地榆炭、靈枯、脂炭、山查、生熟各半、神曲、

痢症屬腸胃病。由於飲食而成者居多數。但亦有因氣滯血寒。鬱侵濕聚者。鬱血痢之原因不一。約舉之如飽食之後。疾走狂奔。醉酒之

餘。叫號努掙。或毆傷跌踣。或惱怒愁鬱。或競賽食量。強納多物。壓逼  
血流之通暢。或正當食時。受非常之刺激。經脈閉塞。而血液壅滯。血  
既瘀。蒸發生熱。而痢成。瘀血之痢。脈多沈澀。或細弦。或促結。唇內血  
管必現紫黑色。皮膚或甲錯。或眼圈青黑。治以抵當湯下之。或大黃  
蠱蟲丸加減。

痢疾簡易療法。初病時服草麻子油半杯。瀉滌積垢。較大黃芒硝之  
瀉爲妥善。更於早晚用濃炭酸皂。或普通肥皂水。洗大腸。洗腸器各  
藥房均賣。更可用熱水或冷水醃復小肚。下痢日久已無多濁邪。可  
以白水沖香連丸三錢止之。或左金丸二錢。或川連末二錢。生薑自  
然汁爲丸。服之均可。

痢疾初得。或有表邪。或痢久  
脾敗。以上丸藥。皆不宜用。



痢疾禁忌

滯下病。若有燥熱、煩渴、惡心現象，不宜用木香、丁香等大辛大熱。

滯下病。元氣虛弱，或久病胃弱，不宜用檳榔、枳殼、神曲、半夏等烈性剋伐藥。

滯下病。嘔吐、不思食、熱盛、陰虛、善怒、脇痛、腹脹者，不宜多用白朮當歸之溫燥藥。

滯下病。無論新舊，忌食羊、牛、豬、鷄、魚、蝦、韭、辣椒、葱、蒜、香椿，宜清淡容易消化。及營養成分較多者，食勿過飽，宜勤運動。

一少年脈弦急而長，似失血脈。詢之云痢下膿物及鮮血，腹刮疼，頭暈，肛門熱。據此知其腸內膜因熱大而腫劇，且腐爛深。腸內血管因熱高爛深，有局部破裂，致成痢兼下血病。

痢兼下血

消炎止血湯

地榆炭三錢 川軍炭三錢 炒黑川連錢五分 炒黑枯苓三錢 炒

榭仁錢五分 元胡索三錢 山查炭四錢 車前子三錢 炒丹皮三錢

檳榔三錢 鹽炒黑川練子三錢 煎沖香連丸二錢

一婦居川華貴。身體軟弱。刺下裏急後重。白多紅少。腹疼心煩。服參朮一劑。刺轉劇。項直目脹。胸脇肩臂腕膝足脛手指脊骨尾閭周身骨節紅腫疼煩。不能動轉。舌黑口乾。不食欲嘔。眼圈及山根青黑。小便澀赤艱難。脈弦燥參伍不調。觀此脈証。已知服參朮閉塞關竅。熱及菌毒。無從透出。竅攻周身骨節中。血液因而瘀結凝滯。

和血解毒湯

消症服參朮毒走關節

西紅花錢五分 蘇木錢五分 山甲三錢 白芷錢五分 川連錢五

分 枯芩二錢 秦皮錢五分 丹皮三錢 銀花三錢 連翹三錢 元胡

索三錢 萊菔子三錢 川練子三錢 冲食鹽一撮

血痢服苦寒轉  
下五色

一婦性頑躁而奢華。乙卯秋。初時患痢純血。以過服苦寒。變下五色。日四三十行。腹疼如刀刮。食量兼人。非肉不飽。脈寸關牢。尺洪長。舌黑芒刺。謔語妄見。日晡大熱。交寅即退。証殊險惡。惟胃氣未倒。求愈不易。欲死亦難。按性躁善怒。陽鬱陰燥也。再加飲食不節。鬱蒸成痢。今更以苦燥之藥。傷蝕胃氣。雖食啖不少。亦只能化垢不化精。或曰過服苦寒益甚。非虛寒耶。曰久病屬寒者少。况脈症如斯。虛則虛矣。而非寒也。治以甘寒補陰之劑。凡痢下屬於陰燥者。下手即宜重川

甘寒養陰之劑。痢無補法之說。原爲武斷之談。不知醫法活潑。現此症即宜用此藥。何能固定膠執。余從閱歷所得。補陽之參耆等藥。固宜審慎。柔潤補陰之劑。雖誤無大害。且下痢純血。本屬陽旺陰虛之症。今不補陰。更以苦寒傷陰。則陰愈虛。陰虛則元陽不降。真陰不升。陽宜降而反升。陰宜升而沈下。陰陽不交。生機危矣。

### 和中育陰湯

鮮生地 三錢 生杭芍 三錢 雲苓 三錢 訶黎勒 三錢 元參 三錢 東  
瓜皮 三錢 扁豆皮 二錢 天冬 三錢 地榆炭 二錢 烏梅炭 錢五分  
金石斛 三錢 車前子 三錢 各半生熟布包

一少年煙後痢下無度。神昏譫語。不食。四肢厥冷。舌焦赤。脈沈細少

煙後痢兩成壞症

長。此症爲兩感壞症。脾氣下陷。清氣欲脫。

固氣分解飲

慧仁炭三錢 扁豆三錢 生地二錢 西洋參三錢 雲苓三錢 於朮

二錢 車前子三錢 山查炭三錢 陳皮三錢 炙草三錢 川雅連五

分 生薑三分 川羌八分 升麻五分 冲雅片一分 二服清醒。改養

陰和中。

一中年嗜癖深久。一日浴出即痢下無度。身大熱。惡寒、煩躁。証似陽症。脈沈細。又爲虛寒。兩尺更虛而無力。則不可汗下。汗下必脫。人參敗毒散去人參。一劑熱退脈起。改胃苓湯加減。

一人貪酒濫飲。久之濕熱所傷。發爲痢症。經久不愈。困頓難支。其脈

瘰癧

瘰癧

弦長。舌苔焦黑。按酒之爲物。氣烈性激。濕熱竄發。飲入於胃。瞬息四達。當氣盛之時。可以制伏烈性。濕熱尙能潛伏安貼。迨夫氣有佞敗。則酒勢漂悍之烈。濕氣蘊蒸之傷。脾胃交困。病勢斯成。此病雖屬濕熱。但不宜苦寒滲淡。蓋積久之傷。陰液耗散。非實熱之比。用苦寒滲淡。則傷陰。傷寒論雖有酒客喜苦不喜甘之說。治此症亦宜甘寒柔劑。

### 解酒養胃湯

枳椇子三錢 鮮生地三錢 元參三錢 扁豆皮三錢 車前子二錢  
天冬三錢 炒知母錢五分 通草錢五分 生石膏二錢 丹皮二錢  
蒼朮炭五分 炒麥芽二錢 蘋菓二枚 爲引煎沖香連丸五分

實熱下痢

一人下痢吐逆。食水不入。胸中悶亂。腹痛撐脹。舌苔黃而不燥。脈數長。此濕熱蘊結。胃口閉塞。治以左金丸開其胃口之寒結。滌濁清熱飲滌其腸胃之熱邪。然後以甘寒養陰。滌濁清熱飲

川連錢五分 枯苓二錢 黃栢一錢 川軍三錢 丹皮三錢 車前子二

錢 山查炭三錢 連翹三錢 澤瀉二錢 檳榔二錢 神曲三錢

休息痢

一人患休息痢。長年累月。裏急後重。乍作乍止。紅白相間。脈弦長。痢症之治。宜明悉其性質何屬。因勢利導。不可妄止。亦不可重瀉。用補爲通。端賴手法之靈活。用通爲補。不宜越適當之規矩。補中兼通。不害其爲補。補以塞止。止後仍須通利。蓋補塞之法。雖可遏止於頃刻。

餘邪滯留。時刻有發作之機能。靜則固可相安於一時。但飲食勞役。豈能絕無傷觸乎。休息痢實症用滌穢丸每次二錢微痢即愈。苟欲痢之速止。用六味地黃丸而二錢。少加雅片止之。再服滌穢丸洗滌餘邪。

滌穢丸

川軍

滑石

厚樸

地榆

檳榔

川練子

等分爲末水泛丸

一婦長夏患痢。黃黑色。痛而急迫。醫用薑苓湯。倍枳壳川連愈劇。兩尺脈緊而滿。按脈象爲寒傷榮之表徵。據云在行經時。曾湯飲冷水一盃。遂病此。蓋血被冷水所凝。瘀血及於大腸。熱氣所以墜下。用桃



仁承氣湯。加車前草、元胡索、馬齒莧。服後下黑血若干。痛止臟清。改調中和血之劑。此爲凝經作痢之病。治法巧妙。此方去寒下瘀。勝熱藥多多。故特標而出之也。

桃仁承氣湯

桃仁三錢 酒軍三錢 甘草錢五分 桂枝尖錢五分 芒硝錢五分

車前草三錢 馬齒莧三錢 元胡索三錢

一人中氣素虛。又勞役過度。恒有時失之饑。傷於飽。失饑則胃疲。傷飽則流爲積。積之既久。病成滯下。腹痛後重。不飲不食。困憊不起。乃就床之中。洞破一孔。仰臥而聽其自下。其脈弱細。用先補後攻之法。與參朮、苓草、杞地、山藥、首烏。服之數日。病日劇。窒痰咽如絮。心躁頭

積虛下痢攻補  
餘施

服之有力無力  
爲分辨內傷外  
感之目標

暈。痢之爲病。無論賢愚。固皆知宜去其垢。而求其新。但中氣既虛。恐難勝攻伐之重。故先補其胃氣之傷。氣能勝藥。然後大張撻伐。與小承湯二劑愈。此法不善學者。最易受謗。不如於瀉藥中加入相當補藥之爲得。

### 內傷與外感之辨

頭疼身疼發熱惡寒不思飲食。甚則惡心痞悶譫語。此外感風寒也。勞役過度。飲食失節。其現症亦頭疼身疼發熱惡寒不思飲食。甚則惡心痞悶譫語。此名內傷。傷其氣也。故內傷症與傷寒外感之現症。毫無區別。惟以脈爲辨耳。內傷之脈。皆虛大無力。或微數無力。外感脈。多浮數。或浮緊。或浮緩。而皆重按有力。以此辨之。其藥不外補中。

法外感內傷之治

益氣湯。亦可用紫蘇飲小柴胡湯加人參治之。甘溫爲主。有風寒者。加入羌活防風等表藥。有飲食停滯者。加入一二味厚樸麥芽等消導藥。有火者。加入一二味黃芩梔子等寒涼藥。以調劑之。是在留心細辨耳。

麻黃一味。北人傷寒症。不用則效小。江南人則反是。蓋南北人氣質

不同也。太陽之人

此言壯者屬陽

雖冬月不需棉。口常飲水。色慾無度。大便

數日一行。連樞確黃恬不知怪。太陰之人

此言弱者爲陰

雖暑月不離複衣。

飲食稍涼。便覺腹疼泄利。參茸北桂時不絕口。此兩等人各得陰陽之一偏。南北之地氣。又不能拘。故同是一症。而方藥各不同。况顯然不一症者乎。醫者貴乎圓活變通。不可刻舟求劍也。

辨症之難如此

僅以外表現象  
爲治療根據  
安得不殺人耶

一人年七十餘。仲冬將出行。少妾入房。次日頭疼發熱。眩暈喘急。痰涎壅盛。小便數。口乾引飲。徧舌生刺。縮斂如荔枝。然下唇黑裂。面目俱赤。煩燥不寢。或時而喉間如烟火上冲。急飲涼茶少解。飲涼少解。最易惑人。勢已瀕於死境。脈洪大而無倫。且有力。捫其身烙手。此腎經虛火。游行於外也。然此症實難辨認。症像俱是實症。脈像俱是實脈。何以知其爲虛火。仔細思之。此症得發。全在少妾入房四字。及喘而便數耳。以七十餘之老翁而有房事。房事後得此症。尙能作實症治乎。此正格陽戴陽也。然虛脈變而爲實脈。燥極生熱。故脈有力者。乃強直之像。強直非實也。宜用六味地黃湯生脈散加附子上肉桂作引。引火歸原。一劑而熟寢。各證俱退。再與八味丸調理而安。此症

醫理之精詳審  
慎如此終不能  
無發達之機會  
可斷言也

如作傷寒治則死矣。夫少妾入房，病者隱事，頭疼發熱，必自疑爲感冒。觀其口渴舌刺，脈洪大有力，醫者必用溫症方藥，豈知白虎瀉心一飲卽死乎。可知病因要問明白，豈可執一而斷耶。卽此推而至於弱人房事後得此病，與夢遺洩精後得此病，其治法可知矣。此皆內傷症也。

一武將病傷寒。臨危求肉汁淘飯半盞，食畢大叫而死。噲嘉言曰：向見其滿面油光，知其神采外揚，非永壽之人也。且以比頑體虛，背征海面，其病純是內傷，而外感不過受霧露之氣耳。霧露之邪，其中人但入氣分清道，原不傳經，故非發表攻裏所能驅，惟培元氣，厚穀氣，則邪不驅而自出。如其頭暈發熱，認爲太陽，誤表其汗，則內傷轉

增。而危殆必至矣。且內傷之人。一飽一饑。早已生患。復誤認爲傷寒。而絕其食。已虛益虛。俗醫遇傷寒症。每禁其飲食。致腹中餒憊。求救於食。食入大叫一聲者。腸斷而死也。如饑民乍得飽食。不旋踵撲地而死。腸從中斷。氣從中絕耳。如果邪重。外邪與正氣相爭。當先昏迷不省矣。故索飯之時。不與飯而與參湯。尙可救之。

按今人一有寒熱。輒服山查麥芽等消導藥。攻傷胃氣。外邪乘虛內入。致生變症。不知食不爲害。外感未傳陽明。仍宜進食。如桂枝湯啜熱稀粥以助汗是也。若內傷症。始終不可禁食。禁食而又加剋伐。無不死之人矣。

內傷症切忌消導發汗。外感症切忌發汗。而忌消導。此養生家與醫

者。不可不知者也。

戴陽附案五則

戴陽者。謂熱浮於上。上焦雖外現熱象。體內實缺熱溫養。人身熱力屬於先天所賦。與後天飲食呼吸所生。化見證溫變原理其宅窟在連屬小

腸外壁之鷄冠油網內。此油網居體腔下部。今熱不下守而上戴。必

有迫激衝動之原因。譬如陽光之煊照蒸發。地球之吸收取給。必有

施受背馳之變。方失和衷共濟之常。此症乍視。最易惑人。外象盡是

一團烈火。止火以水。治熱用寒。炎炎灼灼之熱象具足。救焚即在頃

刻。杯水車薪何濟於事。必大雨滂沱。傾江倒海。方冀萬一。豈料炎炎

之熱。正是凜冽寒邪之映影。以寒濟寒。而不冰凍者幾希。宇宙萬類。

人身熱力居於  
體腔下部如地  
心之有熱力

戴陽之辨別

金玉其外者。未必不敗絮其中。虛假不真。必有漏綻裂縫。細心體察。不難發現實情。內外打成一片。團體堅固。則撼搖無隙矣。如現象頭疼、壯熱、神昏、狂亂、氣高、胸熱。脈象數長浮洪。舌苔黃燥。反復診察。他無疑點。自然以熱爲主。若外象爲熱。脈象沈遲、微、細、絃、緊。舌苔白滑。或外象熱證不純正。脈象數而無神。弱小無力。舌苔黃而無根。滑而不燥。則不能遽以熱治。

時症誤汗之戴陽

一女年十八。患時病頭疼發熱。歷下名醫數輩。治不效。更增而紅氣促。其中一醫曰。據病人舌有芒刺。爲邪已入裏當下之。下之病轉甚。醫均束手。更延軍醫某曰。舌有芒刺。下之豈有不愈之理。特前醫識淺膽小。雖知可下。不明病之輕重。不敢用藥。方小力微。何能中病。此



等小病易耳。某一舉手敢保霍然。乃以大承氣投之。此女自得病以來。並未大便。屢服下藥不應。藥食相積。以致胸中填起數寸。拒按。哀呼不休。今更益大劑承氣。胃口漸起一槪。粗等盤口。日夜呼號求救。有人薦余。診其脈細微。神不昏。仰臥而身不能動轉。舌有芒刺而無苔。診畢而出。握管構思。無方可寫。適某醫在座。笑余曰。聞先生家學淵源。必博學多聞。何許久不能出一方耶。余曰。病本不治。所以構思者。欲酌一方一謝主人耳。某本無才。仍請貴醫奏功。乃勉書桂附理中加減。並告主人曰。可服可不服。賢主人酌之可也。某醫笑余謬。仍主寒涼。病家竟服余方。次早來告曰。病人服藥後大吐。病似少減。堅懇再診。不得已從之。至病室見病者仰臥如昨日。並未少動。呼聲較

肝脈起自胞中  
行於身後主氣  
人之將死氣必  
先絕而督脈不  
能舉即督脈倒  
也

昨日力微。余曰不必再診。診亦無法。今晚亦不能過矣。惜哉。蓋督脈已倒。故不能動移。苦寒傷胃。胃氣已敗矣。更有何法。使胃中之藥得盡出耶。倘服藥後不上吐而下行。或有些許生機。是晚果卒。凡醫者治病。無論病之輕重。總要四面八方。詳細推求。定方後必思有如何成效。若服藥後未見成效。須求其所以未見成效之故。切勿粗心了草。輕忽人命也。按此病初得似爲體虛感冒。群醫必以重量辛散苦寒藥治之。傷其元氣。不但無效而且轉甚。乍視頭疼面紅發熱氣促。舌有芒刺。雖似熱症。但舌苔不黃不燥。則知熱非真熱。乃下焦真火爲辛散藥升發於上也。此病在未瀉以前。用甘溫藥化氣引熱方爲正治。今反用瀉藥下以竭其陰。故陽由戴上而上脫矣。

酒色縱慾之戕

余同學沈君。風流佻達之士也。中人之產。不事營求。喜吟咏。擅工商。其先江蘇籍。宦遊山左。因居泰安。甲子春。余謁岱相遇於泰安城。墜邀過其家。款待殷厚。談叙間。細審伊油光滿面。顏色嫩艷。坐立不寧。躁擾甚。目直聲微。頻頻反顧。確似精神內奪。陽氣將脫之徵。拿診其脈。浮大長數。左尺寸尤空大。問有所苦否。曰無所苦。頗覺強壯。惟飲食遞減。余曰子內傷已極。腎液枯竭。表裏盡是一團邪氣。陰陽（藏府氣血）已被同化。正氣失其攻守。反抗力。故不覺其苦耳。設一旦驟發奈何。人孰無死。誠能昏然無知而死。死亦何苦於生。此種病因無外邪亂其神明。恐至死爛爛。性靈不昧。是爲苦耳。余今細察子之脈象。知病勢已迫。以情篤誼重。故不避忌諱。請君熟思。倘能推誠信

凡用峻烈藥中  
病即止

任。吾當盡力以謀之。否則須防立冬。蓋冬令天氣沈潛收藏。君之真陰不守。陽已外越。若再經夏之耗散。陰愈弱。陰弱不能吸強陽下行。勢必上下分離。或將一汗不起。或成纏綿癆瘵。吾既見到。不忍坐視。君自酌之可也。彼疑信參半。爲立方與約五日之留。並告其家人曰。服藥後任何現象。勿驚勿恐。與救陰回陽煎。吾自煎進之。越二時許。躁擾欲狂。乃急於原方加熟附片二錢。彼之親屬譁然曰。既是腎虧虛熱証。何以用桂附。前方有桂。服後欲狂。又加附子。下咽豈不立斃。是速其死也。彼之夫人亦驚慌無措。余曰。有吾在。勿恐。服吾藥。如有意外。甘以身殉。急煎與之。服後稍安。只呻吟不已。至夜半。又以前方去附煎。沖黑錫丹一錢。翌日一絲僅屬。呼之不應。推之不動。昏睡無

陽已就範再用  
熱藥陽必再發  
暴動而無制

知其夫人戚然欲啼。余曰嘻。此正其生機已復。何悲爲。原方去花粉。知母。烏梅。陳皮。桂心。加川貝二錢。五味錢五分。洋參二錢。寒水石三錢。一日三服。下午進粥一盃。至夜又躁動。急用湯藥研沖黑錫丹一錢。服後熟寐。第三日仍次方進三劑。至夜稍躁。其夫人欲進黑錫丹。余急止之曰。若當初只以陰寒藥治其陰虛。陽必暴脫。故以熱藥以回陽。然陽已跋扈不馴。驟加制縛。勢必極強不受。故躁動而欲脫。陽已就範。再用熱藥則劫陰矣。前數用者。一擊未中再擊之也。第四五日每日服藥三劑。飲粥數次。精神漸好。脈亦和軟而仍長。面色黃白。懶言動。多寐。再減去蕤朮。加棗仁二錢炒。赤小豆三錢炒。黃肉二錢。每日二服。數服後去寒水石天冬。加車前子三錢。黑豆三錢。再十餘

勞傷之救陽

服。入葳蕤三錢、肉蓯蓉五錢、銷陽三錢、鮮生地一斤、竹瀝膏酌加、搗和丸如桐子大。每服一錢五分、鹽水下。日二服。終身忌韭菜。現在忌五辛、羊牛鷄鴨鵲香椿房勞。

救陰回陽煎

鮮生地三兩取汁炒知母五錢 天冬八錢 花粉三錢 大元參五錢  
萸殼一兩 生髓甲二兩 牡蠣粉二兩 生龍骨一兩 寸冬三錢  
生地五錢 地骨皮三錢 烏梅錢五分 炒陳皮錢五分 真紫油  
桂錢五分

東北三四方面軍團步兵營長。攻搶涿城負傷。更因惡戰慘死之激刺。神經錯亂。經醫院治療愈後。某夜忽然抽搐。四肢厥冷。神時昏時

醒戴眼寒熱瀉利粉紅物狂亂譫語嘔吐食水不存頭疼腹疼上氣胸中熱煩亂胸悶脈急長寸關雙弦神情細弱按之不應指舌苔白滑面色紅灰眼紅觀此錯雜現象究屬何種性質形勢危急無嘗試時間綜合測求雖似少有線索分析比較又糝糊難辨以脈之雙弦神情細弱按之不應指舌胎白滑明明虛寒神昏狂亂眼紅脈數長頭疼胸中熱又何非大熱大實終以脈與舌胎反復証明知其不免勞役飢飽在作戰時多露宿冷食與縱慾竭精之傷上戴陽而下虛寒與黑錫丹五分下咽即覺胸腹中一股熱氣反滾沸騰直奔丹田數服嘔吐頓止神安病去八九更以八味地黃附子理中加減收功。

一翁六十四歲五月間氣惱後復感風寒得病之第三日余始往先

老年人感冒病  
慎川辛散藥

取二日間之方觀之。皆柴前羌防九味羌活湯。辛燥中加苦寒。此方用於老年人。不問病之如何。足以致死。因其氣血漸衰。不能勝此辛苦燥烈之藥也。其脈浮弦勁急促而且長。按之關大鼓指而無神。左尺尤洪。藏陰不守。乃現諸敗脈。而有浮光。戴陽也。神昏躁擾。隔陽陰竭也。舌促謔語藏絕也。瀉泄完穀小便不通。腸胃旁光三焦均絕。危期不出三日。情不可却。姑與一方。

龍力回天湯加減

龍骨 三錢 牡蠣 三錢 洋參 錢五分 野朮 錢五分 白薇 錢五分 生地 二錢

硃茯神 三錢 通草 錢 黃肉 錢五分 巴戟天 二錢 枸杞 二錢

一人五十餘歲。五月房後感寒。遍陽上浮。而紅赤喘促。足膝如冰。小

房後感寒之證



腹板痛，自利，陽縮，舌促，一日夜走精六次。頭暈眩，脈細微如絲，緩而不調。此房後感寒之戴陽症也。急以溫養鎮納之藥，收拾浮陽歸於下元。陽回後再議大劑養陰。

### 回陽固精湯

西洋人參三錢 桂枝三錢 吳萸二錢 龍骨五錢 牡蠣五錢 巴戟  
天三錢 鵝管石三錢 首烏三錢 金櫻子五錢 補骨脂三錢 乾  
地黃二錢 甘草二錢 葱白七錢 水煎服

### 感胃病妄用補中益氣之害

一婦六十餘。於乙丑七月患夾氣感冒。發熱惡寒，頭痛。醫與補中益氣湯。二付後。險象百出。壯熱，神昏，腹疼，舌苔燥厚。吐黑水。目直視。遺

補中益氣湯治  
年老氣虛人感  
胃之懷性者

此等理說最易  
令人誤會

尿脈浮弦而停至。此症本伏熱陽鬱。復感風邪。醫者不察。以年老也。遂認爲虛。而升補之。此醫蓋紐於醫方集解之年老氣虛人患感冒。用補中益氣。及李東垣之升柴味薄性陽。能引脾胃清氣行於陽道。以資春氣之和。又能引參耆甘草上行。充實腠理。使衛外爲固等之說。以升燥藥竭其下。而實其上。鼓蕩周身元氣。皆化爲火。傷耗真陰。迫陽散越。陰精不藏守。所以脈浮弦。函京招余時。已臥床七八日。三四日未更衣。此症仲師本無治法。而少陰例中。有救熱存陰一條。可以借用。惟以根柢全傷。恐不易奏功。試與救陰藥。甚著效力。身涼頭不疼。腹不疼。自下黑糞甚多。惟周身疼楚。不知其處。此邪去正氣不足也。倘跟踪急與救正。或可希冀萬一。奈本人不肯服藥。只好聽之。

後終不起。

縱慾與妄用培補藥之害

西醫之學術精深者。較中醫高出多多。技識鄙劣者。或輕率粗魯。以人體爲試驗品。殘體廢肢。割股刖足。剜眼挖鼻。致毀人畢生幸福。此其爲害少數。尙不足論。其最使吾人痛心者。厥惟市廛競賣之丸散油汁。查此等丸散油汁。皆次等劣性奮激藥所合成。美其名稱。精其裝璜。大其宣傳。世人認假。既投機迎合認假之心理。寧不利市十倍乎。利之所在。奸人爭趨。但知肥己。何計人道。故報紙貨店。五光十色。十九爲此等殺人毒物。計余目覩受其害者。何止千百。嘗有服某油下咽而斃者。有服某散雖不卽斃。亦因以倒胃。終至不起者。有服某

丹日久。毒墜兩腿。漸至潰爛致命者。有服某補丸。而小腹腫脹。痰結氣閉者。有服某汁某液而癩狂者。有服某汁某血腦脹。轉閉。幾至不救者。事跡彭彭。是皆可按而知也。流毒至此。誰實作俑。茫茫神州。芸芸衆生。豈將真爲病國。盡成廢人矣。西醫學者不乏高明。爲威信之維持計。似應洞燭其奸。揭穿黑幕。勿任光天化日。鬼魅橫行。以救無辜。是則愚之厚望也矣。

一人自入民國。歷充權要。侍妾滿前。尙沈憇八埒。日日徵歌。夜夜選色。人身精力無幾。且且而伐。何能終健於戰。於是不得不憑藉外力。以逞其慾。凡紅色補丸。百齡機。自來血。補腎丸。盈筭累箱。日數吞嚥。初服頗覺精神興騰。強陽耐鬥。食量亦增。甚幸其得計。從此肆意浪

縱。以爲有恃而無恐。豈知紅色補丸等藥。皆爲興奮陽性之剛燥藥所合成。陽被激蕩。勢遂勃勃。效固著於當時。病已潛締於蕭牆。蓋膏粱厚味。已自蓄熱。皮肉縱慾。則火更翕張。火盛必竭水而枯源。若更加薪於烈火。鼓勇煽蕩。其不燎原播壑者幾希。人身陽氣本藉水分以潤澤之。若水分缺竭。則陽氣亢烈。譬如天空空氣。若不含相當水分。則枯燥不榮也。此病初發時。頭面由微紅。漸至赤腫。心煩急。胸腹脹塞。自小腹至膝下。膚肉青黑。臂肘亦穩穩似青。手足逆冷。今者一日數次射注藥鍼。或服洋藥。而病依然有增無減。轉訪中醫。乃多認爲上火下寒。以下體之青黑。爲寒水泛溢。手足冷。爲真陽斲滅。頭面赤腫。爲陰盛格陽。上假熱。而下真寒。真武湯。四逆湯。黑錫丹。迭進數

青屬水黑屬腎  
爲五行之臆說  
千百年來誤於  
此說可概也於  
寒水泛溢何以  
致皮膚變爲青

黑色此說真不可解

皮膚之青黑爲血瘀經絡也

服。遂增口渴引飲。焦躁欲狂。問治於余時。勢將垂危。脈浮洪瀉瀉。沈取側側如刀刃。伏取全無。離經脈也。按人身陰陽。以相當之度數。循環內外。遲疾偏勝皆不可。所謂陰平陽秘。精神乃治。今違反其自然之常道。而激播之。陰陽翻騰。致逼迫體內血液。冲堤溢岸。經外凝留。故血鬱肌腠。而陽鬱四肢。此下體皮膚色黑。四肢逆冷之由也。物體得熱力則澎脹。理之常。今亢陽炎上。頭面之所以赤腫也。津液枯竭。則內外化燥。燥極火生。火動風隨。此所以食多。心煩急。胸腹脹塞也。浩日炎炎。雲雨何從。救焚潤燥。自不得不乞靈於有形之泉水。豈知身外水質。何濟於體內焦灼。譬如熊熊烈火。洒潑勺水。徒激其返撲之熾耳。故雖屢飲而渴不解。愈渴則愈飲。引飲不已。而渴終不衰。遂

至焦急而欲狂矣。因受此種種之剗削。體內真元已所餘無幾。藥力重。則勢不能任受。藥力輕。又緩不濟急。補瀉非宜。良工束手。勢固如此。所幸日尙數索食飲。便溺亦如常。因知肺胃之氣。尙未盡陷。若調治得法。或有生望。於是隨病下藥。藥隨病轉。一日三服。三易方。時越月餘。竟慶生回。方之意爲治以鹹寒。調以甘酸。藥多輕清陰柔之品。主方爲竹皮大丸加味。此蓋仿內經之折火以補氣。壯陰以吸陽之法也。噫。人生剝那。色相空幻。爲貪片刻之樂。幾遭滅頂之慘。可不懼哉。噫。

按現在市面。賣成藥者莫不誇大其詞。爭道奧妙神通。如何却病。如何延年。信如其言。則良醫可以消跡。醫書可以束置矣。世人不知。物

西醫以中醫之熱土  
 治病而重方  
 帶人與寒帶  
 之體相病同  
 理無分別疾  
 之無要知體  
 必情難與同  
 性理難與同  
 而性之習慣  
 生有之方用  
 活不之利法  
 物有治同故  
 各之治療應  
 病自然之區  
 自種地物產  
 某種生物易  
 則成其性功  
 能或易其地  
 土發生則種  
 病易發則病  
 亦同性質之  
 者亦實之必  
 然

有差別。人豈盡同。病有生發變化。一病有一病之構造。一病有一病之消長原理。人與人間。有性情環境之不同。天時方土。亦各有燥濕冷熱之殊。即使病有偶同。治法則變化靡定。自古皆以定方定藥。治無定之人與病。則只編方造藥。世相傳守可矣。復何以極力研究。終鮮妙藥神醫耶。然人以其表表皮相。妮妮文詞。遽放心服餌。受其害者。恒河沙數。可慨也矣。

又一人爲濟南有名律師。擅詞鋒。精心計。放蕩不羈。性慷慨。經手訟案。十九勝利。扶弱抑強。不避權勢。有貧而被屈者。必竭力訴辨。必求得申。而不受酬。因是世遂目之爲訟俠。顧其行品則大出吾人意料之外。蓋淫蕩穢汚。有非筆楮所能述。每見婦女。必多方戲弄。親故同



族者亦肆行調笑。雖衆目睽睽之地亦毫不知爲恥。以新思潮之自由戀愛爲神聖不可侵犯。知其行藏者皆羞於齒及。或避道而行。以故生意發達。人格淪落。八月間偶病時症。醫治未愈。漸變勞蒸。延至二月餘。病益重。以重金聘津醫某。服藥無少效。訪余至時已危。問其病象。則云初病時。但覺發熱。能食善饑。心中了了。至今更覺周身緊縮。舌唇外腎肢體。均日見其縮小。頭如故。余細視之。捲臥如十三四歲之兒童。皮肉乾枯。目神灼灼。聲音高亮。精神粲然。脈約七八至而浮弦。余驚愕莫知所云。此蓋爲火炎熱灼。筋骨被煉而縮耶。問前服何藥。彼云因素日斷喪虧腎。凡八味地黃丸。六味丸。紅色補丸。保腎丸。補腦汁。自來血等。爲常服者。因愈信爲邪火燔燒。筋縮肌枯也。此

等病情。自毫無生機可言。顧其精神未敗。故去死期尙遠耳。余欲觀其終結如何。乃商得病家同意。每至三日。余必往觀一次。往凡八次。見病者玉柱方倒。而精神依然未盡滅。胃亦未絕。但躁擾加甚。肢體之縮更加。外腎亦所餘僅容指。舌已不能言。口亦縮小。自此余必日一往。又四日氣方絕。外腎全無。口耳縮捲。肢體若十餘歲之兒。頭仍如舊。正如被火焚死狀。吁可慘矣。此爲癸亥年事。嗚呼世之縱慾而恃培補者。可以悟矣。

又一人因體弱。友人命其常服自來血、紅色補丸、魚肝油等。未及半年。病狀蜂起。漸至飲多食少。口中無津。多粘稠涎液。舌苔黃厚。氣短無神。腹疼而板脹。脈洪弦浮長。而焦赤。此蓋素虧於陰。又久服興奮

劫陰之藥。火鬱陽結。臟腑焦躁。壯火則食氣。火盛而風生。故有此種種證脈。風大且能化蟲。蟠蝮腸胃。所以更有時有肉戰腹疼之症。証寔火盛。理宜涼瀉。然脈躁急浮弦。肌削面焦。苦寒之藥。非所宜用。蓋苦大則化燥而傷血。治宜鹹寒消火。氣壯後。再治其蟲。以上數則爲

資研究故錄之。如將余歷來所見。服東西成藥而受害者。盡收無遺。恐加倍全書之篇幅。亦容從不下也。吁可怖哉。

### 記濕熱下注之奇病

癸亥五月回家省墓後。卽往五蓮山。訪智良和尚。盤桓數日始別。下山後貪玩山景。信步西行。渡山澗。卽九仙山。峯壑櫛比。雉兔成羣。景物略遜於五蓮。周圍約六七十里。山東坡有避兵之石圍。山之大小石峯。曰瞭天閣。大石。二人石。二人石前後立。一昂首望天。一面南立。寺

宇亦巍峨。山石間盡植松箬。從寺西北行。翻越數嶺。抵山神廟。廟東南不及百步。一澗橫陳。圍約數百步。作不規則之圓形。東西南三面峭壁。深約二十丈。環抱成峽。口向東北。南崖較高。一水從上直注澗底。如銀練倒掛。東崖一石探出。曰志心石。上鐫孝子回車。言峭壁深險。人子不宜涉履也。據石下視。則景物歷歷。但見水花如銀。沸激數尺。是爲白龍潭。潭水湍回。東北流。入峽口石洞中。洞爲三巨石覆壓而成。其中水深數尺。人伏行可入。曰龍門。過龍門。澗勢又展。水流出峽。再積爲潭。圍約百步。橢圓形。水深色黑。故曰黑龍潭。潭水東流十餘里。卽濛溪村之南河。山洪暴發。往往溢現奇魚。從黑龍潭東北行。穿山越嶺。不知幾許里。至一山村。茅屋籬落。十數人家。甫至村口。驟

聞慘號聲。驚心震耳。欲尋聲往覘。憚於猙獰之犬。逡巡至村後。適有老者蹀躞路旁。趨前訪詢。據云。村有王某者。首富也。幼喪母。備受後母陵虐。年前伊父及繼母相繼逝。遺幼子二。一六歲。一十歲。少小失母。以爲兄嫂伏翼。差勝漂零。豈知兄嫂豺狼也。別具心肝。久欲得而甘心。二子既不幸墜彼掌握。備遭揉殘。食半器。衣破絮。日驅力作。鞭楚頻加。夜拳宿草塚。饑竊食糟粕。骨軟筋弱。何堪淫刑。於是日見憔悴。命如游絲。有憐而給恤者。必遭詆辱。親故干涉不顧也。去今未二旬。二雛慘斃。小者斃於狗洞。大者死於猪圈。二子死未數日。男女亦同罹病。初時以爲偶爾感冒。豈知即惡報惠臨。聞男之生殖器。初時紅腫。漸長及尺。粗如茶杯。終日流血。女從生殖器內生一肉棒。約三

寸。端如蜂房。長數寸。皆疼如火燎。且周身斑塊隱隱。有時痛如杖擊。日夜不得臥。不敢動。動則疼劇。便溺爲艱。食反兼進。至今數十餘日。日漸轉甚。余聞此奇病。急欲一闕眼界。煩老者帶引。見男女裸坐。體無寸縷。令其衣遮。云着衣疼劇。近視手足遍生紫血泡。云較他處尤疼。時須就燈火烘燒。疼始少減。其脈皆洪弦。而三五不調。蓋濕熱瘀血也。手足喜火。卽鬱血得熱暫行之徵也。診畢退出。已夕陽掛樹。炊烟縷縷。歸途未半。夜色蒼茫。捫行山谷中。風嘯狼嗥。踉蹌狂奔。心急路遲。夜半始抵家。周身汗淋如洗。後聞彼男女至七月餘日。下部潰爛而死。事慘病奇。是不得不記。按此二人蓋同受一種病菌。女者病名爲陰挺。男者爲不常見之病。苟以清濕熱。行鬱血之藥。未是不可。

有爲。當時一劉姓醫。與服八味地黃湯。八珍湯等方。致其病有進無已。

產後服辛熱藥之變症

一婦產後惡漏久不止。數醫皆治以清補無效。更請吾鄉冒充名醫後嗣某。力主十全大補湯。重用桂附。此婦體質所稟素厚。然不問體質強弱。新產陰虛。能再劫其陰乎。稍見溫燥。卽恐傷陰。況以桂附之大溫大燥乎。其陰未竭。亦云幸矣。展轉衽席數十日。惡漏雖止。而增腹疼。胸悶。頭昏。心煩。心跳。更自覺腹中一股冷氣。自丹田上至咽喉。呼吸之氣。吐出之痰皆冷。乃謂虛寒極矣。此非大溫大補不可。桂附用之七八錢。症愈增。冷氣亦愈甚。統觀其症。本是陰虛陽盛。若以養

人身體溫有一  
定之分度偏盛  
低減則為病若  
腦中溫度低減  
至感覺上發現  
冷象試其其人  
尙能生存乎

大承氣湯下桂  
附之毒在此時  
機勢已重大誠  
非他藥所能及  
然使非確能見  
得到亦弗敢孟  
浪冒險也

陰調氣血藥。數服可愈。既與溫補助其陽。而陰愈虧。陽氣上逆。故頭昏心煩心跳。腹中之氣已熱極。不受此熱氣之處。故覺其冷。但非真冷。乃熱極反冷之變象也。豈有腹中氣冷。尙能生活數旬之理哉。不知脈。更不知症。其爲無學無識可知。脈微數而長。左寸關弦而有力。尺沈滑。右寸關稍和軟。尺洪滑。與大承氣湯。一服不應。再服大下黑糞四五次。後以甘寒養陰而愈。

### 產後頭面叢生氣核

一婦孕六月。偶犯宿病。服破氣血之藥。致咯血。胸刺疼。脇脹。氣促。咳嗽。脈長弦大而無力。與益氣調血之藥。七日愈。命多服數劑以防後患。不聽產甫數日。忽頭及頸。生數氣核。高而不變色。按之方疼。一生



右頰。一生右耳後。一生左眼眉稜骨。一生頸。眉稜骨之核。忽軟而疼。他處亦有時疼。延西醫將眉骨之核割破。出膿一小杯。瘡口如桃核。一日用水洗數次。至產後十餘日。症如故。一日西醫洗時所用之水微冷。患者感受寒氣。當時即覺惡寒。至夜寒熱大作。頭疼身痛。胸膈疼。呼吸肩胛痛。神昏譫語。面部俱腫。次日請余診。左右脈浮弦長大。且勁急。沈取有乳象。險証險脈。余告以無治。即微倖得活。亦須時日。以人葠錢二生薑錢三生地錢三丹皮錢三枸杞錢二炒梔分五清寧片分三桂枝尖分一香附錢五命日三服。明日病大退。三日後病悉減。乃減去梔子清寧片香附丹皮。加橘紅山甲尾當歸竹茹。囑服十餘劑後再議。不意病人欲急效。此方未數服。改請他醫。未終劑病復重。急煩人復邀。視

其神情已至危境。勉以歸著湯。加甘寒治之。數服微減輕。但夜熱甚。數日後。其戚慙。再改用西醫。服藥數次。忽昏厥不醒人事。牙關亦緊。又請余。急與黑錫丹三分。鹽水沖下。三服神清。診其脈左右浮取不應。左手沈取弦大。右沈取較小。而弦長。幸俱有根。沈弦寒象。產後加以外瘡被割。氣血俱傷。弦脈乃是敗象。內證熱氣上衝。煩燥。又是敗象。仍以甘平藥調之。方用人蔘、蒼朮、地黃、鮮薑皮、元參、龜板、鼈甲、龍骨、澤蘭、桂枝、琥珀、陳皮。計服此等方至數十劑。始漸痊可。按兩虧證。脈忌弦大。證忌煩燥。煩屬心。躁屬腎。心腎之陰絕。則煩躁。故爲敗象也。

### 肝燥救誤

一婦年五十歲。自二十歲而寡。後得肝氣症。因吸煙亦不愈。諸醫作肝氣治。時愈時犯。及辛酉七月。忽氣上衝。舌苔黃厚。漸而黑刺簇簇然。約菲葉之寬。燥而無津。耳目鼻中。均燥如出火。不能食。小便忽多忽少。大便乾燥。或紅或黑。諸醫仍作肝氣治。用苦寒燥烈破氣之藥。而病更甚。一醫言下寒。而用黑錫丹。二服覺熱氣上衝。幾於不救。乃延余治。用龍力潛衝飲二十餘服而全愈。診其右脈。長上魚際而虛。左脈亦長。而左尺尤長而洪數。此乃陰虛而腎氣上衝也。即所爲龍雷之火也。按此症蓋因少年寡居。鬱而不洩。肝腎之陰已傷。諸醫又久用苦燥。故陰傷而氣亦傷。年老氣衰。不能自制。於是上逆而爲諸熱象也。養其肝腎之陰。諸病自愈矣。

龍力潛衝飲

生地五錢 生石膏八錢 寒水石五錢 知母三錢 黃栢錢五分 生

杭芍三錢 丹皮三錢 牡蠣八錢 車前子三錢 鼈甲八錢 龜板六

錢 石決明五錢 龍齒八錢

血結胸 附熱入血室病治法

一婦人當經水適斷後。發熱惡寒。譫語如狂。數日後。又增胸中疼。身體重墜。轉側艱難。吾鄉名醫某。視以爲胃家實。疏大劑調胃承氣湯。欲下之。其他醫則以爲瘋邪陷入心包。或謂虛陽上逆。病家初時因調胃承氣之猛烈。始易醫質證。醫凡三易。而其說皆不同。疑此懼彼。益無所從。復招余。診察六脈。不浮不沈。徐疾不調。而洪弦。舌苔黃厚。

醫門作家雜  
學說紛歧者  
各是其是  
論斷何能一律

復按種種。始決其爲熱入血室。延久失治。致邪逆心包。而成爲血結胸病。大凡婦人傷寒。當經水適來。或適斷。邪將乘虛陷入血室。見傷寒少但熱入血室病。與正傷寒不同。不能以治傷寒常法治之。故仲景直接以小柴胡湯。提出所陷入血室之熱邪。方內參棗扶胃氣。以衝脈屬於陽明也。然此以體質偏虛者爲宜。若邪熱陷入血室。而與血相結者。則宜小柴胡湯。去參棗。加生地、桃仁、查肉、丹皮。或加犀角。或不用犀角。而用升麻。若少陽本經血結自甚者。必少腹滿疼。輕者刺期門穴。重者小柴胡去甘藥。加延胡歸尾、桃仁、挾寒加桂心。氣滯加香附、陳皮、枳殼等。至於譫語現象。固須防是陽明胃實。然胃實與血結胸二者治法懸殊。是不可不留心細辨。今觀其現證。實顯然非爲

胃實。其所以非胃實之點。即惟其爲血結。故身體重墜。非若陽明胃  
寔之輕旋便捷。蓋血有形而性濁。血既鬱結。則必阻遏脈絡。氣因之  
流通不利。氣血之於人身猶如電流之於機械。電流發生障礙。機械  
即失其原動力。所以身側連胸背。皆拘束不靈。而轉側難。且血結則  
絡脈閉而不通。故胸中疼。此亦適與陽明胃實不同也。此病治法。王  
海藏以桂枝紅花湯。加海蛤桃仁。取上下表裏齊解之意。極爲精善  
可用。

又婦人病。醫者不與正治。而誤用熱藥。或下藥。攻開其月經。血見旋  
止。邪氣則必乘虛侵入血室。此亦爲熱入血室病。治法仍須行血。或  
月經自來方愈。

又傷寒溫病瘟疫感冒邪未解。更見吐血、衄血、下血等症。血止而邪熱未退者。亦同熱入血室症。下血宜小柴。加生地丹皮桃仁。吐血衄血宜桃仁丹皮入犀角地黃湯。

### 赤胸傷寒潰爛治法

一婦西醫留學生也。歸國後。頗受社會歡迎。辛酉春。偶病發熱惡寒頭疼。兼胸部紅腫。越日服安替派林病愈。而腫未消。初不經意。漸至潰爛如蜂房。流黃白粘液。時疼癢。自恃術精。遍施諸法。數月不但無效。且更漫延兩乳及項下。歷謁諸名醫。亦無效。遂問治於余。診之脈浮數。証之其初之病象。知爲赤胸傷寒。因治非其法。遂致由腫而潰。今病已數月。氣血損傷已甚。剛烈藥品。勢不能任受。令以鮮馬齒莧

胸部因皮內淺  
薄不能施行外  
科手術西醫殺  
科藥又多重殺  
菌故治此等偏  
虛久病荷未精  
妙勝任

甜酒科即本地  
土產之鮮生地  
苗葉根全用

十斤。鮮甜酒科代根十斤。洗淨榨取自然汁。濾淨去渣。用砂鍋放微火上熬膏。每日早晚午暮四時。用白水沖服一羹匙。再敷於患處。外用白淨布貼之。每日一換。換時須用食鹽一撮。礶砂五分。放沸水內。以新棉花蘸水洗淨。此方名清養流膏。爲余經驗之秘方。法雖簡而功大。凡屬火性之惡瘡。無論年久日深。皆應手奇效。按馬齒莧味酸甘。氣寒。其功能則殺蟲生血液。消血毒。甜酒科味苦甘。氣涼。潤燥。生血液。解血毒。皆有消除血液中炭酸氣廢濁質之特性。

### 冬瘟鼻衄

一人辛酉十月病瘟。余初診時。六脈浮洪而長。頭疼、身疼、發熱、自汗如雨。余用消瘟敗毒湯。以石膏爲君。而以生地、犀角、川連、苦寒等藥



佐之。一服後熱稍退。汗稍減。次日再診。脈忽變弦細而沈。惟兩寸猶浮而細長。余曰此熱入血分之象也。細問之。據云素有鼻衄症。今早又犯矣。余曰熱逼血分。故衄也。遲愈數日無妨也。乃另立方。旋聞有夜熱譫語之現象。此雖與婦人熱入血室。夜熱譫語之症不同。而其爲熱邪乘虛而入則一也。或謂素日卽有鼻衄。此時再犯。何足爲病。余曰婦人經水月月見之。及病經忽止。卽變夜熱譫語。熱入血室之病。况鼻衄者。傷陰之病也。素日有此病。素日卽傷陰也。一遇時症而犯。則邪氣乘虛而入。是傷陰之中。又傷陰。較熱入血室。尤重數倍。其治法一升一降之不同。而其歸重血分則一也。此關醫理醫律。不可紐於俗見。而置之不問。故用生地、牡蠣、生鼈甲、龜膠、阿膠、生杭芍、丹

皮酸棗仁等。一派甘寒養陰之加。藥薑炭三分。又加大便不尅化。加蒼朮炭一錢。一劑而汗止熱退。再服而便寔。乃去薑炭蒼朮炭。易白芍一錢。調理五劑而愈。

### 氣疝

一人出門訪友。忽欲小便。而苦無僻處。於是強忍至友處。始得暢灑。溺畢忽作強烈之噤戰。當時漫不經意。越日立起時。忽覺小腹有氣下墜。但臥則烏有。素日慾性雖強。而無狹邪遊。體頗壯。亦無他病。脈象浮躁而長。舌胎微黃。此屬寒熱積壓而成之氣疝。何以成之。蓋當小便後。竅道空啟。風邪潛入。竅道何以空啟。此乃膀胱或精室適有邪熱。竅道受熱氣之蒸發而開啟也。譬如室內熱度甚高。乍一開門。

小便後嗜戰即  
腹腔空虛容受  
外邪之機會成

內之熱。外之寒。同行猛烈的交換。若室中熱度低。卽交換。亦不甚急。今之所謂風從竅道潛入。或以爲妄言也。豈知此亦有說在焉。傷寒論有陰陽易一病。女子病溫。男子與之交。女之病邪。乃從竅道侵入男身。蓋病邪乘洩精後之虛。而侵入也。女子有陰吹病。從陰中出氣也。與夫花柳之傳染。瘟疫之感受。常事也。其立則下墜。臥則烏有。乃邪氣入後。精室或膀胱不容其留戀。逼入經絡。起立時。體內正氣充塞。蓄邪之處。因壓迫而狹小。故邪聚而體量大更加正氣之迫逼。故下墜。體臥則經絡寬泛。邪漫散而消沒。疝有七種。氣疝其一。但書之所謂氣疝。係發生於肝氣。故痛。或挈丸腫。此之氣疝。乃從竅道入。此一股些須之氣。故不疼而不腫。

## 化氣飲

橘核三錢搗 蘇葉五分 鹽炒川練子三錢搗 紫石英三錢搗 鹽

炒澤瀉三錢 杭芍三錢 鹽炒秦皮二錢 豆腐製松香一分 元胡

索二錢搗 生甘草三錢 水煎服

女子經期早停有屬於生理之變化而非病者

女子二七天癸至。月事以時下。至七七則絕。是爲生理之常。有一生

不至者。有一年或一季一至者。有早至遲至者。有逾七七猶有。應止不止

或致滲漏傷身辨別原因以法治之 不及七七即無者。是爲生理之變。嘗有因天癸早

絕。醫者不察。妄施攻補。而傷其身者。

一婦三十餘。月經不潮。耳鳴食少煩滿外。別無所苦。初以爲妊也。安

胎之藥迴嘗久之寂然。經亦不見。於是惶恐惴惴。以為乾血癆也。中

西莫適。攻補亂投。治之既久。不但經血渺然。精神亦日漸不支。俱氣血

煩惋好悲。現象喉中痰塊吐之不出。嚥之不下。虛熱炎上寅卯汗出。

虛日脯潮熱。陰虛前非癆今診其脈沈弦而長。沈者氣鬱。婦人好氣

弦者痰結。痰生長為熱象。按此婦形焦體瘦。臟腑之素偏於燥可知。

加以食物既少。血液之生發不多。全體生活所需之血液。必已不能

得充其量之供給。更何能賸餘而灌注血室。為卵胞之生謝作用耶。

故不待七七之期。血室中已自然停止。卵胞之生產。而月事不行。此

月事之停止。正所以維持其生活之延長。醫者不知。尚欲強制其復

來。致傷其氣血津液。本非癆而癆成。但病勢淺。脈象不致尚有可為。治以

柔潤有情之品。和其鬱。養其陰陽。有時加入甘溫。有時少增苦寒。遂漸強健。病象亦全退。而月事則始終無有矣。

### 三甲養榮湯加減

鮮生地五錢 大生地三錢 地骨皮三錢 元參三錢 天冬二錢 石斛三錢 龜甲四錢 龜板四錢 牡蠣四錢 龍骨五錢 貝母二錢

### 楊梅淋濁諸毒經驗有效治法

此症無論中西醫。多用輕粉等劫藥。取其容易見功。不問病者利害。將毒升發從口內吐涎而出。必留餘毒流入骨髓。日後每成廢人。遺害後嗣。今盡將此症萬全治法。合盤托出。輕而易舉。簡而易明。照書取用。無需更張。內服方殺菌大小敗毒散之外。更有一二三煎丸。澄

濁通毒丸加減八寶丹黃參水六方爲從家大人蘭台指正書中收入者。用時隨意。

### 秘方殺菌大小敗毒散

治楊梅惡毒淋濁下疳魚口便毒疝氣偏墜翠丸腫痛生殖器潰爛見骨天泡攻鼻塌陷梅瘡遍身聲啞發熱頭疼骨疼無論男女按法服之。毒深者連服四日。休息數日再服。以愈爲度。宗山因鑒染患梅毒者。本身痛苦。遺害妻子。波及無辜。爲禍社會甚烈。故苦心研究。參以化學生理。數年苦功。得此不傳妙法。屢試神效。切勿輕視。

此二方無輕粉之劫藥。病愈永無後患。蜈蚣蝦蟇全蠍去毒之

品而無毒。有益無損。放心服用。

蝦蟇有去皮烹食者、全蝎更爲藥品、余最喜食之、

服藥後毒從大小便瀉出。并無痛苦。如覺瀉後毒盡身軟。可以用麵湯或米粥補之。或用西洋參七八分煎湯服。好治遊及娼妓。即無毒常服小敗毒散預防。無論如何最大梅毒。皆不能傳染。

中西醫治梅毒方藥甚多。求其確有效驗。毫無流弊者。實不多得。西藥之六零六九一四。雖可立時奏效。但注射後。過若干時間。梅毒仍有復發之機。且患者如當時有發熱、身疼、頭疼、等病象。尙有不能即予注射之禁忌。愚謂發熱、頭疼、身疼、原爲毒素發達所致。病者方急於求愈而注射。醫者必命俟毫無發熱等



外象方可。或有因延緩而喪其身者。注射手術粗鄙，更有發生危險之可能。殺菌敗毒散則百無禁忌。無論何人隨意購服。簡便穩當。費錢少而收效大。服殺菌敗毒散。再注射六零六九一四。注射後再服殺菌敗毒散。效力更速。

淨銀花三錢 淨連翹三錢 川軍三錢 淨蟬退三錢 草河車三錢

地丁四錢 口防風二錢 龍膽草三錢 蒲公英三錢 木鼈子三錢

製土貝三錢 元明粉二錢 甘草稍三錢 水煎空心溫服小敗毒

散先一日用

錦紋真川軍四錢 殭蠶三十六個 山甲三錢 蜈蚣三條 全蝎七

個 雙花三錢 靈脂三錢 炒杏仁二錢 皂角子仁三錢 蛤蟆二

去皮尖 研

的要炒甘草二錢 乳沒四錢 生薑二片爲引。水煎空心溫服。大敗

毒散次日用。此二方須前後間服。體壯者連服無妨。體弱者服二日休息數日。再按先後服之。

忌牛羊肉、雞、鵠、魚腥、油膩、葱、韭、蒜、一切生冷發物。

### 青茶散

外敷魚口便毒、輕性病。

青黛二兩 細茶葉熬水調爲糊。厚敷患處。隨乾隨敷。

### 桂黃散

外敷魚口便毒、重性病。

南星二錢 白芷三錢 玉金三錢 桂枝二錢 大黃三錢 黃柏二錢

共爲細末。火酒調擦。乾則再上。

圍堆縮毒散

治魚口便毒。及諸瘡腫毒。初起從四周圍之。毒卽堆聚。不向外蔓延。

五倍子二兩 白芨二兩 白欬二兩 赤小豆一兩五錢 芙蓉葉二

兩 白礬三錢 兔絲子一兩五錢 乳沒一兩 共爲極細末雞子青

調糊。圍敷周圍。乾卽換易。

一煎丸 關台指  
正方

治楊梅諸毒。重者用一煎丸。連服二煎丸。輕者用二煎丸。以三煎丸收功。以愈爲度。

白殭蠶三錢 蟬退二錢 猪牙皂角三錢 皂角子七分 生甘草二

錢 生川軍三錢 穿山甲尾三錢 炙土茯苓一兩

水酒煎服。腹響即往高阜處大便。便後用土埋之。否則傳染。

重者服此。氣壯者。大便後再服一劑。

忌食雞魚葱韭蒜一切腥冷牛羊肉

### 二煎丸

蘭台指  
正方

當歸二錢 赤芍三錢 防風二錢 銀花三錢 花粉三錢 川連一錢

犀角五分 木通一錢 甘草一錢 猪脂油五錢此味換麻仁一兩亦可 酒軍三錢

水酒煎。忌同上。輕者服此。

### 三煎丸

蘭台指  
正方

當歸二錢 川連五分 羌活五分 白蒺藜三錢 防風一錢 首烏三

錢 猪脂油四錢 九蒸大黃一錢

水煎服。忌同上。以此方病後調理。

澄濁通毒丸

蘭台指  
正方

治五種淋症。傳染熱毒。白濁、遺精、疼痛不止。醫或以澀藥止之。久久不愈。或預防傳染。楊梅結毒。潰爛疼痛。兼治大小便不通。及熱疝。便毒。夢遺滑精。白濁。大便泄瀉等症。兼服礞石滾痰丸。與子龍丸均奇效。

鹽炒黃栢一兩 芒硝炒知母一兩 川軍二兩人中白 黑白丑二兩

生熟 川棟子三兩 炒橘核二兩 炒檳榔五錢 連翹二錢 共為細

各半

末。每服二錢。溫水下。

二便不通。用柴胡一錢煎水下。

忌菲菜茴香。

加減八寶丹

開台指  
正力

楊梅毒發。生殖器破爛。用此撒之。乾則香油調擦。

西牛黃

二分  
或減半

珍珠粉

四分  
或減半

琥珀

四分

冰片

二分

乳石

九分

白石脂

四分

蘆甘石

二錢  
用黃連一兩  
同煮水乾去黃連不用

外搽。如咽中熱疼。水沖服一錢。

黃參水

開台指  
正方

楊梅諸毒破爛。先用此洗。再搽上藥。

皮硝

黃栢

苦參

甘草

淨花

蘇葉

礬砂

食鹽

川軍

馬齒莧

川椒

乳沒

煎水洗之

### 萬應靈霜丸

此方爲宗山經驗方。治楊梅、便毒、魚口、下疳、遍身流注、諸漏、惡瘡、無名腫毒、穿鼻、落骨、結毒、頑瘡、蝕毀皮肉、骨出、多年楊梅風、手足不能屈伸、漏蹄、流注穿破、日久不愈、腎囊風濕、抓破潰膿、風毒血熱、遍身紅腫、或生疥瘡、癩疽、發背、對口、鎖口、乳岩、腦花、鼻口生瘡、女子生殖器內外結毒、咽喉腫疼、單雙喉蛾、骨節痛疼、胃口疼、痰厥、中氣、中瘴、癩狂、羊角風。

西牛黃一錢 粉霜三錢 歸尾五錢 白芷稍五錢 小丁香五錢

乳香六錢 沒藥六錢 明雄五錢 硃砂五錢 槐米五錢 射香

二分 靈藥五分

共研極細末。老米糊爲丸。如蘿葡子大。隨病輕重。每次自五丸多至二十丸。小兒一二丸至三四丸。隨症加引更效。

外敷用火酒研調。

忌油腥、生冷、葷、蒜、發物、過飽、房事。

### 粉霜製煉法

水銀一兩 青鹽一兩 火硝一兩 白礬一兩 綠礬五錢 共研至不見水銀星爲度。放入小鐵鍋內。白磁盤扣蓋。用生熟石膏醋和



封固。木炭火燒煉三炷香時。先用文火。火小再用武火。火大三炷香後。取下晾涼揭開。藥升於盥內。白色者爲佳。刮下即是粉霜。紅黃色則不可用。

### 靈藥升煉法

人言三錢 土硫黃三錢 共爲末。照上法。文武火煉四炷香時。如琥珀色。刮下爲靈藥。別色不堪用。

### 搜毒飲

治梅毒愈後。留毒未盡。不時發作者。

鳳仙花一科 紹興茶二錢 核桃一個 小棗七枚 黑芝麻三撮 研

水酒各半煎服取汗。所用衣被須折洗。方可再用。以防傳染。

消毒雙解飲

治楊梅、濁毒。使從皮膚表出。以上數方。已足應用。姑錄此方。以備一格。

麻黃二錢炒 威靈仙二錢 川軍三錢炒 川羌一錢五分 白芷一錢五分 皂刺三錢 銀花三錢 山甲三錢 蟬退三錢 防風二錢 川連二錢 山樞一錢五分 赤苓三錢 旱蓮草三錢 馬齒莧三錢 山羊肉煮湯同黃酒煎服。食羊肉飽後服藥。取微汗。衣被折洗再用。

對口疽 附案一則

對口生於脊大椎骨上中央。屬督脈與太陽經。前對口舌。內連咽喉。

上通頭腦。地處要害。瘡眼多者爲對口花。頭平或色黑者。名對口疽。頭尖極癢者。名對口疔。紅腫稍大者。名對口瘡。名因形立。治法相通。凡十餘日內成膿者易治。不成膿而似一包破絮者難治。

林屋山人外科  
全生集以瘡爲  
陽症屬熱疽爲  
陰症屬寒蓋以  
陰陽作寒熱解  
也

按林屋山人以疽爲陰寒凝結而成。概主以陽和湯。徐靈胎之洞溪醫案中。項疽一症則云。諸痛癢瘡皆屬於火。膿流血腐皆傷於陰。血脈也。凡屬外證。總以清火養陰。而兼用開胃健脾之藥。……又治陰證對口云。症雖屬陰。亦不可妄用熱藥。以增邪火。惟和血通氣。以使榮衛充盈。至血中一點真陽透出。則陰邪自退。若用熱藥。則反助毒火。而絕其生機。故治外科之陰證。非若傷寒之陰證。爲外感寒邪。可以專用桂附等藥以驅之。……又治疽發背云。此乃火毒。用熱藥必

死。與托毒清火之劑。而膿成口欬云云。林屋山人精擅外科。徐靈胎亦稱能手。其治陰疽一症。一則用熱藥。一則主清涼。二者持論之不同如此。將孰者是耶。宗山淺陋。不敢妄斷。第就管見所及者。則以爲癰疽者。瘡毒之名也。大凡瘡毒之成立。各有其成立之分子與原理。分子之屬於熱者。縱爲疽亦爲熱證。成分偏寒者。雖爲癰則證寒。而寒熱判於證據。治法則不可徒執外形。如下案所云形固爲疽。而其體質則素偏陽盛。且肝旺血虧。今因情鬱氣結而成此病。脈證無一非火。以陽和湯之熱藥治火證。徒益助其毒勢之熾耳。安有治效之可言。是故方有成方。病無成病。醫者持方以愈病。非可持病以撞方。所謂用古人之方則可。用於古人之方則不可也。

丙寅夏關香岩孝廉夫人患對口疽。初起如豆許。麻木心煩。二日後大如酒杯。紫根頭黑而平。延吾鄉名醫某。與服陽和湯原方。日二服。數服後。瘡毒大痛。醫家病家交相慶幸。以爲知痛則無危險矣。益放膽加重服之。孰知甫及四劑。痛勢轉緊。竟至痛極昏迷。絕粒嘔惡。改請他醫。辭不治。乃招余以決死期。診其脈數至八至。勁實而長。短不細請他醫辭不治。乃招余以決死期。診其脈數至八至。勁實而長。短不細

有生

而濁紫而浮脹。

不灰敗生機即未絕

唇焦氣促。嘔惡不瀉。神昏。身大熱。不厥

逆亦爲有生機

舌苔焦黃而有根。胃氣未絕

呼氣熱而炙手。鼻孔糜爛而紅。瘡口

黑陷。按之隨出些許紅白稠膿。瘡口中并插有藥條。

他藥也

瘡周色紫

而明亮。當時急將藥條拔去。用滅菌水洗淨。而滲以紫香丹。內服活絡排毒湯醒消丸。二服後清醒。改方痛止。後以甘平養血收功。

活絡排毒湯

川羌二錢 獨活二錢 蘇葉二錢 山甲珠三錢 川連錢五分 黃柏

錢五分 枯苓二錢 丹皮三錢 枯草三錢 川練子三錢 皂刺三錢

白芥子錢五分 川貝母三錢 草稍三錢 煎冲醒消丸

紫香丹

青粉錢 紅粉六分 乳香二錢 沒藥錢五分 血竭五分 梅片二分

元寸一分 生南星錢 川椒錢

研細乾滲或香油調敷

背花附案一則

瘡毒多由內外特殊毒質構成。毒淺者皮膚肌內腐壞易治。毒深者

經絡受病。內連藏府。危險難治。背花生於脊背。藏府皆係於背。故較他瘡尤惡。初起如粟大。卽有膿頭。氣血盛者有膿且稠多。破後有爛肉。知疼癢。飲食二便如常。四周無烏黑肉。尙可救活。氣血衰。毒易內陷。死亡極速。

樊紀周太史國體變更後。卽隱娛山林。閒花野草。逸致非凡。春秋雖高。體質頗壯盛。飲啖素豪。尤嗜野味。食必盡器。壬戌仲冬。余應其戚王氏招。卽蒙以其所嗜者餽余。烹調盡法。味醇香濃。余食而甘之。越時胃覺不適。蓋余平日食極粗淡。嘗三年不知肉味。今驟進多量。養質不充。成分不潔之野味。宜其胃力不勝。消化遲鈍也。及晤樊翁。余卽以淡食衛生法。反覆說明。并云野物食料不純。難免含毒。蓋野物

偶食毒物。其體內即含毒素。人誤食之。氣血即受壓迫。日少雖不甚覺。時久毒積。爲害滋深。此養生者不可不慮也。此公額之而未信也。至次年秋。王宅復招余。便道謁候。詢所嗜者如舊。食量未減。體壯遜前。面色灰紫而濁。精神昏渾而弱。知其病根已結矣。第余未便捉空妄諫。不意晤後未及一月。其毒果發。時余尚在王宅未行。使王病早愈。余走已久。縱延招急急。恐亦不濟。今得從容施救。非偶然也。

某日中飯後。樊翁携其幼孫郊外閒步。忽覺體寒不禁。急返宅加衣。寒雖少止。又覺心中麻亂。體熱頭重。食仁丹痧藥等。神略安而寐。初以爲不過偶感穢氣。仁丹痧藥已解祛之矣。及至醒後。背奇癢。手觸之則疼徹心肺。視之當後心處。起一小疙瘡如粒米。四周灰紫。中央



微白。衆不知爲極毒。亦未經意。至夜半毒漸大如覆酒杯。痛甚。大熱惡寒。頭重心亂。其家人心慌無措。急延本村瘍醫至。本人不知也。敷藥立方而去。及藥具奉進。病者始詢知而擯斥之。并急命騎接余至云。悔不聽去歲明論。恣貪口腹。致罹此厄。願君救之。言顛聲洪。精神雖昏而未陷敗。診其脈亦有神而數長。舌灰唇紫。顴紅而濁。毒大如小茶杯。當即取淨水洗去敷藥視之。周圍色紫而不鮮活。頂有黑斑。白頭不甚大而有膿。微癢而痛甚。飲食不多。小便黃赤短數。腹脹滿。有時乾嘔。大便乾結。口苦乾。此固明知爲多食含毒之肉。質積久毒發於背年逾花甲。氣血漸衰。所幸未經延誤。現象良多惡少。故可挽回。第以症險勢烈。非朝夕易方不爲功。余因移住病房外間。時刻診

察。當時與立驅菌改血丹。日三服。兼少服醒消丸。外以滅菌水藥棉蘸洗。日九次。洗已腹用吸毒膏蓋之。以減輕毒勢。而衛護生活原素。服藥甚效。毒漸減小。因已有膿。故改用養血助氣排毒外行。仍以滅菌水頻洗。待膿出毒盡。外用生肌。或須少用去腐藥。生肌收口。按法施治至十日。將次收功。不意病者因痛苦全除。精神漸壯。視余不在。潛至院中少坐。時當仲秋。金風剛勁。加以瘡口早去膏藥。易扎綑布。外風遂易穿侵。坐移時。頓覺身熱頭痛。急回房即神昏譫語。瘡口黑陷。脈搏散亂。而紅氣粗。手足擾動。遣人四出尋余歸。余初不知其曾外出也。驟覩險狀。以爲症變絕境。頓足驚歎。束手惋惜。繼審侍者。方知出房冒風致此。急撮和血祛風散投之。微汗得生。但經此波折。益

重費余腦汁不少矣。計前後越時月餘。始完全收功。內外諸方不下七十紙。今將主方錄抄於下。

附外科中關於現象善惡之辨別。如飲食如常聲音朗。知疼膿稠色白黃。不吐不瀉皆爲吉。症雖危險亦無妨。言語澁兮疼不知。吐瀉曠惡不思食。聲音不亮腹臌脹。麻木不癢黑肉皮。毒散不聚流清水。或有膿兮如鮭汁。穿頭無膿鮮血流。症險毒惡勢急矣。總之胃氣未敗。正氣未陷者易治。否則難痊也。

### 驅菌改血丹

山甲珠 三錢 甘草節 二錢 白芷稍 錢五分 皂刺 三錢 乳香 錢五分

分 沒藥 錢五分 紫草 錢五分 草河車 三錢 馬齒莧 三錢 粉丹皮

三錢 淨銀花三錢 鮮生地三錢 川連一錢 連翹二錢

### 滅菌水

防風二錢 蒼朮二錢 白芷錢五分 紫草錢五分 茜根錢五分 川椒紅一

錢 馬齒莧二錢 獨活錢五分 蘇葉錢五分 桃葉一握 槐葉一握 桑葉

二錢 銀花二錢 荆芥錢五分 沒藥二錢 乳香二錢 蓼花錢許 黃栢

酌加 川連酌加

煎水另入食鹽硼酸各錢許熏洗

### 隔皮取毒膏

黃連三錢 黃柏三錢 黃芩三錢 木鼈子三錢 元參三錢 杏仁三

百粒去尖皮 草麻子三百粒去皮搗 馬前子二錢 香油八兩 熬藥枯去渣入

漳丹三兩 輕粉二錢 豬膽三個加入苦膽其色即赤故亦可名為硃砂拔膿膏

### 和血祛風散

杭芍三錢 丹皮二錢 菊花三錢 防風錢五分 滑石三錢 杏仁二錢炒

生石膏二錢研 洋參錢五分 天冬三錢 川芎一錢 石斛三錢

### 養正排毒丹

生黃耆三錢 大台參三錢 茜根錢五分 赤小豆三錢炒研 白芥子錢五分炒研

山甲珠二錢 白芷稍八分 皂刺二錢 馬齒莧二錢 草河車三錢

沒藥錢五分 乳藥錢五分

### 飲食

人賴飲食以生活。須知人有個體個性之不同。飲食亦各有其功能。

與性質。此人食此等物。可以增進身體之發達。活潑精神之快感。彼人食之。反有害生機。滋生疾病。是以爲身命之安適。要不可不審慎。飲食之宜忌。徒食一時之口慾。必貽無形之痛苦。所謂病從口入也。但嘗見世人之縱情狂啖。恣意吞納。而傷其身者多矣。是豈不知生命之可貴耶。抑或昧於利害之適從耶。今將最關利害者述之。穀類爲吾人主要食品。固不待言。而穀類中之米與小麥。尤爲最良。小麥於白露播種。夏至收穫。經過四種氣候始成熟。得天地之全氣。含多量之鐵質。味甘香。氣溫平。功能補血溫中。（接近熱帶地方產生者性較熱而功用亦小）米則微嫌含水分過多。久食米之人。多患濕氣病。

補助食物。種類繁多。肉類中之牛羊鷄。性大熱。患熱病者不宜食。一切肉類之選擇。必謹嚴。凡肉質清潔。紅白分明者。則新鮮可用。色黃而膚黯。或紅肉際淡紫不一。或氣味腥渾過甚。臭惡刺鼻。則爲已經腐壞。而密生黴菌。不堪食矣。食之必有害。

髓、龜、田鷄、補陰、療咳嗽、虛癆、吐血、食之通血脈補血。忌豬肉、莧菜、蒜、鷄子、芥菜。

鱒魚溫中建脾。治腸風痢下。調經。忌沙糖、蒜、芥、豬肝、鷄子、麥冬。

鯉魚治消渴、水腫、腳氣、咳喘、安胎、黃疸。

雀狗肉壯陽煖精。

驢肉。與荊芥同食殺人。

山禽野獸食料多不純。肉中或含毒質。身體不强壯。或病後。以不食爲宜。

菜蔬之氣味清淡者。多含清養氣。食之可以改變血液之不潔。以葉體豐厚。綠素精密。如白菜蘿蔔萵苣菠菜油菜等。含有鐵質者爲上。患吐血者宜多食萵苣蘿蔔。蘿蔔自然汁治頭風。偏正頭痛。偏左痛者。用蘿蔔汁滴入右鼻孔內。偏右痛者。滴入左鼻孔。左右皆痛。即左右皆滴。每一小時滴一次。以愈爲度。神效。每飯前後食之。可以助消化。治噎食翻胃。

菜蔬之氣味醜烈偏激者。多微含毒性。如辣椒胡椒葱蒜韭菹香椿等。味香辣。性大熱。能刺激神經。少食可以使味覺神經。嗅覺神經發



生快感。多食久食。則劫燥液汁。鼓蕩氣血。而麻痺知覺。失其清爽活潑之本性。嘗見有嗜食此等激烈辛熱物者。精血必熱濁。而多生熱毒病。或致產生愚頑暴烈不良之子女。

韭菜生食味辣。熟食香烈。以化學分析之。其成分含多量之炭素。而營養分子。不過百之一二。偏於體熱人食之。多發生胸中辣熱。吞酸。心跳。呼吸臭濁。遺精。大便熱。胸滿。腹疼脹。等病狀。余自爲醫以來。所治癆瘵失血。瘡瘍腫脹。心氣疼。肝鬱。滑精。痢瘡。中風。喘咳。胃病。瘟疫。精神病等。無論愈否。必囑勿食韭菜。但偏於體寒者則不忌。亦宜少食。嘗見食之者。方從鍋中盛出。卽有多數綠頭蒼蠅。飛集圍襲。捕之不絕。驅之不去。嗡嗡旋繞。討厭。此足徵其氣質惡劣不純良也。

葱蜜不可同食。同食名曰斷腸草。蓋言其食後即斷腸而死。曾記余幼時竊食蜂蜜後。即食葱。未幾胸腹絞亂。欲吐不吐。面色青白。呼吸緊促。先母見狀大驚。詢之知爲中葱蜜之毒也。急搗綠豆汁和鹽灌之。遂大嘔大吐而愈。韭菜與蜜同食。亦能害人。

馬齒莧滑大腸。葉大者妊婦忌食。食多墜胎。其氣味酸寒。余曾用以爲治腹內血瘤。及瘡瘍之主藥。

鼈忌與莧菜同食。此莧菜俗呼人情菜。馬齒莧亦忌與鼈同食。惟余曾以鼈甲與馬齒莧同用。蓋利用其相反。以激發馬齒莧之性能。俗謂鼈莧同食。腹生小鼈。可謂笑談。考其相反。不過鼈莧同食。瀉人元氣而已。

蕈類爲蔬菜中之美味。但多有含毒者。誤食毒蕈。必發生腹疼吐瀉眩暈心臟麻痺呼吸緊迫等病狀。不急解救則死。凡含毒之蕈。莫不有特殊毒徵之表現。留心察視。亦易分別。今略述含毒狀態於下。

(一)生在陰濕不見陽光地方之樹木上及朽爛無機物體上者

(二)組織帶有光輝異彩色澤黃紅者(三)柔軟多水分而不禁捉

取者(四)甫摘取即黯敗腐濁而色變青變綠變紫或變灰者(五)

汁液渾濁或呈乳狀而含色彩者(六)味苦鹹辣臭而含刺激性者

(七)頂端凸起顆粒或根際帶褲裙者。以上情形有一則不可食。咸

豐五年六月初三。烏程施家橋有吳如玉之母者。山中採菌甚多。族人吳焜昌之妻見而分之。晚飯時炒熟。與其子媳及女同食之。二更

後吐嘔腹疼。天明後四肢抖擻。肉跳牙咬。四人同時殞命。吳如玉之母亦食而死。鷄食人吐出物。頃刻即斃。剖視腹中。只有硬肝。餘皆爛爲青汁。吁可畏也。

鷄子性甘平。蛋白質多於一切食物。故中西人莫不喜食。不第此也。生食尤能潤肺生津。爲治肺癆胃燥心臟衰弱之良藥。（用法早晚空心取新鮮鷄子二三枚隔水燙熱然後在其頂端破一孔。囓吞食。食後宜用溫水漱口。）醫書亦嘗用爲治療上之要藥。如傷寒論之黃連鷄子黃湯是也。普通用法。不外煎炒蒸煮。但煮食者。比較不易尅化。消化力薄弱者。食之則易壅塞。而停頓胃之蠕動活潑。胃爲水穀之海。胃強則身壯。胃衰則身敗。食飲爲養生。須勿損胃氣。

葡萄。因不得多見太陽光線。故性陰劣。而不宜多食。多食有腹疼吐瀉者。小兒尤須禁食。總之無論何種菓品。莫不以得見陽光者爲佳。食時須去外皮。因其皮間或有毒也。弱人或病後。但咀嚙液汁。吐棄渣滓。甘蔗梨性甘寒。利痰清肺。和中養陰。蘋果甘寒芬香。養陰醒脾。滋腎平肝清血補心。宜煮熟食之。并飲其水。余屢用以療重症。建殊效。菓類中無上佳品也。西瓜亦甘寒。祛暑解熱。利小便。甜瓜全體著地。多有毒蟲近襲。故不宜多食。李杏性較熱。宜少食。核桃能消食。核桃三枚去外皮。加冰糖五錢。水煎服後。被覆出汗。治傷風寒。其內培煎水久服。亦可以澀精。核桃仁中間之夾皮。煎水飲治不寐。棗性熱。和中。多食生熱壅滯。白菓即銀杏性澀。單行方謂澀精。禁小便。療白濁。

一人患遺精。久食不效。又患胃膜炎。西醫謂其久食白菓所致。後經

余以清潤甘平治之全愈。

學粹破肝積止移止血治痢性甘寒宜生食其汁無花菓滓喉脛消食

都人多喜食檳榔。以其可消食。不知實益少損多。嘗治一婦人患蟲症。據云食檳榔已十餘年。一刻不食。即神疲心煩。飲食無味。而黃肌瘦。咳嗽盜汗。脈徐疾不調。蓋因食檳榔生蟲。由蟲而轉爲癆矣。

牛乳性甘溫。養分頗厚。惟攷現時市間所售鮮乳。率皆攪雜他物。罐頭煉乳成分較多。但煉成於火。自不免含相當之火毒。久食不妨酌服清涼藥。以救濟之。

豆汁

此之謂豆汁。即未成豆腐前。已去豆渣後之精汁。豆腐公司有用豆汁出售者。豆腐亦爲平補品。有人謂做豆腐用石膏點漿。

石膏豈可多食。此誠多慮。點漿不必一定用石膏。即用亦所用無幾。毫無關係也。味甘。性平。造尤佳。能補

虛生津潤肺止咳益精明目治癆瘵療胃病消老人腰脚腫脹療老

人腰脚忽然瘦削久服方效此物價廉質良優於一切補劑小兒及

病後產後用以爲日常飲料尤妙

北京有一種串街叫賣豆汁嘗見老幼男女圍挑坐食余探首視之

但見灰黑色稀膿滿鍋非從黃豆扣出之豆汁乃豆腐去腸中垢

綠豆之汁發酵而成似非潔品但京人嗜之爲美味豆腐去腸中垢

濁消脹滿。

諸葛菜即小紅蘿蔔治胃熱時疫清血生食良解毒退熱瀉浮火。

絲瓜通經下乳血積胎毒清血消腫利水行痰經霜老者連子蒂燒

存性加硃砂少許治衄血吐血崩漏便血米湯下一錢葉藤搗汁服。

解一切毒并敷嚙傷毒。

茶味嚙甘香苦性善興奮多飲令人患濕余嗜茶成癖飯後不飲精

神不振。思想言語皆澁鈍。而濕氣病亦殊甚。虛子繇謂常食茶令人瘦。去人脂肪。倍力。悅志。益意思。開聲響。暢四肢。舒百節。消煩悶。解憂慮。使人能誦無忘。不寐而惺。章杏雲調疾飲食辨則謂。茶之爲物。能耗人精血。有消之害。無息之功。飲宜清淡。勿多勿濃。或以其他草木之和平而有益人身可煎飲者。代之尤妙。至於消症及諸熱症發渴者。飲之則病難愈。又謂古人不專以茶作飲。故爾雅註疏但云可以作羹飲。而無所謂代茶字樣。又謂俗尙陳茶。僅隔一二年者尙可。乃竟有陳至五七年。或一二十年者。不知物過陳久。則多有毒。故飲之能令人失音。或暴死。以上二說。絕對衝突。究以何者爲是。孰說爲非耶。以余經驗考察。二說各有存在之價值。不過飲食原以養生。是在



善於利用。斯可耳。

酒類多種。大半皆含奮激性。尤以燒酒性最暴烈。其原料爲高粱所蒸釀。味辣。能發散肌表。興奮神經。和血禦寒。殺菌逐穢。過飲則亂血壓氣。損胃燦精。發怒助慾。昏憤神經。近年來酒商爲謀厚利。故多以西洋工藝上所用之劣等火酒。代高粱酒。此等火酒。性至烈。飲之未有不受害者。其他各種菓子酒。機製酒。性較緩和。多飲亦有害。俗謂酒出於穀之精華。故以酒代飯者有之。此說害人至烈。嘗見感受酒毒。而患噎膈胃痺吐血三消中風痿廢者比比。

露水能明目治熱病。雪水治時疫有大效。辛亥春暮。山東大疫。死相踵。余出所蓄雪水。遍飲親鄰之染病者。輕者立愈。重者亦輕。若按症

立方。雪水煎藥。尤有至效。春日陽燥。無病者飲之。却病爽神。清心瀉熱。有心人不妨收藏。蓄藏時宜注重潔淨。磁罈貯。封固埋土中。深數尺。勿使日光晒透方可。一妊婦患春溫。體極虛弱。以他醫之方過寒。不敢服。余因以雪水煎沙參。菊花。桑葉。扁豆。金石斛。鮮生地。鮮茅根。數服即愈。又一小兒患瘟疹兼痘。歷服寒涼。致塌陷色黑。神昏譫語。亦令以雪水煎沙參。扁豆。鮮生地。鮮茅根。赤小豆。紫草。茜根。白薇。燈心。通草。潞參。寸冬。而愈。露水收取較難。亦宜慎擇。蓋植物上之露水有毒。勿輕用。諸城一醫治一富家女子虛勞。以日不出時。取百花露水。沖丹參末。服已多日。一日服藥後。即心戰牙緊。肉跳腹疼。呼吸迫促。四肢搐縮。頃刻而斃。唇及指甲皮膚色青紫。此等死法。知爲

中毒無疑。但藥僅丹參。服已多日。何至死人。此必露水有毒也。

吾國相傳自燧人而後。始知火食。凡物經火而食。則毒菌消滅。消化亦易。但火食中油炸焦炙之品。最能使消化力疲乏。胃弱者。或竟停滯生病。烹煮之物。務使熟透。以防微菌不死。亦不可過用多量之水。水多則使有效成分。溶解水內。減少營養作用矣。

人與萬物。浮沉於生長之門。瀟德和靜。保元守素。以順應生長之德。方能熙熙融融。樂其天年。苟嗜慾放縱。伐本傷和。必至疼苦纏綿。身命難保。即使可以依賴醫療。以求康適。豈知補斷續絕。已失舊觀。蘇枯起萎。談何容易。況際斯擾攘社會。澆漓氣厚。天和難感。災沓踵至。百業凋弊。欲求謀個體之優生快活。尙有不易。更不幸而構病。豈不

苦惱益深乎。故區區述此。或非無病之呻耶。丁卯冬初宗山識

簡易救急鍼法

人在空氣中。猶魚之於水。空氣新潔純和。人生安適愉快。穢濁乖戾。必災害蜂起。近來軍閥土匪。混爭亂戰。擾攘掠奪。殺人遍野。炮火毒氣。屍蒸臭惡。瀾漫空閒。上瀾清淨之氣。下敗水土物產之質。於是霍亂疫癘。得以肆行。潛滋蔓延。繁殖傳染。即使戰亂區域狹小。癘疫發於一隅。空氣流通廣播。猶能及遠。何況全國糜爛。無一寸乾淨土耶。更加民間生活艱難。食不求潔。飢渴勞役。憂恐驚懼。傳染愈易。有觸卽發。政府雖應時有預防消毒之工作。但勢力已成。空言撲滅。官面文章。重於舖張。吾人不幸生當今世。無時無地不在危險恐怖中。苟

欲生命之幸免沈淪，不得不自謀救濟。但病則需乎醫療。醫又屬於專門。欲求人人通醫，非第難能，亦理之所無。余因將個人經驗多年，苦心精練之簡易有效鍼法，編述宣傳，習而行之。婦孺皆能，利人利己，惠而不費。

霍亂爲雜疫之一種。（多發現於夏秋二季勞苦之人最易病此）俗呼爲痧氣。瘡氣、瘴氣、絞腸痧、吊脚瘟。西醫名爲虎列拉。

構病原因爲外飲不潔之水，食有菌之物，飢飽勞逸不節，熱酒熱湯傷胃，或傳染中毒，呼吸惡濁穢毒之氣，或由於急怒悶快，悲傷失意，於是遏閉經絡流通之活潑，壅阻消化器官之蠕動，扞格不通，清濁交混，血中產生毒素，生機頓失常態，性質有寒熱，治法繁雜。前賢已成規

發明詳盡  
此篇不贅

病之現狀爲揮霍悶亂。成於頃刻。變動不安。發於攸忽。有先吐瀉而後胸腹絞疼者。有先胸腹絞疼而後吐瀉者。有吐瀉而胸腹不疼者。有胸腹疼而不吐瀉者。有吐而不瀉。有瀉而不吐者。四肢無力。腰屈不伸。心胸悶脹煩亂。腹脇板硬縮急。或如繩縛筋吊。或如錐刺刀刮。欲吐不吐。欲瀉不瀉。轉筋吊眼。抽搐反弓。唇青舌短。四肢逆冷。汗出引飲。目赤鼻乾。皮膚或發痧粒。前後心及腰彎。或生紫點青筋。或頭疼壯熱。神昏譫語。急性者夕發夕死。或卒倒暴斃。慢性者朝發夕死。或數日方死。慢者延醫求治。尙可從容布置。急則片刻不待。遲必難救。無論急者固宜。知此簡便方法。即慢者窮鄉僻邑。求醫不易。水陸

行旅服藥維難。亦宜明此簡便之法。以備萬一。

民國七年青州發生此疫，捫門合戶，無一

幸免。夜則吐瀉冷汗。口渴轉筋。倉卒間醫藥不及。天明後因像迭現。已不能救。可慘可憐。觸目驚心。余因傳此簡易鍼法救活無算。十六年秋北京亦發生此病。余一日鍼至數十人。雖病甚危。後即無碍。十七年春春溫猩紅熱猖獗。余賴此鍼法爲助。治愈無數。冥冥中除消蔓延之毒於無形。誠非粉飾。

鍼爲醫學中之一部分手術。與灸并行。發明最古。早於湯液方劑。習學精深者。著手神效。非藥劑所及。但習俗珍秘。法多失傳。殊可惜也。古時無鐵。以鋒銳之石質爲鍼。至金屬發明。方用鐵爲鍼。鍼之種類有九。毫鍼。鋒鍼。扁鍼。鍙鍼等。此篇所用之鍼。爲稜鍼。鍼治正法。須循經取穴。分寒熱補瀉。進退手法。書載詳明。技屬專門。余今所謂簡易鍼法。不分經絡。不分寒熱。不守規律。不遵指法。鍼用馬口鐵（無毒）

鍼之功用

或純鋼造之。三稜銳尖利鋒。長二寸。未用之先爲生鍼。放藥中煮一晝夜。（不煮亦可）取出帶身上。接近體溫以養之。則成熟鍼。臨用時。先以火酒燒之。以滅菌消毒。用後拭淨。收貯嚴密。勿損其尖。用之日久則鈍。宜磨之。此關於鍼者。

霍亂疫癘之成立。乃抗毒之正氣失勢。血液中充滿毒質。邪正相爭。生活錯亂。毒質遂漸發達。正氣必遂漸敗滅。及至毒邪全勝。則呼吸停止。生命終了。是以在發現病狀之初。急宜用下述簡易鍼法。在指定部位。刺出惡血。以瀉毒勢。而制止毒質之繁殖。活和血液之貫通。使體內原有抗毒之正氣。得以利用機會。反敗爲勝。毒勢輕者。遂鍼遂愈。即時可以回復健痊。毒勢重者。鍼後毒滅。亦有治療餘地。或曰



行鍼危險。外行人安可胡亂下手。不知此法專刺四肢與皮毛。四肢無致命之穴。皮毛輕淺。非深刺可比。人人可行。錯亦無碍。不問寒熱虛實。放心動手。施行一次後。即胆大得竅矣。古人謂毒中氣分宜刮。中血分宜刺。愚謂無論氣血。可以刮刺。并病勢重者。刺之血不出。可以食鹽入陰陽水中飲之。或探吐。病勢不重者。亦可飲以鹽水。

凡霍亂重症。吐瀉腹疼。四肢冷。厥弓反張。悶亂抽搐。以刺臂彎。腰彎。指頂爲主。放出黑血。病勢即減。

臂彎刺法。從肩膀際循臂往下。合手將摠至肘骨。緊握勿鬆。隨以布帶扎裹。逼血下聚。再從手腕用力往上將摠至肘骨。緊握勿放。逼血上聚。此時臂彎內側橫紋窪陷中。有青筋數條。即回血管。因上下之壓迫。血聚此處。數條血管。同時緊脹高起。施術者。先以火酒洗拭臂彎。

手指刺法

胸前刺法

以消毒殺菌。然後手持鍼身。指逼鍼鋒。認準橫紋。擇一血管刺入。以

刺透血管膜壁爲度。

血管刺透自有刺透之感。覺臨時自知。

刺已透即出鍼。血自隨鍼

流出。

西醫放血用筒鍼插入血管。但恐以爲不若此法之妥善。

血淨急解去布帶。并宜推拿全臂。

以活動血脈。此臂刺已。更刺彼臂。

手指刺法。大指穴在內側。去指甲如韭葉。二三四五指。穴在指頂正中。去指甲亦如韭葉。先以手緊捏刺處。再以鍼輕輕刺之。擠使出血。如珠爲度。兼治喉疼胃氣疼。

腰彎病輕者可以不刺。病重轉筋。或腰彎發現青筋。則必須在彎之正中。或有青筋處刺之。擠使出淨黑血。

胸前胸腹正中。上至咽喉。下至小腹。不須尋穴。各鍼距離半寸許。或

身後刺法

再近再遠遂意變通。以指緊緊捏起肉皮。輕輕刺之。擠使出血。吐瀉胸腹疼。心亂。悶脹。咽疼。發熱。咳嗽。嘔惡。即非霍亂。刺之亦效。

身後背部。上迄髮際。下至尾閭。循脊骨正中。在每一脊骨縫中。捏皮輕刺。擠出血珠。主治解肌。散風寒。鬱熱。止嘔吐。發熱。惡寒。頭疼。有特效。

頭部刺法

頭側旁兩太陽。上下左右。及眉稜骨。左右腮頰。頸之兩側。捏皮輕刺。擠出血珠。主治解表。清腦。頭疼。牙疼。喉疼。耳疼。

霍亂禁忌

霍亂癘疫。既由於穢毒凝結。閉塞竅道。內治宜逐穢解毒。宣通脈絡。故始終切忌甘膩滋補。死麵。辛辣。生薑。大棗。辣醬。花椒。烟。茶。火酒。麵筋。糯米糰。粽子。魚。鷄。猪。羊。蒜。葱。韭菜。芥菜。瓜。茄。糖食。桃。梅。杏。

熱油氣犯之必復。須遠離厨皂坑側。禁用不潔之物。尤忌米飲熱湯。鷄子。下咽即死。病愈後。勿飽食。雖過飢無傷。待正氣復原。卽無忌矣。  
煑鍼藥方

紫草二錢 茜根二錢 當歸二錢 川芎三錢 白芷三錢 川連三錢

川軍三錢 銀花三錢 連翹三錢 礪砂錢五分 明礬一錢 乳沒三

錢 紅花錢五分 食鹽二錢 水酒各半與鍼同煑一晝夜取起拭

乾收貯

與顧膺陀君論醫書三則

產後發燒醫案云。上略產後六日。陡然發燒。熱甚高。加以頭疼。咳嗽。少腹痛。腰背痠痛。中略診其六脈浮數而弦。按此症由外感風寒。瘀

血停留所致。急宜疏表邪。行瘀血。寧嗽爲主治。遂用當歸三錢 川芎

錢五 五靈脂三錢 益母草三錢 蘇梗二錢 左秦艽二錢 杏仁三錢 香

附三錢 烏藥二錢 桃仁錢五 芥穗三錢 銀花三錢 爲方加減旬日而

愈。信乎 試觀云云此病何病耶。稍具醫識。吾知必皆曰是爲某病也。

產後發燒乎。嘻。凡病之名稱。須簡明扼要切於實際。非可空中樓閣。

含混妄造者也。此病題標既名爲產後發燒。題標爲工作標準。則發

燒一症須具有相當分量。方可爲此症綱領。而成其定名。若發燒之

外。尙有他症可以表率一切。而概括發燒。則產後發燒之名。泛無根

據。何能以爲標的。第可謂他症現症中之一部分附屬分子。或爲他

症以外之兼症已耳。况案文內既已明言爲外感風寒瘀血停留。治

亦只疏表邪行血止嗽。對於發燒毫無結果。產後發燒之標題。可謂不倫不類。失其作用矣。加以發燒之性質多端。原因複雜。發燒之上冠以產後。殊費索解。試問此發燒當知屬於產後何等性質之發燒。產後陰虛則發燒發燒也。產後傷風發燒或感寒發燒。豈不爲發燒乎。統察內外科可致發燒之症。不可勝計。究之產後陰虛耶。傷風或感寒以及他症所致而發燒耶。所謂發燒非即皮膚熱度高大耶。此熱度何因而高大。必盡讀案文。然後知爲外感風寒。瘀血停留所致。案文不言有咳嗽頭疼。及少腹疼。腰背痠疼乎。然則何以不名曰產後咳嗽。產後頭疼。產後腹痛。產後腰背痠疼。而必曰產後發燒。其定義果何在耶。一名之微。固無駁論價值。第吾人既欲著書立說。要不

能不處處謹慎。况吾中醫方被時代之輕視潮流之鄙薄。吾人尤不宜含糊模稜。遣人以口實也。不第此也。僕今尙有促顧君注意者。爲新產甫六日。則陰之虛可知。其時又交春令。春氣發動。人身陽氣亦勃興。假使此人素日偏盛於陽。則陰益虛。陰既虛而重用傷陰之藥。寧無流弊耶。陳修園曾云。治風先治血。血行風自滅。治此病用四物湯加減。不能說是不對症。不過方中既重複溫燥發散之藥。又重用破氣行血之品。則未免犯虛虛之禁矣。醫者認症立方。宜有原理與規律義意。頭疼加頭疼之藥。脚疼入脚疼之品。堆集包圍。則醫者亦易矣。蓋病有病之成立程度。法有法之施行程序。病有變化。始與終異。法爲活機。運用不同也。嘗見有患病者抄服成方。方有不善。寧不

遺害他人。抑更有言者。醫案者臨症之診斷也。此病構造之原因爲何。治法之理由安在。絕非可以疑似含糊之籠統語概括判斷。醫家之有醫案。猶法律之判決書。必證據確鑿。理由充足。方無錯誤。此案之理由與論斷。果何如耶。至於以醫案爲著作。則必須具有相當價值與發明。若僅平鋪直叙。雷同陳腐。或理由不充。論斷不確切。則無足以成其爲著作矣。臨症指南。王孟英醫案。多爲他人記錄成葢。其中方案確尙老練。不失爲有價值之書。閣下之作。果能高出於此二書否。

又四肢厥冷醫案云。夫脾主四肢。而爲諸陽之首。按脾爲足太陰經。十二經之一。盡人而知。何得謂爲諸陽之首耶。恐閱盡醫書。喚起今



古名醫而問之。決無此等支離怪說。如謂四肢爲諸陽之首耶。更無此謬理。僅以區區名詞。及表面義意。何竟錯誤至此。又云陽者衛外爲固。四肢時常厥冷。顯係陽氣不充。且有冷汗。則腠理不密可知。自服附子肉桂辛熱之藥無效。所云四肢厥冷。既顯係陽氣不充。在醫理上當然須認爲寒症。寒性病。自用辛熱藥。何以無效。此真不可解。豈辛熱治陽虛無效。寒涼治陽虛反有效乎。可爲奇談。又云恃藥餌。其收效必微。宜多運動以流暢血脈。陽氣亦可賴以漸充。請問自古名醫。噓枯生春。生死人而肉白骨。所恃者非藥餌耶。垂死之病。藥之尙可回生。僅以陽氣不充之小病。藥反不能治之耶。況陽不充爲體內陽氣缺少也。運動不過僅可活潑肢體耳。何能即以補充體內

不足之陽氣。此說此法可謂今古創見。以上不過舉其甚者爲例。其他不經之作。駁詰實不勝其駁詰。雖然假使閣下不誣駁詰者。余亦爲駁詰內之一人。爲自炫自怨又嫉又擠。余亦決不肯過事吹求。以爲先生盛名之沾也云云。

又啞風一案。僕因學識淺疎。百思不得啞風之解。翻閱群書。亦未獲其出處。凡名者病之用。病者名之體。因名知病。見病識名。各有一定之原理在。理由不充。究以何爲根據耶。及至細釋案情。愈滋疑惑。啞風醫案云。上略操心過度。平素善怒頭眩。初則聲嘶。漸至音啞。累月不愈。清熱散風等藥。屢服不效。中略此症由於多怒傷肝。致木動風生。脾土受風木之傷。凡診斷病情。要說其所以然之真理。才算難能可貴。無論何病皆拿此籠統之說。概括之。非有

意取發人，艱於運化，留滯成濕，脾土既衰，不能輸精於肺，肺亦因之特欺人耳。而衰，肝木之邪乘勝已之藏衰，又扶濕邪上乘於肺。此二句殊無法解釋肺主金，金空則鳴，今被肝脾之邪所干塞，肺竅不通，故初則聲嘶，久乃音啞。法宜疎肝脾二經之風濕，兼調肺氣。按啞者聲不能出，或聲出音不辨之謂也。故古人名兒科爲啞科。聲音之出，屬於肺氣鼓蕩聲帶而發。倘因肺有他種病邪，肺之職能發生變化，聲帶失其主動力而啞。或因體內偏燥，津液缺乏，而聲帶無以潤澤而啞。總之啞之構成，不外內之情慾，外之六氣。風亦六氣之一，六氣者何？風、寒、暑、濕、燥、火也。天地有六氣之變，人身乃有六氣之賊。此病因風而成，而曰啞風。濕之安置何處，固可置之不論。若至有因火而啞者，當然是啞火。因

寒者曰啞寒。因暑者曰啞暑。因濕者曰啞濕。因熱者曰啞熱。有是說耶。可謂發千古所未發。凡病以理立。治以理勝。理由牽拉。遂意造作。將以爲全國首善之區之大京城。醫界中真無一人耶。既云前醫以清熱散風藥屢服未愈。何以此案之方藥。亦皆清熱散風之品耶。豈他人不能運用如意。偏吾能超聖出神耶。愚並以爲脾既有濕凌肺。則升散藥更非所宜。蓋升散藥必能盡挾脾濕上逆。肺之被害豈不愈甚。而啞亦益重矣。若以疏脾濕調肺氣。卽爲高人一等之治法。恐他人當不能果如是之昏庸。而竟不知用半夏陳皮杏仁等之普通藥。矧凡啞屬於肺。盡人所知。雖極無用之醫。亦當知調肺氣以治啞。且此方君臣佐使。及其主意究何所見而云然。殫蠶蔓荊子蟬退枯。

梗天麻盡升散之風藥也。肝既燥旺。用如此重之辛燥風藥。肝能不愈旺。而風不愈大乎。牛蒡子黃芩桑葉菊花苦寒藥也。假使此病非爲實火性質。而爲寒濕或陰虛燥火。能保其必不傷人乎。陳皮半夏杏仁破氣藥也。設若此病爲腎虛肺虛氣血虛而嘔。或爲癆瘵之嘔。能不速其死乎。且僅以操心過度。善怒頭眩。何以必知其爲肝旺。焉知非爲膽虛肺虛心虛腎虧乎。又脈象未言。究不知從何處知其爲脾有留濕。因何脾之濕必干塞肺竅。而使金實不容。況此方升散藥占十之六。體內有多大之風。能服十劑而不殆者乎。以上三則本在刪除之列但重

閱一過不無稍有可取之處故附入以實篇幅十七年戊辰春日宗山識

新醫學案正誤表

類別	頁數	行數	字數	正	文	誤	排
序	二	六	二十一	症		醫	
序	五	五	十六	宗山		山宗	
小註	六	四	二	篇		編	
本文	七	五	九	婦		精	
本文	九	二	二十三	經		禱	
本文	三十三	十	二	聽覺		覺聽	
頂批	三十六	四	二	種		之	
本文	四十五	二	二十二	癩		姜	
本文	四十六	四	十二	雀		薈	
頂批	五十四	二	四	陰		除	
頂批	五十一	二	五	幸		幸	
本文	六十一	十	十	筋		筋	
本文	六十五	八	十一	低		底	
小註	七十九	二		玄明粉一錢五分		玄明粉三錢五分	
本文	七十九	十	四	行		從	
本文	八十一	六	二	治腹脹虛症		治腹虛症	
本文	八十二	九	十三	腎氣丸善後		腎氣善後	
本文	一百〇四	八	二十六	苦溫下		苦溫下此(多此字)	
本文	一百〇八	七	十	附		罕	
頂批	一百一十一	一	一	胃		胃	
本文	一百十三	三	十五	邪輕		輕邪	
頂批	一百四十二	一	一	胃		胃	
本文	一百四十二	八	十七	傷胎		胎傷	
本文	一百九十四	三	二十六	流字抬頭屬下段			
小註	一百九十六	八	六	杭芍枳芩(添枳字)		杭芍芩	
小註	一百九十六	八	二	靈脂炭(去枯字)		靈脂脂炭	
本文	一百九十七	六	十一	草		草	
頂批	二百二十九	五	三	溫		溢	
本文	二百四十	七	二十五	霜		為	
頂批	二百四十四	一	五	肉		內	
本文	二百四十七	一	十四	藥加		加藥	
本文	二百六十	八	十九	鎖		銷	

民國二十七年五月廿一日初版



定價大洋貳圓

分 發 行 所	總 發 行 所	印 刷 者	校 對 者	著 作 者
琉璃廠各大書坊 東安市場各書坊 中央公園大慈商店 北京慈祥工廠	中國醫學改進學社 安定門二條四十六號	北京慈祥工廠	徐光達 邱民山	邱宗山

#1249

77232